


პიონერები



ხელმძღვანელობის გაკლიაჩებისათვის.



უდავოა ის ფაქტი, რომ პიონერთა ორგანიზაციას დიდი მიღწევები აქვს. პიონერების მიერ ჩატარებული სამხედრო ლაშქრობა ადგილებზე იმის დამატკიცებელია, რომ მათ შეგნებული აქვთ გადაწყვეტ მომენტში პარტიასა და კომკავშირთან ერთად მტრის მიმართ ბრძოლის წარმოების აუცილებლობა.

რას ნიშნავს გასულ წელს პიონერების მიერ ჩატარებული კამპანიები კულტურული ლაშქრობისათვის, თუ არა იმას, რომ დღეს პიონერების მრავალრიცხოვანი დარაზმული ორგანიზაცია სასტიკ შეტევას აწარმოებს დახვეწებული ზენ-ჩვეულების აღმოსაფხვრელად, რომ გზა გაკაფოს კულტურული რევოლუციის გასამტკიცებლად მშრომელთა მასაში.

ასევე პიონერთა ორგანიზაციამ თვის კამპანიის ჩატარების დროს მოსახლეობაში შესძლო ეწარმოებია საკმაო აგიტაცია-პროპაგანდა. პიონერებმა შესძლეს საცდელი ნაკვეთების ინდივიდუალურად თუ კოლექტიურად დამუშავება. მიუხედავად ასეთი მიღწევებისა, ადგილებზე საგრძობ შეცდომებს ვხედავთ, რაც მიეწერება პიონერებისთვის არასწორი ხელმძღვანელობის გაწევას კომკავშირის მიერ. ამ ნაკლის გამოსასწორებლად სამბიურობმა მიიღეს ღონისძიებანი, მაგრამ ეს მეტად სუსტი და უშედეგო გამოდგა. ზოგიერთ მაზრაში (მაგ., ქუთაისი, ოზურგეთი და სხვა) ხელმძღვანელმა კომკავშირელებმა არამც თუ სწორი ხელმძღვანელობა არ გაუწიეს პიონერებს, პირიქით, ცუდ მოქმედებაში ეძიებდა ხელმძღვანელობის სისტემას ზოგიერთი მათგანი. რასაკვირველია, ასეთი მოვლენები პიონერთა ორგანიზაციის მუშაობის შეფერხებას ნიშნავს უშუალოდ. მაგელ რიგ სოფლებში პიონერთა ორგანიზაციის მუშაობა პერიოდულ სახეს იღებს. გაძლიერებულ მუშაობას მოჰყვება მუშაობის შეწყობა, ისევ გაძლიერება, და ასეთი რყევა ორგანიზაცია მთლიანად მოდუნებულ მდგომარეობამდე მიჰყავს.

„იხ. კომუნისტის“ და ჟურნალ „პიონერის“ ფურცლებზე შეკრებილი ცნობები ზემოთ მოყვანილი ბრძოლების დასამტკიცებლად სრულ მასალას იძლევა.

დროთა სვლაში პიონერთა ორგანიზაციის მოთხოვნილება რთულდება და ამ გაზრდილი მოთხოვნილების გადასაჭრელად აუცილებლად უნდა გამოინახოს შესაფერი ღონისძიებანი. ამიერკავკასიის პიონერთა პირველმა შეკრებამ, რომელიც შესდგა მიმდინარე წლის აგვისტოს პირველ რიცხვებში, ამ მდგომარეობას ხაზი გაუსვა და აღნიშნა, თუ როგორ იზრდება პიონერთა საქმიანობა და ამ გაზრდილ საქმიანობას ის რა ფორმებითა და მეთოდებით სწყვეტს.

აუცილებელ პირობას წარმოადგენს კომკავშირის მიერ გაძლიერებულ იქნეს ადგილებზე პიონერ-

თა ორგანიზაციის ხელმძღვანელობა. ქალაქად ამ მხრივ მდგომარეობა უკეთესია, ვიდრე სოფლად, რადგან ქალაქად მომზადებული პირები მოპოვებან და შესაძლებლობაც არის, სიახლოვის გამო, უკეთ იქნეს ხელმძღვანელობის საკითხი მოწესრიგებული. სოფლად კი ზოგიერთ ადგილას ხელმძღვანელობის სისტემის გამო მუშაობა შეფერხებულია. ზუგდიდის და ქუთაისის სამბიურობმა სოფლად პიონერებისთვის ხელმძღვანელობის გასაწევად მოამზადეს კომკავშირელთა კადრი. მაგრამ ეს ამხანაგები სოფელში მივლინებულ იქნენ მხოლოდ 2-3 თვით, და მუშაობას მაინცაღამაინც დიდი ნაყოფი არ მოუტია. სოფლად იქ, სადაც კომკავშირის უჯრედი არსებობს და მასთან პარალელურად პიონერთა ორგანიზაცია, პირველის ხელმძღვანელობა არაფერში არ გამოიხატება, ვინაიდან სოფლად კომკავშირის ისეთი უჯრედებია, რომლებიც არერკვევიან პიონერთა მუშაობის საკითხებში. ამიტომ სამბიურობმა პიონერების ხელმძღვანელობის გასაძლიერებლად კომკავშირელი იმ ამხანაგების მომზადება უნდა დაისვან პირველ საკითხად, რომლებიც მუდმივად სოფელში რჩებიან, რომ პიონერებს მათ სისტემატიურად გაუწიონ ხელმძღვანელობა.

საჭიროა კომკავშირმა მიმდინარე მომენტში პიონერთა ორგანიზაციის ენერგიული ხელმძღვანელობა გაუწიოს, რომ გააცნოს პიონერებს დროული საკითხები, რის შემდეგ ეს უკანასკნელნი ადვილად შესძლებენ გასწიონ აგიტაცია-პროპაგანდა თავის მშობლებში.


პიონერთა ორგანიზაციებმა თავისი მოთხოვნით კომკავშირის უჯრედს უნდა მიმართონ, რომ შერჩეული (თუ მოიპოვებინ ასეთნი, თუ არა და მეზობელ სოფლის კომკავშირის უჯრედს უნდა მიმართონ), პირების დახმარებით იქნეს მათთვის ხელმძღვანელობა გაწეული.

მიუხედავად მკირეწლოვანებისა, პიონერებს შეუძლიათ დიდი მუშაობა აწარმოონ თავის მშობლებში უკულტურობის მოსასპობლად. პიონერებმა რომ მეტად გაშალონ თავისი მუშაობა სოფლებში, საჭიროა მათი თეორიული მომზადების გაღრმავება. კომკავშირის ორგანიზაციებმა სხვა საკითხებთან ერთად პიონერების თეორიული მომზადების საქმე საკუთარ დავალებად უნდა გაიხადონ, რისთვისაც ნაბიჯები აქედანვე უნდა იქნეს გადადგმული. ამით ჩვენ, ერთის მხრივ, ავწევთ პიონერების თეორიული მომზადების დონეს და, მეორე მხრივ, საშვალეობა მოგვეცემა ასეთი ახალგაზრდობის დახმარებით ვაწარმოოთ ბრძოლა მშრომელთა მასაში ყოველგვარი უვიცობის და უცოდინარობის წინააღმდეგ.

ბ. მირცხულავა.

შ ი ნ ა ა რ ს ი:

1. პიონერებს — მაქსიმ გორკის	1	9. ფოლადის სამეული — ბ. ბიზინიშვილის	14
2. მარსა — ე. ვგ — შვილის	2	10. ასეთი იყო ჩვენი პირველი შეკრება	23
3. მანევრებზე — ლექსი — ირაკლი აბაშიძის	3	11. მარგანეცის მოპოვება — ელ. პოლუმორდვინოვის	27
4. კავკ. წითელდროშ. არმიის მანევრ. — შ. ესებუასი	4	12. სასკოლო კოოპერატივი — მ. ბოგომაზოვასი	28
5. საქ. სახ. მეურნ. ხუთწლიანი გეგმა — ხანის	6	13. მეცნიერება და ტექნიკა — ისრის	31
6. ნაროდნაია ვოლია — კ. მ — ძის	8	14. ხელმძღვ. გაძლიერება — ბ. მირცხულავასი — გარ. 2 გვ.	
7. მიდიან დაუთვალ. რიგები — ლექსი — ა. აღამიასი	10	15. ნოტები — გარეკანის მესამე გვერდზე.	
8. გამარჯვებულნი — გ. ნარიმანიშვილის	11		



პ ი ო ნ ე რ ე ბ ი

1929

15 სექტემბერი

საქართველდ ბ. კ. ო. ცენტრალური და ტფილისის მიუღ-
ების და განათლების სახალხვ კომისარიატის სოციალური
აღზრდის მთავარმართველობის ყურნალი ბავშებისათვის.

წელიწადი IV
№ 17

პიონერებს

ვინ არიან პიონერები?
პიონერები დააჩქეს იმ ხალხს, რომელიც სახ-
ლდებოდა ახლადმოჩენილ მიწებზე.

პიონერებს უწოდებენ მეცნიერების ბევრ ცნო-
ბილ მუშაკს: ლუი პასტერს — ბაქტერიოლოგიის
დამაარსებელს, კიურის, რომელმაც აღმოაჩინა რა-
დი, პროფესორ დოკუჩაევს, რომელმაც რუსეთის
ნიადაგების გამოკვლევის დროს გზა გახსნა ახალი
მეცნიერებისათვის — გეოქიმიისათვის. შეიძლება პიო-
ნერი ვუწოდოთ კარლ მარქსს — მან მიაფინა მთელი
კაცობ-იობის ისტორიას ახალი შუქი და უჩვენა
მთელი ქვეყნის მუშათა კლასს ერთადერთი გზა თა-
ვისუფლებისაკენ. ვლადიმერ ლენინსაც, რომელმაც
პირველმა გაბედულად წაიყვანა მუშათა კლასი მარ-
ქსის მიერ ნაჩვენები გზით, შეიძლება ეწოდოს პიონერი.

ყოველ საზოგადოებრივ მუშაობას, რომელიც აფარ-
თობებს და აღრმავებს საერთო საკაცობრიო კულტუ-
რის ზრდას და ემსახურება მშრომელი კლასების ინტე-
რესებს, ჰყავდა, ჰყავს და ეყოლება თავისი პიონერები.

ამიტომ შეიძლება ითქვას, რომ პიონერები ის
ადამიანები არიან, რომელნიც ქმნიან ახალ სასარგებლო
რამეებს და შეაქვთ ის ცხოვრებაში, და ხალხი, რომე-
ლიც აღრმავებს და აფართოებს ახალს, სასარგებლოს.

აგრეთვე ჩვენი მუშათა კლასი და ღარიბი გლე-
ხობაც, რომელიც მარქსისა და ლენინის გზით მი-
დის, პიონერების რაზმია, იმიტომ რომ ამ რაზმმა
პირველმა დაიწყო მთელ მშრომელ ქვეყნიერებაზე
თავისუფალი თავისი სოციალისტური სახელმწიფოს
გაბედულად შენება.

თქვენ, ბავშებო, სოციალური რევოლუციის
პიონერების შეილებო, ძმებო და დებო, ახალი ქვე-
ყნის მშენებლების ბავშებო, თქვენც შედინართ ახალ
დედამიწაზე, თქვენთვის ახლახან აღმოჩენილზე, თქვენ
დასახლდებით მასზე, როგორც მთელ მის სიმდიდ-
რეთა ბატონ-პატრონები, როგორც საკუთარი თავი-
სათვის მომუშავენი.

თქვენს წინაშე ბრწყინვალე გმირული სამუშაოა:
უნდა განაგრძოთ მამების მიერ დაწყებული საქმე.
თქვენ უკვე აკეთებთ მას ისე კარგად, რომ მალე
შეიძლება მეხსიერებიდან ამოვშალოთ ძველი ანდაზა:
„კვერცი ქათამს არ ასწავლის“. თქვენ უკვე ასწა-
ვლით თქვენს მამებს უფრო გონივრად ცხოვრებას
და მუშაობას, ვიდრე ისინი დღეს ცხოვრობენ და
მუშაობენ. ეს თქვენი გაკვეთილები განსაკუთრებით
თვალსაჩინო და სასარგებლოა სოფლად, სადაც ცხო-

ვრების და მუშაობის ძველ ჩვევებს ჯერ კიდევ
მაგრად აქვთ შებოჭილი ადამიანთა გონება. სოფლად
ადამიანებს ჯერ კიდევ არ სწამთ გონების ძალა, რა-
საც შეუძლია დაანგრიოს ყველაფერი, რაც უშლის
ხელს ადამიანებს, რომ კარგად იცხოვრონ და რასაც
შეუძლია შექმნას ყველაფერი, რაც საჭიროა სამარ-
თლიანი, ჯანსაღი და ადვილი ცხოვრებისათვის. სოფ-
ლად ჯერ კიდევ ცუდად ესმისთ კოლექტიურად შრო-
მის სარგებლიანობა, და მხოლოდ ამ შრომას კი შეუ-
ძლია მოსპოს ადამიანებში ხარბობა, შური და მტრობა.

მამების გამტყუნება არ შეიძლება იმაში, რომ
მათ ბავშვებზე უფრო ცუდად ესმისთ კერძო საკუთ-
რების ინსტინქტის საწინააღმდეგო დიდი ისტორიუ-
ლი ბრძოლის საქმე.

თქვენი მამები წარმოუდგენელ მძიმე პირობებში
ცხოვრობდნენ. ძველმა კაპიტალისტურმა ცხოვრებამ
მაჩვია ადამიანები ისე უცქირონ ერთმანეთს, რო-
გორც მტრებმა, თითოეული მიაჩვია, როგორც ნადი-
რი, თავის ბუნაგში, ხვრელში, თავის ქოხში შემალვას.
წარსულის სიბნელე და საშინელება კერძო ინდივი-
დუალური საკუთრების ნიადაგზე აღმოცენდა. კერძო
საკუთრების ინსტინქტი ადამიანების მთავარი მტე-
რია და ცხოვრების ყველა სიმწუხარის, ყველა სა-
შინელების მიზეზია.

მუშათა კლასის მოწინავე რაზმი — კომუნისტე-
ბის პარტია — ასწავლის ადამიანებს: მოსპეთ წვრილი,
კერძო მეურნეობა, ნიადაგი, რომელზეც აღმოცენდა
კაპიტალიზმი, — მთელი მსოფლიოს უბედურება,
ყველა მანკიერების და ბოროტმოქმედების საფუძველი.
იბრძოლეთ ცხოვრების კაპიტალისტური კლასიური
ფორმების უფულობის წინააღმდეგ, აშენეთ საკუთა-
რი სოციალისტური სახელმწიფო, და მაშინ მოკვდება კერ-
ძო საკუთრების ინსტინქტი, მხოლოდ მაშინ დადგება ნამ-
დვილი ძმობა და ერთობა, ხოლო ადამიანთა შრომა კი უფრო
ადვილი გახდება და უფრო მეტ შედეგსაც მოგვცემს.

თქვენ, ბავშებო, აუცილებლად უნდა მიიღოთ ის მო-
ძღვრება, თუ არ გსურთ, რომ ცხოვრება ისევ დაბრუნ-
დეს იმ სიბნელესა და საშინელებაში, რომელშიაც ცხოვრო-
ბდა მშრომელი ხალხი ათასეული წლების განმავლობაში.

თქვენ ყველაფერს უნდა ხედავდეთ, ყველაფერს სწავ-
ლობდეთ, აღიჭურვოთ ცოდნით და არ თავილობდეთ
არაფითარ შრომას.

თქვენ, პიონერები, გაბედულად და პირდაპირ უნდა
მიდიოდეთ იმ გზით, რომელიც ლენინმა გაგისნათ.

წინ, პიონერებო!

მაქსიმ გორკი.

მარსა,



დღეს მარსა მოწყენილია. მოგრძო შავი თვალებიდან მსხვილი ცრემლები სცვივა მზისაგან დამწვარ ლოყებზე და მტვრიანი გზით საფრანგეთის ჯარისკაცთა ბანაკისაკენ მიეშურება.

მარსა მარტო არ არის. მას მსუბუქი ნაბიჯით მისდევს ხუთი-ექვსი წლის ცხენი, მშვიდი თვალებით, ხვევრდოვანი თავით, აბრეშუმით რბილი კუდით და ალაგ-ალაგ თეთრად აჭრელებული შავი ბეწვით. მარსა სტირის, ცხენი კი დროდადრო ჭიხინებს, თითქოს ეკითხება თავის საყვარელ პატარა პატრონს: „სად მიგყავარ, რატომ არა მღერი წინანდებურად, როდესაც მე და შენ ერთად დავრბოდით მზისაგან გადამწვარ მინდორზე? ან რატომ არ მადგია ზურგზე აბრეშუმის უნაგირი და ზედ არა ზიხარ?“

ოჰ, მარსა არა მღერის და კიდევ დიდხანს ვერ იმღერებს, რადგან ის მოჰულის გასაყიდლად მიდის.

სილატაკემ მოიკიდა ფეხი იმათ სახლში. ციებამ საფლავში ჩააწვინა ოჯახის უფროსი, მოხუცი ჰასანა, შემდეგ მარსას პატარა და მეჯე და ბოლოს ლერწამისაგან დაწულ ქილოზე დააწვინა მარსას დედა და ერთ-ერთი ძმა.

სახლში ფული გამოილია და ამიტომ გახდა მოჰულის გაყიდვა საჭირო. მარსამ უკვე გაჰყიდა თავისი ოქროს ჯაჭვი და საყურეები თითქმის ჩალის ფასად. და, აი, ახლა გასაყიდლად მიჰყავს თავისი ერთგული მეგობარი, მისი ბავშობის საყვარელი თანამგზავრი და თამაშობის მოზიარე.

მოჰული აღარ დაიხეხინებს გრილ საჯინბოში, სადაც თავის ყოველდღიურ საკვებსა და ჰასანას შვილების კოცნას მოელოდა.

ის აღარ გაასეირნებს თავის ზურგზე მზისაგან დამწვარ გოგონებს და ბიჭებს, რომლებიც თავის პურს მას უზიარებდნენ.

ის აღარ მივა წყლის დასალევად წკრიალა, გამჭვირვალე ანკარა მდინარესთან, სადაც გასაგრილებლად ჯიხვები დადიან, ველარ გაიკუნტრუშებს მზის მხურვალეებისაგან გავარვარებულ და ჩამოზნელებულ სწორ მინდორზე.

ასეთი მწუხარე, მძიმე ფიქრებით მიადწია მარსამ ფრანგების ბანაკს. დარაჯებმა გაუღიმეს იმის ნორჩ სახეს. მარსამ აუხსნა, რომ ცხენის გასაყიდლად მოვიდა.

ასეთი ამბავი იშვიათი არ იყო არაბთა ქვეყანაში.

ახალგაზრდა ოფიცერი, რომელიც მოჰულის გასასინჯად გამოვიდა, ძალიან მოიწონა ცხენი.

— „რამდენად აფასებ ამ პირუტყვს?“ — ჰკითხა ბავშვს ოფიცერი.

— „ეს ცხენი ას ფრანგულ ოქროს პიესად ღირს“, — უპასუხა ცრემლისაგან ჩახლქილი ხმით მარსამ.

— ხომ არ გასულელდი, პატარავ? — წასჩურჩულა ერთმა ჯარისკაცმა.

— ასი ოქროს პიესი? — გაკვირვებით ჰკითხა ოფიცერი.

— დედამ ასე დამაბარა... მაშ მოჰული ამდენად არა ღირს?.. — განაგრძო შეშინებულმა მარსამ.

— ორასი ოქროს პიესი-თქო... — კიდევ წასჩურჩულა ჯარისკაცმა.

— ორასი... — გაიმეორა აბნეულად გოგონამ.

— მართალია... შენი ცხენი ორას ოქროს პიესად ღირს — წარმოსთქვა ოფიცერმა.

ნალველნარევი სიხარული გამოკრთა გოგონას გაფითრებულ სახეზე.

— „მაშ მადლევ ამ ფასად?“

წითელმა ტუჩებმა ოდნავ წარმოსთქვეს „დიად“, მაგრამ მისი შავი, დიდი თვალები ცრემლისაგან აიშლრა.

— რაღა გატირებს? — ჰკითხა ოფიცერმა, — შენ ხომ იმდენს ფულს გაძლევ, რამდენის მიღების იმედი არა გქონდა?

— „მოჰულს ვუყვარვარ და ჩვენც გვიყვარს იგი“ — უპასუხა მარტივად მარსამ.

ის არა ფიქრობდა ფულზე, რომელსაც ახალგაზრდა ქერა კაცი უთვლიდა, არც უდაბნოს ვერცხლისფერ ქვიშიან საზღვართან ქოხში დატოვებულ მშვიერ ავადმყოფებზე, ის ვერც მოჰულს ამჩნევდა, რომელიც თავისი ხვევრდოვანი თავით უაღერსებდა იმის ატლასივით რბილს, მზემოკიდებულ ლოყებს და წყნარად ფრუტუნებდა, რადგან განშორება აუცილებელი იყო.

როდესაც მარსას ხელში ოქროს ფული ეჭირა, ჯარისკაცს მოჰული უკვე მიჰყავდა, მიუხედავად მისი წინააღმდეგობისა.

ცხენმა სამჯერ მოიბრუნა ხეხვინით თავისი ლამაზი თავი, რომ შეეხედა პატარა მეგობრისათვის და სამჯერვე ტირილით მიიბრინა გოგონამ მის მოსახვევად.

ამ სანახაობაზე აფრიკის მზის ქვეშ დამწვარ ძველ ჯარისკაცებს ყელში ბოლმა მოაწვიათ და თვალები ცრემლით ავესოთ.

ქოხში დაბრუნებისას დედამ ბავშვს საქმის ასე კეთილად დაბოლოება მიულოცა.

მეორე დღეს, დილას, როდესაც მარსამ გააღო კარი, სადაც ნუგეშცემული და გამაძლარი ოჯახი ისვენებდა, ის წააწყდა რაღაც შავტნიანს არსებას, რომელიც სიხარულით ხეხვინებდა. ეს იყო მოჰული, მთლად გაოფლიანებული და ფერღებჩაცვიფნული. მას დაეწყვიტა აღვირი და ბნელ ღამეს გამოერბინა მთელი გზა, რომელიც მეგობრებს აშორებდა.

მარსამ ვერ გაბედა, ვერ მოახერხა, რომ მოჰულს გასჯავრობდა. ადვილი მისახვედრია, თუ როგორ მოუაღერეს, მიეფერენ ბავშვები მოჰულს და, რადგან ისინი ახლა შეძლებული იყვნენ, რა კარგი საუზმე შესთავაზეს შერიისა და ხილისაგან.

როდესაც ცხენმა დაისვენა და სიცხემაც იკლო, გუშინ დელივით მოწყენილმა მარსამ ხელი მოჰკიდა მოჰულის აღვირს და ხელახლად გაუდგა გზას.

ის დაბრუნდა ფრანგების ბანაკში. შორიდან თვალი მოჰკრეს თუ არა გოგონას, ჯარისკაცებმა შეჰყვირეს:

— „ერთი უყურეთ! პატარა არაბის ქალი თავისი ცხენით. ვიფიქრებდით კიდევ მაგის ნახვას? ჩვენ გვეგონა ფულიც დაიტოვა და ცხენიცო, ის კი არა, პატროსანი ბავში ყოფილა.“

მარსა უახლოვდებოდა მათ. მას ფრუტუნით მოსდევდა ლამაზი პირუტყვი. ბავშვს მოჰქულის ახალი პატრონის შიში ჰქონდა

— „არ გაჯავრდეთ, — შეევედრა იგი ჯარისკაცებს. მეორედ ასე აღარ მოიქცევა, ოღონდ კარგად კი უნდა დააბათ“.

საცოდავი ბავში ტიროდა ამ სიტყვების წარმოთქმის დროს, თან უალერსებდა მოჰქულის პრიალა ფერდებს.

მარსას მიუახლოვდა ნაცნობი ჯარისკაცი, ყოფილი მუშა, რომელიც ქარხნის დაზვას და საყვარელ კოლშვილს მოსწყვიტეს და დამონებულ კოლონიაში გადასტყორცნეს. მან აღერსიანად გადაუსვა თავზე ხელი.

— ეგ ცხენი ისევე უკან წაიყვანე, მაგისი პატრონი საფრანგეთში წავიდა...

— წაიყვანო? ფული... ფული თან არა მაქვს, — ყოყმანით სთქვა ბავშვმა: არ იცოდა, გახარებოდა თავისი მეგობრის უკან დაბრუნება, თუ მწუხარებას მისცემოდა ხელმეორედ გაღარბების მოლოდინში.

— რა ფული, რომელი ფული, პატარა გოგონავ?

— ის, რაც ამ ცხენის საფასურად მომცეს. ის ფული სახლშია, მხოლოდ იქიდან ნაწილი უკვე დახარჯულია... მაგრამ ჩვენ ვეცდებით...

— შენ ყოჩალი, პატროსანი გოგონა ყოფილხარ... შეაწყვეტინა მუშა-ჯარისკაცმა. იმ ოფიცერს ერთმა მდიდარმა ნათესავმა დიდძალი ფული დაუტოვა. დეპეშა მოუვიდა და გაეშურა საფრანგეთისაკენ. მას შენი ცხენის ფული ჩალის ფასადაც აღარ უღირს. წაიყვანე ჩქარა, თორემ რომელიმე ოფიცერი დაინახავს შენს ცხენს და შარს მოგდებს. მაშინ საბოლოოდ გამოეთხოვები ცხენს.

მუშა-ჯარისკაცმა იგრძნო ხელსა და ლოყაზე ორი მსუბუქი შეხება: ხელზე — პატარა არაბის ქალის ტუჩებისა, ხოლო ლოყაზე — მოჰქულის აბრეშუმისგან რბილი ნესტოსი. ამით ერთი და მეორეც მადლობას უხდიდენ მას. მუშა-ჯარისკაცი აიბნა და თვალზე სიბრალულის ცრემლი მოადგა.

გათენებისას ბავში და ცხენი მინდვრით ბრუნდებოდენ. მათ აღბათ არასოდეს არ ეჩვენებოდათ დილის ნიავი ისე სასიამოვნოდ, ყვავილები ის სურნელოვანად, ცა ისე ბრწყინვალედ, წყალი ისე გრილად იმ მდინარეში, სადაც მოჰქული დადიოდა წყლის დასალევად ჯიხვებთან ერთად, რომლებიც მასთან შედარებით ნაკლებად მარდნი იყვნენ.

ფრანგულიდან ნათარგმნი ე. ეგ-შვილის მიერ.

მ ა ნ ე პ რ ე ბ ე უ .

მანევრების ხმა რომ გაჩნდა და ბარს ცეცხლი დაეყარა, ბრძოლის ველზე გასულ ლაშქარს გივიც ძლიერ დაეხმარა.

თქვენც იფიქრეთ, ერთი, აქვე: რას ჩაიდენთ ბრძოლის ველად? გივის აზრით, ასეთ საქმეს დაეხმაროთ უნდა ყველა.

მართლაც, ტყვილად ხომ არ ვნატრობთ თავდაცვას და შრომას ერთად, თუ ლაშქარში გასვლას ამ დროს მანევრებზეც ვერ გავებდავთ.

მეგობრებში მაგალითი გივიმ მისცა მრავალს ჩქარა, — იგი ბრძოლის წინაღლითვე მანევრებზე გაემგზავრა.

იქ ვინ იცის, რამდენ საქმეს დაატარებს ლაშქრის ყოფა; პატარებო, უნდათ მათვე თქვენი ახლო მეგობრობა.

იცის გივიმ: გასჭირდება პატარაა კიდევ რახან... და სურვილით უფრო საესემ სულ სხვა საქმე გამოჩნება.

სანგრებში და ველშიც თუნდა ახალ ცნობებს ბევრი წყდება, — და სავლელე გაზეთს უნდა გატანა და გავრცელება.

გივის ფარავს ირგვლივ მთები, და პატარა გმირად ჩანდა, როცა ახალ გაზეთებით მოიკიდა მძიმე ჩანთა.

სიხარულით ველში მდგრის, მეთაურთა ხარობს რაზმშიც, როცა ნახეს პიონერის რკინის ნება, ხმა და აზრი.

სსოვნაშიაც გივის ალბათ დაურჩება მუდამ იგი: რომ აქ, ბრძოლის ველზე, ქარბად დაეხვია მკითხველთ რიგი.

მანევრების გაშლილ ველად მოლაშქრეთა რაზმი დაქრის, მიაჩნიათ სასახლოდ ეს პატარა ამხანაგიც.

თითქო გივიც მოსულ ხალხთან თავს მებრძოლთა რიგში რიცხავს და თან ნატრობს, როცა ხმალსაც დააბრუნებს მტერთა რისხვად.

ირაკლი აბაშიძე.

კავკასიის წითელდროშოვანი არმიის განავრები

საქართველოს
საბჭოთაო

ხვალ შუალამისას, სრულ 12 საათზე, „წითლები“ და „ლურჯები“ შეხვედებიან ერთიმეორეს — დაიწყება კავკასიის წითელდროშოვანი არმიის დიდი მანევრები.

აქ, ბრძოლის ველზე, უნდა გამოირკვეს კავკასიის წითელდროშოვანი არმიაში შემავალი ნაწილების სამხედრო მომზადება და უნარიანობა.

ქ. გორი, სადაც დაბანაკებულია „ლურჯების“ კორპუსში შემავალი ნაწილები, დღეს სამხედრო ბანაკს წარმოადგენს.

ქალაქის მიდამოები სავსეა სამხედრო ნაწილებით; ხეების ჩრდილში, მდინარის პირას დაბანაკებულან დროებით სხვადასხვა ნაწილები მანევრების დასაწყისის მოლოდინში. გორს ყოველ ჟამს ემატება ჯარის ახალ-ახალი ნაწილები.

— აბა, ბიჭებო, ყოჩაღად, თორემ საცაა უნდა გაუუღვთ გზას.


— შენ იღარდე, რომ პირველად მიდიხარ მანევრებზე, თორემ მე მაგისთანებს შეჩვეული ვარ: ორჯერაც კი ვიყავი მანევრებზე.

— შენც იტყვი, რაღა! აბა, სად შარშანდელი მანევრები, სად წრევანდელი, შედარებაც კი არ შეიძლება. შარშან სად იყო ამდენი ხალხი და ან ტანკები?

ხშირად ისმის ასეთი ლაპარაკი.

დივიზიის ნაწილები აიშალენ პოზიციებისაკენ გასამგზავრებლად.

დღეს იწყება „ბრძოლა“, იწყება „ომი“ „წითლებსა“ და „ლურჯებს“ შორის ტფილისის „დასაპყრობად“.



ბიონერების ვარჯიში ბანაკად.

რეგულარული ჯარის გარდა, გორის ქუჩებში შეხვედებით შეიარაღებულ ახალგაზრდობას და მუშებს — ესენი არიან მუშათა ათასეულის რაზმები.

ეს მესამე დღეა, რაც გორში მოვიდენ აზერბეიჯანის წითელი ჯარის ნაწილები, რომლებიც სხვა ნაწილებთან ერთად იღებენ მონაწილეობას მანევრებში.

განსაკუთრებით იქნა აღნიშნული თურქი არმიელების სტუმრობა — ეს უდიდესი მოვლენაა ამიერკავკასიის ხალხთ ცხოვრებაში, რაც იმის მაჩვენებელია, რომ ამ.კ. ხალხთა შორის დამყარებულია მტკიცე კავშირი, მტკიცე მეგობრობა.

განსაკუთრებული განწყობილებაა წითელარმიელთა შორის. დინჯად, აუჩქარებლივ ასრულებენ არმიელები თავის საქმეს, უსიტყვოდ ემორჩილებიან მეთაურთა განკარგულებას და ბრძანებას. ბევრი საქმე აქვთ არმიელებს, მაგრამ არაფერ არ იმჩნევს დალილობას, პირიქით, ყოველი არმიელი ცდილობს დაეხმაროს თავის ამხანაგს, უშველოს მას ამა თუ იმ საქმის შესრულებაში.

ვინ გამოვა გამარჯვებული ამ „ომში“? ამის თქმა ჯერ არ შეიძლება, ამას გადასწყვეტს „ბრძოლის“ ველი.

ისმის საყვირის ხმა, ნიშანი იმის, რომ ახლოვდება გამგზავრების დრო.

ლეგიონები ანაზღეულად ეწყობიან სალაშქრო წესით. მეთაურები ერთხელ კიდევ ათვალეობენ არმიელთა რიგებს.

— სალაშქრო რაზმეულო, ნაბიჯით იარ! — გაისმა ბრძანება, აგუგუნდა ორკესტრები, და ლეგიონები გაუღვენ გზას.

ლამაზია მუხრანის ველი.

ბარაქიანია და ნოყიერი მუხრანის ველის ნიადაგი. აქ ხარობს საუკეთესო ჯიშის ვაზი, კარგი პური და ხილი.

დღეს მუხრანის ველი „წითლების“ და „ლურჯების“ „ბრძოლის“ ასპარეზად გადაქცეულა.

„ლურჯების“ შეტევისას „წითლები“ უკან იხევენ. ამავე დღეს აიღეს „ლურჯებმა“ სამთავისის მადლობები, დაიკავეს სოფლები თეზი და ოვაში და შეუღვენ მზადებას მუხრანის ველის ხელში ჩაგდენ.

ბისათვის, რომ ამით გაეკაფათ გზა მცხეთა-ტფილისისაკენ.

30 აგვისტო, თითქმის მთელი დღე, მშვიდად ჩატარდა.

არ ისმოდა არც თოფის სროლა, არც ზარბაზნების გრიალი, არც ტყვიამფრქვევთა კაკანი. ათასში ერთხელ თუ გამოჩნდებოდა ჰაერში თვითმფრინავი, რომლის ხმაური არღვევდა მუხრანის ველზე ჩამოწოლილ მყურდროებას.

მაგრამ როგორც „წითლები“, ისე „ლურჯები“ ფხიზლად იყვნენ, დარაჯობდნენ თავის პოზიციებს, ყურმახვილად იყვნენ „ლურჯები“, რომ „წითლებს“ არ გამოეგლიჯათ ხელიდან დიდის წვალებით ხელში ჩაგდებული მუხრანის ველი, საიდანაც „ლურჯები“ ფიქრობენ გასვლას ტფილისისაკენ.

30 აგვისტოს, საღამოს ეამს, „ლურჯებმა“ დაიწყეს მოქმედება. კვლავ გაისმა სროლა, კვლავ დაიწყეს ცაში ნავარდი თვითმფრინავებმა.

არმიელნი გაეშურენ „ბრძოლის“ ველისაკენ. მიდიან მამაცად, არ იმჩნევენ დაღლილობას.

აი, სწრაფი ნაბიჯით მიდის „ბრძოლის“ ველისაკენ მესანგრეთა ასეული. გზაში ხედება N დივიზიის მეთაური.

— გამარჯობა, ამხანაგებო!

— გაუმარჯოს!

მეთაური ესაუბრება პოლიტბელს.

არმიელნი საუკეთესოდ გრძნობენ თავს, სიამოვნებით და სიხარულით მიდიან სამუშაოდ.

— შე წინადადება მივეცი დაესვენათ, მაგრამ არა ქნეს, სიარული გვირჩევენაო, — ამბობს პოლიტბელი.

შხადება ახალი „ბრძოლებისათვის“ როგორც „წითლების“, ისე „ლურჯების“ ბანაკში გაცხოველებით მიმდინარეობს. ეტყობა, რომ „ბრძოლა“ იქნება სასტიკი, დაუნდობელი.

ამას უკვე მოწმობს გახშირებული სროლა და ზარბაზნების გრიალი.

მაშ ასე, დაიწყო სროლა მცხეთისათვის.

სოფლებში გლახობამ არაფერი იცოდა მანევრების შესახებ და პირველად ახლო არ ეკარებოდნენ არმიელებს; შემდეგ, როცა დარწმუნდნენ, რომ არმიელები სამტროდ არ მოსულან, გამოიშალენ გარეთ და ცოტა ხნის შემდეგ კიდევ დაუმეგობრდნენ არმიელებს და გააბეს მათთან საუბსარი.

— არ იცოდით, რომ ამ სოფლის ახლო იწარმოებდა მანევრები? — ეკითხება არმიელი ერთ გლახს.

— მუხრანში, ამხანაგო, იყო ლაპარაკი, რომ მანევრები უნდა იყოს ამ ჩვენს მხარეშიო, მაგრამ სოფლებისათვის არ შეუტყობინებიათ და ხალხმაც არაფერი არ იცოდა. ამიტომ იყო, რომ არმიელებს რიგიანად ვერ შევხვდით.

ხილი ბლომად არის ბალებში, ვენახებში ყურძენი შემწიფებულია, მაგრამ არმიელებს მათთვის ხელი არ უხლიათ.

— არა, ამხანაგო, არმიელებს ვერ დავემდურებით, — ამბობს ის, — თუ ჩვენ არ შევთავაზებთ, ისე ვენახში თვითონ არ გადადიან. ცხენებიც ბლომად ჰყავთ, მაგრამ თივას თვითონ ზიდავენ, ჩვენ არ გვაწუხებენ.

— არ შეგვაწუხებენ, მაშ, — უმატებს მოხუცებული ძველი სალდათები ხომ არ არიან. მაგათა, შვილო, წითელი არმია ჰქვიან, წითელი, იმიტომაც ჰქვიანად იქცევიან.

განსაკუთრებით აღსანიშნავია საფოსტო მტრედების მუშაობა მანევრებზე. მანევრებში მონაწილეობა მიიღო ავიაქიმის მემტრედობის სექციის 10 წევრმა 50 მტრედით. მემტრედები მიმაგრებულნი იყვნენ შტაბებზე. მტრედები გამოყენებული იყო შტაბის მიერ ტფილისთან კავშირისათვის.

საფოსტო მტრედები საუკეთესოდ იყო გაწვრთნილი. ყოველდღიურად (ხშირად ღამითაც) მანევრების რაიონიდან ტფილისში წერილებით იგზავნებოდა 20--25 მტრედი.

ამით ტფილისს საშვალეობა ჰქონდა მიეღო ცნობა მანევრებიდან. თითქმის ყოველ ნახევარ საათში მოჰქონდათ საფოსტო მტრედებს წერილები — დაწვრილებით ცნობას აგზავნიდა შტაბი ტფილისში. მასთან აღსანიშნავია ისიც, რომ არ ყოფილა ისეთი შემთხვევა, რომ საფოსტო მტრედს არ მოეტანოს წერილი დანიშნულ ადგილას.

ბრძოლა თანდათან მწვავედებოდა, და მებრძოლნი უახლოვდებოდნენ სადგურ ავჭალას და საბურთალოს მალაობებს.

მტკვრის მარცხენა მხარეზე, ავჭალის მიდამოებში, „წითლები“ თან იბრძოდნენ და ამასთან ერთად იხვედნენ უკან. აქა-იქ მათ შესძლეს კიდევ „ლურჯების“ შეჩერება და მათი იერიშის მოხერხებულად მოგერიება.

იყო რამდენიმე შემთხვევა, როდესაც „წითლების“ არტილერიამ მნიშვნელოვანი „ზიანი“ მიაყენა მოწინააღმდეგეს.

მაგრამ „წითლებმა“ ბრძოლა წააგეს.

მათ ვერ გაუძლეს მოწინააღმდეგის ძალებს და უკან დაიხიეს.

„ლურჯებმა“ აიღეს ავჭალის მიდამოები.

„წითლებმა“ გმირული ბრძოლით ჰაინც შესძლეს ტფილისის ზღუდეების დაცვა „ლურჯების“ მთავარი ძალების ბრძოლაში ჩარევამდე.

მომავალი მებრძოლნი.

პიონერების ჯგუფი მანევრებში მხურვალე მონაწილეობას იღებდა. თუმცა ჯგუფი 12—16 წლის პიონერებისაგან შესდგებოდა, თავისი ენერგიული მოქმედებით დიდად უმსუბუქებდა არმიელებს მდგომარეობას, იგი წითელარმიელებთან ერთად მანევრების მთელ სიმძიმეს იტანდა. პიონერები ლაშქრობასა და ბრძოლაში არავის არ რჩებოდნენ უკან.

საერთოდ დიდ სამსახურს უწევდნენ ნაწილებს პიონერები დაზვერვით. უცებ მოწინააღმდეგეს ზურგს უკან ექცეოდნენ და იქიდან მეტის-მეტად მნიშვნელოვანი ცნობები მოჰქონდათ. პიონერების ნაწილებს იყენებდნენ ვაზნების მოსაზიდად, კავშირგაბმულობის საქმისათვის და წყლის მოსატანად. არმიელები აღფრთოვანებული იყვნენ პიონერების ასეთი მამაცური მოქცევით და გაიძახოდნენ:

— სალაში ჩვენს შემცველელ თაობას!..

შალვა ესებუა.

საქართველოს სახალხო მეურნეობის ხუთწლიანი გეგმა

საქართველოს
საინჟინერო-მშენებლო
სამსახური

სახალხო მეურნეობის ხუთწლიანი გეგმის მნიშვნელობა ჩვენთვის უკვე ცნობილია.

ხუთწლიანი გეგმა ის ძირითადი ამოცანაა, რომლის განხორციელება უზრუნველყოფს ჩვენი ქვეყნის სოციალისტურ განვითარებას და არსებობას.

პირველ ყოვლისა, საჭიროა, რომ ამ გეგმის მნიშვნელობა და მისი ყოველ წვრილმანი კარგად იცოდნენ მშრომელებმა.

მეურნეობის გეგმიანობის შესახებ ჯერ კიდევ ამხ. **ლენინი** ლაპარაკობდა, მაგრამ ამ გეგმის გარკვეული სახით დამუშავება მხოლოდ უკანასკნელ ხანებში შეიქნა შესაძლებელი. ეს გეგმა შედგენილია საკავშირო მაშტაბით, რომლის შემადგენელ ნაწილს თავის მხრივ წარმოადგენს საქართველოს სახალხო მეურნეობის 5-წლიანი გეგმა.



პიონერები ბანაკად

ცნობილია, რომ მეურნეობის განვითარების ასეთი გეგმის და მისი განხორციელების ამოცანების დასახვა მხოლოდ პროლეტარულ სახელმწიფოს შეუძლია.

ამ გეგმით გათვალისწინებულია ჩვენი მეურნეობის განვითარების გზები წლების მიხედვით, ის, თუ რა თანხა უნდა იქნას დაბანდებული ამა თუ იმ წელს, აგრეთვე რა ღონისძიებები უნდა განხორციელდეს ამა თუ იმ წელს, სად და რომელ საწარმოოს უნდა ჩაეყაროს საფუძველი, როდის უნდა დამთავრდეს და ამუშავდეს ესა თუ ის წარმოება.

ხუთწლიანი გეგმის მიხედვით გამოანგარიშებულია, თუ ხუთი წლის განმავლობაში რა დონემდე უნდა გაიზარდოს ჩვენი მრეწველობა და რა კაპიტალური დაბანდება უნდა მოხდეს.

დაბანდებათა საერთო თანხიდან ამ ხუთი წლის განმავლობაში საქართველოს მრეწველობაში 173 მილიონი მანეთი იქნება დაბანდებული.

სახალხო მეურნეობის უმნიშვნელოვანეს დარგს წარმოადგენს ელექტრომშენებლობა, რომელზეც განზრახულია დაიხარჯოს 75 მილიონი მანეთი.

ელექტრომშენებლობას მოსდევს სოფლის მეურნეობა. ხუთი წლის განმავლობაში ამ გეგმით განზრახულია სოფლის მეურნეობას მოხმარდეს 186 მილიონი მანეთი, კაპიტალურმა დაბანდებამ შედეგად უნდა მოგვცეს მძიმე და მსუბუქი ინდუსტრიის თვალსაჩინო ზრდა, რასაც მოჰყვება მრეწველობის პროდუქციის ზრდა, თვითღირებულების შემცირება და სხვა.

მიუხედავად იმისა, რომ ელექტროფიკაციის საქმე ჩვენში მრეწველობის სხვა დარგზე უფრო ჩქარი ტემპით ვითარდება, ხუთწლიან გეგმაში ელექტრომშენებლობას დიდი ადგილი უჭირავს. ასე, მაგალითად, თუ დღეს ელექტროსადგურების ძალა 20 850 000 კილოვატს უდრის, ხუთი წლის დამლევსათვის მივიღებთ 86 944 000 კილოვატს.

ისმება კითხვა, თუ ვინ იქნება ელექტროენერჯის მთავარი მომხმარებელი? რასაკვირველია, ჩვენივე მრეწველობა, რომელიც თავის მხრივ იმდენად გაიზრდება, რომ ამუშავდება ფერომარგანეცის ქარხანა, რომლის ნაყოფიერება მაშინ 40 000 ტონით გაიზრდება. 5 წელში, მაგალითად, გათვალისწინებულია მისი 150 000 ტონამდე გამომუშავება, ეს კი მოითხოვს 4 მილიონი კილოვატით მეტ ენერჯიას, ამისათვის საჭირო გახდება უფრო მძლავრი ჰიდროსადგურების აგება.

სასოფლო მეურნეობა.

ქვეყნის ინდუსტრიალიზაციის შემდეგ ყურადღებას იპყრობს სასოფლო მეურნეობის განვითარების საკითხი, სოფლის მეურნეობის მექანიზაცია, ტექნიკური კულტურების, მარცვლეული კულტურების, მეღორაობის, მოსავლიანობის გადიდება, კერძო გლეხური მეურნეობების მსხვილი კოლექტიური მეურნეობის საფუძველზე გადაყვანა და სხვა.

გეგმის მიხედვით სოფლის მეურნეობას მიეცემა იმდენი მანქანა, რაც მის მოთხოვნილებას დააკმაყოფილებს. ასე, მაგალითად, თუ დღეს სამასამდე ტრაქტორი მოიპოვება, ხუთი წლის განმავლობაში ეს კიდევ გადიდება 1000 ახალი ტრაქტორით.

სოფლის მეურნეობაში გეგმა ითვალისწინებს ნათესი სივრცის გადიდებას, ტექნიკური კულტურების, თამბაქოს, ბამბის, კენაფის შემოღებას, მესაქონლეობის, მეზოოსტენობის გადიდებას.


სოფლის მეურნეობაში დიდ როლს თამაშობს მეღორაობა. მთელი იმ მიწის სივრცე, რომელსაც მეღორაობა უნდა შეეხოს, საქართველოში 738000 ჰექტარს უდრის. აქედან ამოსაშრობია 216 000 ჰექტარი, ხოლო მოსარწყავი — 522 000 ჰექტარი; ხუთი წლის დამლევს მორწყული და ამოშრობილი იქნება 180 000 ჰექტარი; გეგმის მიხედვით, კაპიტალური დაბანდება ამ დარგში გათვალისწინებულია 33 410 000 მანეთის რაოდენობით.

სახალხო მეურნეობის საერთო პროდუქცია.

1927-28 წელს ჩვენმა მრეწველობამ, ელექტროფიკაციამ და წვრილმა შინაძრეწველობამ ერთად 116 804 300 მანეთის პროდუქცია მოგვცა, ხოლო 32—33 წელს, ე. ი. ხუთწლიანი გეგმის მეორე ნახევარში, მეურნეობის ეს დარგები მოგვცემს 421 348 000 მანეთის პროდუქციას. ხუთი წლის შემდეგ ჩვენ გვექნება უკვე არა აგრარული საქართველო, არამედ აგრარულ-სამრეწველო.

სამრეწველო მშენებლობა.

ხუთწლიანი გეგმის მიხედვით საკმაოდ დიდდება სააღმშენებლო მასალის დამზადება, — ცემენტის, ხე-ტყის, აგურის, კირის და სხვა. ხუთწლიან გეგმაში გათვალისწინებულია ხუთ მილიონზე მეტი მანეთი სამეცნიერო-საგამომკვლევო



მუშაობისათვის, ჩვენი ბუნებრივი სიმდიდრეების და საწარმოო ძალების შესასწავლად.

გეგმის მიხედვით დაიდება ელექტრომშენებლობა, სამთო-საქარხნო მრეწველობა; ჯერჯერობით მუშავდება ბარიტი, დიატომიტი, ფლორიდინი, მაგრამ განზრახულია სხვა მინერალების დამუშავებაც. განზრახულია ბრიკეტის ქარხნის აგება და ტყიბულის ქვანახშირის დამუშავების გაუმჯობესება, მარგანცის, ნავთის, ქიმიური მრეწველობის გადიდება.

ხუთწლიანი გეგმის მიხედვით განსაკუთრებულად დაიდება რკინის გზების ქსელი, ავტოტრანსპორტი, შინაგანი სანაოსნო გზები.

გეგმის მიხედვით, 9-წლების რიცხვი თანდათან შემცირდება, სამაგიეროდ გაიზრდება გლეხთა ახალგაზრდობის სკოლების ქსელი; ხუთი წლის განმავლობაში განზრახულია კიდევ 9 ახალი საქარხნო-საფაბრიკო სასწავლებლის, 6 პროფესიონალური სკოლის, კრა-კერვის 21 სკოლის გახსნა, 35 სკოლის გადაკეთება ინდუსტრიალურ პროფესკოლად. ამ ხუთი წლის განმავლობაში განზრახულია საყოველთაო სწავლების შემოღება ყველა ქალაქში და თვალსაჩინო ადგილზე.



კანეთის ნ/პ. ბანაკი. საუბარი ადგილობრივ გლეხებთან

იმ გზებზე, რომლებიც საქართველოს ტერიტორიაზე იქნება გაყვანილი ხუთი წლის განმავლობაში, დაიხარჯება 60400000 მანეთი, გზატკეცილებზე განზრახულია დაიხარჯოს 44 600 მან. ავტოტრანსპორტზე — 90000000 მანეთი. ეს საკმაო თანხაა იმისათვის, რომ ფართოდ განვითარდეს ტრანსპორტი ჩვენში, ურომლისოდაც შეუძლებელია მეურნეობის, კულტურის განვითარება. უკანასკნელზე დამოკიდებულია ჩვენი ექსპორტის და იმპორტის, ვაჭრობის და მრეწველობის გაფართოება-განვითარება, რასაც ხუთწლიანი გეგმაში დიდი ყურადღება ექცევა.

ხუთწლიანი გეგმა ითვალისწინებს აგრეთვე მუშათა კლასის კეთილდღეობის გაუმჯობესების საკითხებს; ამ საკითხებში შედის სოციალური დაზღვევის, უმუშევრობასთან ბრძოლის, მუშათა საბინაო მშენებლობის საკითხები.

ხუთწლიანი გეგმა ითვალისწინებს დაბანდებებს და ხარჯებს სოციალ-კულტურულ მშენებლობაზე, ე. ი. განათლებაზე, ჯანმრთელობაზე და სხვა.

კულტურული მშენებლობის ხუთწლიანი გეგმა ითვალისწინებს სასკოლო ასაკამდე აღზრდის დაწესებულებათა ქსელის გაფართოებას. საბავშვო ბაღი ამჟამად 89 გვაქვს, ბავა — 9, 1932 - 33 წელს კი საბავშვო ბაღების რიცხვი 282-მდე ავა, ხოლო ბაგების — 33-მდე.

ცნობილია, რომ წერა-კითხვას უცოდინარობა, ლოთობა, უვიცობა, უკულტურობა მიძიმე ტვირთად აწევს საბჭოთა ქვეყანას და ხელს უშლის სოციალისტური გზით სვლას. ამიტომ ხუთწლიანი გეგმა — კულტურული რევოლუციისათვის ბრძოლის გაშლის გენერალური გეგმა — ითვალისწინებს მრავალ მილიონ მანეთს სახალხო განათლების საქმისთვის.


სოციალისტური მშენებლობა და მისი წინსვლა წარმოუდგენელია ახალი ძალების, ახალი კადრების გარეშე, სახალხო განათლების ამოცანები და კულტურული რევოლუციის საქმიანობა სწორედ აქეთაა მიმართული, ამიტომ ხუთწლიანი გეგმის მიხედვით გამოანგარიშებულია ამა და ამ წელს რამდენი აგრონომი, ექიმი, ინჟინერი და სხვა კვალიფიციური მუშა გვეყოლება.

საქართველოში ამჟამად არის 600 ინჟინერი, ხუთი წლის განმავლობაში უნდა მომზადდეს 700 კაცამდე. ამჟამად აგრონომების რიცხვი 480 უდრის, 5 წლის შემდეგ 650 აგრონომი უნდა მომზადდეს.

ასეთ უდიდეს ამოცანებს ისახავს ხუთწლიანი გეგმის სახით ჩვენი პარტია და საბჭოთა ხელისუფლება.

„ნაროდნაი პოლია“

ქართული
ბიბლიოთეკა



ი. ი. უგლაბოვი

ალექსანდრე მეორეზე. 1878 წლის აგვისტოში მათ განიზრახეს დინამიტით აფეთქებით ნიკოლაევის ნავსადგურის რეიდი, სადაც უნდა გადმოსულიყო რუსეთის იმპერატორი. შემდეგი წლის ივლისში სიმფეროპოლში ყუმბარები გაისროლეს.



ს. ხალტურინი

არ წამოყვა და სიკვდილს გადაურჩა. 1880 წლის 5 თებერვალს ხალტურინმა მოაწყო „ზამთრის სასახლის“ აფეთქება. ამავე წლის მაისში ოდესის ერთ-ერთ ქუჩაზე ყუმბარების ჩასაწყობი თხრილი გაიყვანეს, აგვისტოში კი პეტერბურგში „ქვის ხიდის“ ქვეშ დინამიტები ჩააწყვეს.



ს. პეროვსკაია

პარეზიდან ჩამოვიდა, უკეთ რომ ვთქვათ, ის გათელილიქნა თვითმპყრობელობის ჩექმებით, ვერ მიაღწია რა რევოლუციის გამარჯვებას.

რომ გამოვარკვიოთ „ნაროდოვოლცების“ ამ ისტორიული მარცხის მიზეზი, საჭიროა გადავხედოთ მის წარსულს, თუ როგორ წარმოიშვა და იზრდებოდა ეს პარტია,

რუსეთის ცარიზმთან ბრძოლაში სისხლით იცლებოდა რუსეთის ხალხოსნური პარტიის „ნაროდოვოლცების“ გმირული საქმე. ამ პარტიამ თავისი არსებობის სულ მოკლე ხანში განვლო ბრძოლის ბრწყინვალე გზა. ის საშინელ საფრთხეში აგდებდა თვითმპყრობელობის ბატონობას და ძილს უფრთხობდა მეფეს და მის მოხელეებს.

„მათ თითქმის ათჯერ მოაწყვეს თავდასხმა მეფე როგორი მიზანი, მიმართულება და ადგილი ჰქონდა მას მაშინდელ რუსეთის ხალხოსნური მოძრაობის ისტორიაში. რუსეთის ხალხოსნურმა მოძრაობამ, რომელიც ჩაისახა წარსული საუკუნის 60-იან წლებში, უმაღლეს განვითარებას მხოლოდ 70-იან წლებში მიაღწია. მაშინდელი რუსეთის სხვადასხვა წოდების ინტელიგენცია დარწმუნებული იყო იმაში, რომ რუსი გლეხი ბუნებით დაბადებულიანვე სოციალისტია. ისინი ამტკიცებდნენ, რომ გლეხური თემი (ობშჩინა) სოციალიზმის ერთ-ერთი უჯრედია. აქედან ის დასკვნა გამოქონდათ, რომ რუსეთი, აუვლის რა გვერდს კაპიტალიზმს, გლეხური თემიდან (ობშჩინიდან) პირდაპირ სოციალიზმში გადავა, ამ დროს კი ძველი ყოფა-ცხოვრების გადატრიალებასა და სოციალისტური საზოგადოების შექმნაში ინტელიგენციას, ხალხოსნების სიტყვით, გადამწყვეტი და ისტორიული როლი უნდა ეთამაშა. ინტელიგენციას უნდა შეეკავშირებია რევოლუციონური გლეხობა „ხალხოსნური პარტიის“ გარშემო და აეჯანყებია მეფური წყობილების წინააღმდეგ. იმათ სოციალისტური რევოლუციის სრულყოფა მიაჩნდათ სულ ახლო მომავლის საქმედ (-2-3 წლის განმავლობაში). სწორედ ამ იდეების გავლენით წარმოიშვა და გაიშალა ცნობილი ლოზუნგი „ხალხში შესვლა“. წარსული საუკუნის 70-იან წლებში „ხალხში შემსვლელთა“ რიცხვი 1000 კაცამდე აღწევდა. ეს რიცხვი მაშინდელ პირობებთან შედარებით ძალიან დიდია. ისინი მიდიოდნენ ხალხში და სიტყვიერად ან პროკლამაციების სახით ავრცელებდნენ „ხალხოსნურ“ იდეებს. მაგრამ მასიური მოძრაობის გაშლამ და გაქანებამ, „ხალხში შემსვლელთა“ გამოუცდელიობამ და მასთან დაკავშირებით მრავალმა მარცხმა „ხალხოსნების“ პარტიის წინაშე წამოაყენა მთლიანობის და ცენტრალური ხელმძღვანელობის შექმნის აუცილებლობა, რის გამოც 1876 წელს არსდება „ჩრდილოეთის რევოლუციონურ ხალხოსანთა ჯგუფი“ რომელიც 2 წლის შემდეგ „მიწა და თავისუფლებად“ იყო წოდებული. („Земля и Воля“) ეს იყო პირველი რევოლუციონური პარტიის შექმნის ცდა რუსეთში.

მაგრამ „მიწა და თავისუფლების“ ორგანიზაციის შემდეგ ხალხოსნების მოძრაობაში წარმოიშვა ისეთი რთული პროცესები, რომელმაც ხალხოსნური მოძრაობის პარტიის ორგანიზაციული მთლიანობა უკიდურეს დარღვევამდე მიიყვანა. გაიარა რა ცნობილი მანძილი ისტორიული მოძრაობისა, ხალხოსნების პარტიას განვლილი მუშაობისათვის ჯამი უნდა გაეკეთებია და შეეფასებია ის. ხალხოსნების იმედი რუს გლეხებზე და მათ სოციალისტურ ბუნებაზე სრულიად არ მართლდებოდა. მიუხედავად ამ თავგანწირული ბრძოლისა, რევოლუცია მაინც არ ხდებოდა.

მაგრამ ეს დამარცხება არ შეიძლება მარტო პოლიციის დევნით და რეპრესიებით აიხსნას, საკითხის ასეთი ახსნა, რასაკვირველია, მეცნიერული არაა. საესებით მართალია რუსეთის ცნობილი მარქსისტი თეორეტიკოსი გ. პლეხანოვი, რომელიც თავის ისტორიულ ნაშრომში („რევ. მოძრაობის ისტორია“) ამბობს შემდეგს: „ხალხში მუშაობა მაშინ, მიუხედავად პოლიციის წინააღმდეგობისა, არ იყო მაინც და მაინც შეუძლებელი, რომ „ხალხოსნების“ განწყობილება გლეხებისადმი სიმპატიური ყოფილიყო. მაგრამ საქმეც ისაა, რომ



70-იანი წლების მეორე ნახევარში მათი განწყობილება გლახებისადმი რადიკალურად შეიცვალა და „ხალხში სიარულმა“ მათ თვალში ყოველგვარი მნიშვნელობა დაკარგა. ეს მოხდა იმიტომ, რომ გლახებში პროპაგანდამ ვერ გაამართლა ის ახლობელი და ჰაეროვანი ანუ ბავშური იმედები, რომლებიც დასახული ჰქონდათ ხალხისან რევოლუციონერებს. მივიდოდენ რა ხალხთან, რევოლუციონერებს ეგონათ, რომ სოციალისტური რევოლუციის მოხდენა შეიძლებოდა მწრაფლ და მალე, 2 ან 3 წლის განმავლობაში, მაგრამ ასეთი ჰაეროვანი და ფხვიერი რწმენა ძალიან ხშირად იმსხვრეოდა ცხოვრებასთან დაჯახებაში, გლახობამ მათ თვალში მნიშვნელობა დაკარგა, რადგან „ხალხში სიარული“ ძლიერ უღონო საშუალება აღმოჩნდა არსებული წყობილების დასანგრევად. „ხალხში სიარულმა“ შესაფერი ნაყოფი ვერ გამოიღო. რა მოხდა შემდეგ? მომავალი გზების და ტაქტიკის გამონახვაში ხალხოსნების პარტიამ მარცხი განიცადა. სწორედ ამიტომ 1879 წელს ვორონეჟის ყრილობაზე „მიწა და თავისუფლების“ პარტია დაიშალა. ნაწილი წევრებისა დარჩა „მიწა და თავისუფლების“ პროგრამის და ტრადიციების ერთგული და შექმნა ახალი პარტია „ჩორნი პერედელი“, ნაწილმა კი დააარსა ახალი პარტია „ნაროდოვოლცების“ სახელწოდებით.

„ნაროდოვოლცების“ თეორეტიკოსები ძველი ხალხოსნების დამარცხებას იმით ხსნიდენ, რომ უკანასკნელებმა უარჰყვეს პოლიტიკური ბრძოლა თვითმპყრობელობის წინააღმდეგ და ამით მტერს საშუალება მისცეს სასტიკად გასწორებოდა რევოლუციონერებს. „ხალხში სიარულის“ ლოზუნგის მაგიერ „ნაროდოვოლცების“ პარტიამ გამოაცხადა ახალი ტაქტიკა თვითმპყრობელობასთან პოლიტიკური ბრძოლის საწარმოებლად. მაგრამ ეს პოლიტიკური ბრძოლა ხდებოდა არა მასიურად, არამედ კერძოდ, რამდენიმე ტერორისტი რევოლუციონერის მიერ. ამრიგად „ნაროდოვოლცების“ ტაქტიკა იყო შეთქმულთა ჯგუფის ტერორისტული ტაქტიკა.


ეს ტაქტიკა ახსნავებდა „ნაროდოვოლცების“ პარტიას, რომელიც ეყრდნობოდა რუსეთის გლახობას, ხალხოსნების სოციალისტური იდეებისაგან.

მართალია, თვით ამ ტერორის იდეაში მაინცდამაინც არ იყო არაფერი ახალი, რადგან უფრო ადრე, 1866 წელს, იპატინის „ხალხოსნების“ ჯგუფში იბადება მეფის მოკვლის განზრახვა, როგორც ხალხის გამოფხიზლების საშუალება. ამ ჯგუფის წევრი კარაკოზოვი თავს ესხმება მეფე ალექსანდრე მეორეს. ტერორისტული აქტების მოვლენებს ჩვენ ვხედავთ „მიწა და თავისუფლების“ ორგანიზაციაშიც. მაგრამ ეს იყო კერძო და შემთხვევითი აქტი. „ნაროდოვოლცები“ კი ტერორს თვითმპყრობელობასთან ბრძოლაში ძირითად საშუალებად აღიარებდენ.

ახლა გავივით, თუ როგორ ხსნიდენ „ნაროდოვოლცების“ ბელადები ტერორისტულ აქტებს. თავის ბროშურებსა და წერილებში ისინი სხვადასხვა განმარტებას იძლევიან ტერორის შესახებ. თავდაპირველად ამტკიცებდენ, რომ ტერორი არის თავდაცვა თვითმპყრობელობის შემოტევისაგან. შემდეგ ამბობდენ, რომ ტერორი არის შურისძიება მეფეზე და მის აგენტებზე და ბოლოს უმატებდენ, თითქოს ტერორი ერთადერთი საშუალებაა რევოლუციის გასამარჯვებლად.


მაგრამ ამ საშუალებით „ნაროდოვოლცების“ პარტია დასახულ მიზანს ვერ მიაღწევდა, რადგან მას მასაში ფესვი არ ჰქონდა ღრმად გადგმული, ის არცერთ საზოგადოებრივ კლასთან არ იყო დაახლოებული და ჰაერში იყო ჩამოკიდებული.

„ნაროდოვოლცების“ გმირული ბრძოლა სოციალდემოკრატიული პარტიის დაარსებამდე დრამატიულ და შინაარსიან მომენტად უნდა ჩაითვალოს. ეს იყო ამ ბრძოლის დაშლის და დაცემის პერიოდი. **ასეთია წინააღმდეგობა ცხოვრებასა და ისტორიას შორის.** ეს უუნარიანობა და ძირითად მასებთან მჭიდრო კავშირის უქონლობა ამჟვე ორგანიზაციის სოციალისტურად მრავალფეროვანი შემადგენლობის შედეგი იყო. პლუხანოვი, რომელიც ძალიან კარგად იცნობდა „ნაროდოვოლცების“ პარტიას, შემდეგნაირად ახასიათებს მის შემადგენლობას:




ი. ა. მოროზოვი
შინაარსიან მომენტად უნდა ჩაითვალოს. ეს იყო ამ ბრძოლის დაშლის და დაცემის პერიოდი. ასეთია წინააღმდეგობა ცხოვრებასა და ისტორიას შორის.

„ნაროდოვოლცების“ პარტიაში სხვადასხვა ჯურის ხალხი შედიოდა. აქ იყო თავმოყრილი ჯგუფი რადიკალების და ჯგუფი რუსი ხალხოსნების. რადიკალები უფრო ევროპული განხრით აზროვნებდენ, რუსი ხალხოსნები კი აღჭურვილი იყვნენ იმ რწმენით, რომ მხოლოდ თანამედროვე სახელმწიფოებრივი წყობილების ძირფესვიანად შეცვლა დაუსახავს ბრწყინვალე გზას მომავალი სოციალისტური საზოგადოების განვითარებას. ნაროდოვოლცების პარტიაში იყვნენ აგრეთვე ისეთებიც, რომლებიც იხრებოდენ ხან ევროპელი რადიკალებისაკენ ხან რუსეთის ხალხოსნებისაკენ და სწორედ ამიტომ მათი მსოფლმხედველობაც ძალიან ბუნდოვანი იყო.



პ. ალექსეევი
ამრიგად ნაროდნიკებს თუმცა მიზნად დასახული ჰქონდათ სოციალისტური რევოლუციის მოხდენა, მაგრამ რა გზით, როგორ და ვის საშუალებით, — ეს მათთვის ბუნდოვანი იყო ძირითად მასებთან კავშირის უქონლობით და მათივე ორგანიზაციის შემადგენლობის

ამრიგად ნაროდნიკებს თუმცა მიზნად დასახული ჰქონდათ სოციალისტური რევოლუციის მოხდენა, მაგრამ რა გზით, როგორ და ვის საშუალებით, — ეს მათთვის ბუნდოვანი იყო ძირითად მასებთან კავშირის უქონლობით და მათივე ორგანიზაციის შემადგენლობის სოციალური სხვადასხვაობით ამით აიხსნება სწორედ ის ფაქტი, რომ „ნაროდოვოლცები“, რომლებიც თავის თავს დიდ და გულწრფელ სოციალისტებს უწოდებდენ, ბოლოსა და ბოლოს თვითმპყრობელობისთვის დათმობამდე მივიდნენ. მეფე ალექსანდრე მეორის მოკვლის შემდეგ „ნაროდოვოლცები“ შემდეგი შინაარსის წერილით მიმართავენ რუსეთის ახალ მეფეს ალექსანდრე მესამეს:



ა. მიხაილოვი
ამით აიხსნება სწორედ ის ფაქტი, რომ „ნაროდოვოლცები“, რომლებიც თავის თავს დიდ და გულწრფელ სოციალისტებს უწოდებდენ, ბოლოსა და ბოლოს თვითმპყრობელობისთვის დათმობამდე მივიდნენ. მეფე ალექსანდრე მეორის მოკვლის შემდეგ „ნაროდოვოლცები“ შემდეგი შინაარსის წერილით მიმართავენ რუსეთის ახალ მეფეს ალექსანდრე მესამეს:

„არსებული მდგომარეობიდან შეიძლება მხოლოდ ორი გამოსავალი იქნეს: ან რევოლუცია აუცილებელი და გადაწყვეტი, ან უმაღლესი ხელისუფლების ნებაყოფლობითი მიმართვა ხალხისადმი. მშვიდობიანი იდეური ბრძოლა შესცვლის შეიარაღებულ ძალადობას, რაც ჩვენ თქვენზე და თქვენს მოხელეებზე უფრო გვესურს და რასაც გვიკარნახებს მხოლოდ ჩვენი უნუგეშო მდგომარეობა.

ისე, როგორც „ხალხში სიარულმა“ ერთბაშად ვერ მოახდინა ძველი ყოფა-ცხოვრების სოციალისტური გარდატეხა, ისე „ნაროდოვოლცების“ ტერორისტულმა მოღვაწეობამ ვერ შეასუსტა თვითმპყრობელობის ბატონობა.

რატომ ოდნავადაც ვერ გაამართლეს „ნაროდოვოლცებმა“ თავისი მიზანი? ეს საიდუმლოება მხოლოდ მარქსიზმს შეიძლო აეხსნა, რაც მდგომარეობს იმაში, რომ ბრძოლა, რომელსაც ხელმძღვანელობდნენ „ნაროდოვოლცები“, იყო ბრძოლა ბურჟუაზიული რევოლუციისათვის, ბრძოლა ფეოდალიზმის წინააღმდეგ. ნაროდოვოლცებმა ვერ გაიგეს ეს ელემენტარული ხასიათი რევოლუციონური მოძრაობისა. იმათ ეგონათ, რომ რუსეთში მხოლოდ ისინი აკეთებდნენ სოციალისტური რევოლუციის საქმეს. მაგრამ სინამდვილეში მათი თეორია და პრაქტიკა (ტაქტიკა) არ აკეთებდა სოციალიზმის საქმეს. რევოლუციონური ბრძოლის ერთადერთი პროგრამა, რომელიც მიიყვანდა სოციალისტურ რევოლუციას უკანასკნელ გამარჯვებამდე, იყო დასახული უდიდესი მარქსისტი მეცნიერის პლენხანოვის მიერ, რომელსაც დაუნდობელი ბრძოლის წარმოება მოუხდა ნაროდნიკების თეორეტიკოსებთან. ეს პროგრამა ხსნიდა იმ საიდუმლოებას, რომ რუსეთში უკვე განვლო ფეოდალიზმის ხანა და გადადის კაპიტალიზმში, რაც რუსეთის ნაროდნიკებს არ სწამდათ,

ემყარებოდნენ რა მაშინდელ გლეხურ თემს (ობშჩინას), როგორც სოციალიზმის ერთადერთ უჯრედს. მათი თვალსაზრისი, რასაკვირველია, შემცდარი იყო. პლენხანოვმა რუსეთში აღმოაჩინა მუშათა კლასი და მას მიაკუთნა პროლეტარული რევოლუციის გამარჯვების ისტორიული როლი.

მუშათა კლასის ისტორიული დანიშნულების ასეთ გაგებამდე არ შეეძლოთ მისვლა „ნაროდნიკების“ ბელადებს, თუმცა მათ ზოგიერთ ქარხანაში კავშირი ჰქონდათ მუშების ზოგიერთ ჯგუფთან. მაგრამ, მიუხედავად მრავალი შეცდომისა და უუნარიანობისა, „ნაროდოვოლცებმა“ თავისი რევოლუციონური ბრძოლის მანძილზე დაუეწიყარი კვალი დასტოვეს, და ბოლშევიკების უმცროსი თაობა მუდამ დაათვათებდა მათ დამსახურებას რევოლუციის წინაშე.

ვლადიმერ ილიას ძე ლენინი არა ერთხელ აღნიშნავდა გმირულ თავდადებას და დამსახურებას იმ ადამიანებისას, როგორც არიან სტეფანე ხალტურინი, მიშკინი და ჟელიაბოვი. ნაროდოვოლცების პერიოდმა გამოიმუშავა ტიპი პროფესიონალური რევოლუციონერისა, ტიპი სახალხო ტრიბუნისა, რომელსაც ხალხში რევოლუციონური ნაპერწკალი შეჰქონდა.

„ნაროდოვოლცების პარტიამ“ შექმნა რთული და მჭიდროდ შეკავშირებული ორგანიზაცია. მან პროპაგანდისტული მუშაობა დაიწყო მუშებში და ჯარის ნაწილებში, მოაწყო არალეგალური პრესა და სხვ. სწორედ „ნაროდოვოლცების ამ პრაქტიკაზე და გამოცდებზე სწავლობდა რუსეთის ბოლშევიკური პარტია, რომლის ხელმძღვანელობით რუსეთის პროლეტარიატმა ოქტომბრის გამარჯვებას მიაღწია.

კ. მ—ძე.

მოდიან დაუთვალავი რიგები

გლოვობს ვოლგა და ტაიგა,
ძირს დაუხრიათ ღროშები:
არმიის რიგებს მოშორდა
გმირი წითელი ბრძოლების.

გადაულახავს ველი და
მტერთან მისულა ხელდახელ,
გაჭირვების ღროს მრავალჯერ
უკან არ დაუხევია!

იბრძოდა მუდამ გმირულად,
ისევ უნდოდა ბრძოლები!
ომებში გამარჯვებისთვის
არგუნეს ოთხი ორდენი.

ჰაუ, ნუ გლოვობ, მიდამოვ,
ნულარ გებურვის ფიქრები!
ერთი მოგვშორდა? მოდიან
დაუთვალავი რიგები.


მტერი თუ ისევ წამოდგა
და ახმაურდა თოფები, —
ჩვენც შეგვიძლია გმირულად
გადავიტანოთ ბრძოლები.

დაგვირბევია მტერი და
ახლაც გმირულად ვდარაჯობთ
მთელს მსოფლიოში ერთადერთს
მშრომელი ხალხის სამყაროს.

ასე მოდიან რიგები,
მოაქვთ ხალისი ულვევი
ჩვენც ვადვიქცევით გმირებად
არმიის განკარგულებით.

მიდამო ისევ ხმაურობს
და მას ბრძოლები თუ მოსდევს,
დავდგებით შეურყევლად
საბჭოთა სადარაჯოზე.

ა. ადამია



გამარჯვებული

ხატხულის სალამოს ნიაემა დაბერა და ოდნავ შეაშრილა ამწვანებული ხის ტოტები. ხალხი ნელ-ნელა გამოიშალა სიციხიან ქუჩაზე. ფალიკო და მისი მამაც გამოსულიყვნენ და ნელის ნაბიჯით დასეირნობდნენ.

რუსთველის გამზირზე ხალხი ბუზივით ირეოდა. ტრამვაის ზარის წკრიალი, ეტლების თქარა-თქურრი, ავტომანქანების გრიალი ქალაქის კონცერტს ჰქმნიდა.

ფალიკო და მისი მამა კაფეს უახლოვდებოდნენ. უეცრად მათ აედევნა რუსის პატარა ბიჭი, თავიდან ფეხებამდე მახუთში ამოსვრილი. ფალიკომ დათვალიერება დაუწყა პაცანას, რომელსაც ხელი გაეწოდა ფალიკოს მამისათვის და დაჟინებით ფულს სთხოვდა:

— Дядя, дай копейку, дай!

ფალიკოს შეეცოდა პაცანა, რომელიც მძიმედ მოატყაპუნებდა შიშველა ფეხებს ქვაფენილზე. მან შეხედა მამას და მორიდებით უთხრა:

— მამა, მიეცი ფული, ხომ ხედავ, როგორ გეხვეწება?

მამამ ღიმილით გადახედა ფალიკოს, შემდეგ ჯრიდან ამოიღო გაკრიალებული აბაზიანი და გაუწოდა მათხოვარს. მან მაგრად მოუჭირა ხელი აბაზიანს და გაქანდა.

ფალიკომ ღიმილით გააყოლა თვალი მას და შემდეგ მამას მიუბრუნდა:

— მამა, განა არ არსებობს თავშესაფარი, რომ დახმარება გაუწიონ უპატრონო ბავშებს!?

— როგორ არა, შვილო; მათთვის მთავრობას აქვს განსაკუთრებული თავშესაფრები. მაგრამ იქ ისინი არ ღვებიან, იპარებიან, რადგან მათხოვრობა და ქუჩა-ქუჩა სიარული პროფესიად აქვთ გადაქცეული. მთავრობა ბევრ ფულს ხარჯავს მათი აღზრდისათვის. აგერ, შეხედე იმ პლაკატს, სადაც ხელგაშვერილი პიონერია გამოხატული.

ფალიკო შეაქცერდა აფერადებულ სურათს, სადაც მსხვილი ასოებით ეწერა:

„პიონერებო, თქვენი ვალია დახმაროთ უპატრონო ბავშებს!“

ფალიკოს გაუელვა აზრმა, როგორმე, იმ სწულ მათხოვარს დახმარებოდა, დაეხსნა ის ქუჩა-ქუჩა ხეტიალისაგან და გაეზარდა იმ პიონერთა კოლექტივის წევრად, სადაც თვით ფალიკო იყო.

ერთი წუთით თვალი მოაშორა სურათს და მამას მიმართა ღიმილით:

— მამა, შენც უნდა გამიწიო დახმარება, რომ შევძლო რამდენიმე უპატრონო ბავში მოვაშორო ქუჩას.

მამა სიამოვნებით უვდებდა ყურს და თანხმობის ნიშნად თავს უქნევდა.

ერთხელ კიდევ გაისეირნეს რუსთველის გამზირზე და წავიდნენ კინო „ეთერში“. ფალიკოს მამა სანამ ბილეთს აიღებდა, ფალიკომ ისევ შეამჩნია ის პაცანა, საზამთროს ვეებერთელა ნაჭრით ხელში, რასაც გულიანად შეექცეოდა. ფალიკო მიუახლოვდა, სალამი მისცა:

— გამარჯობა.

— გაგიმარჯოს!

უთხრა პაცანამ და ერთხელ კიდევ ჩაახრამუნა საზამთროს ქერქი.

— მიცანი?

— როგორ არ გიცანი, განა მამაშენმა არ მაჩუქა აბაზი?

— ჰო, მართალია. რა მიხარია, რომ ასეთი კარგი მახსოვრობა გქონია: მე შენთან დიდი საქმე მაქვს, თუ დამიჯერებ!

პაცანამ მხრები აიჩეჩა და წაილაპარაკა: — ნეტავ, რა საქმე უნდა გქონდეს ჩემისთანა კაცთან?

— მე მინდა მოგელაპარაკო ძლიერ სერიოზულ საქმეზე; სად შეიძლება შენი ნახვა?

— ყველგან, რუსთველის გამზირზე, ერთი სიტყვით, სადაც გინდა.

— მაშ კარგი. ამაღამ ორ საათზე, აი, ამ ადგილას დამხვდები.

— სიამოვნებით, თქვენ თუ მოსვლას ინებებთ.

— როგორ არა, მოვალ. მაგრამ ერთი ეს მითხარო, სად ცხოვრობ?

— წინად სადგურში, საბარგო რონოდაში; ვინაიდან იქ რკინის გზის დარაჯია, აღარ გვიშვებს, — ახლა თავისუფლების მოედანზე — ქვიშის ყუთი № 4.

— მაშ კარგი. არ დაგავიწყდეს, ორ საათზე მოდი.

ხელი ჩამოართვეს და მეგობრულად გაშორდნენ ერთმანეთს. მამას უკვე აეღო ბილეთები და კარებში უცდიდა ფალიკოს. კინოს დარბაზში შევიდნენ. ზარმა დაიწკრიალა, და ეკრანზე ათამაშდა სურათები.

II

ფალიკოს დედას ვახშამი უკვე მოემზადებინა. არ გასულა ბევრი ხანი, რომ შემოესმა ფალიკოს ხმა, რომელიც მამას კინოს შესახებ ესაუბრებოდა. ივახშმეს. ფალიკომ რამდენიმეჯერ გადაათვალიერა იქვე მაგიდაზე დაყრილი წიგნები და დასაძინებლად გავიდა. მთვარე ღიმილით იხედებოდა ფანჯარაში და ფალიკოს დაჰყურებდა.

ღამე, როდესაც შშობლები დაიძინებდნენ, ფალიკომ გადასწყვიტა გაპარვა. ტანისამოსის კარადი-

დან გამოიღო თავისი ძველი ტანისამოსი და ქალღმერთში გახვია. შემდეგ წამოწვა. უცდის მშობლების დაძინებას.

მალე საათმა თორმეტჯერ დარეკა. მისმა მშობლებმა ელექტრობა ჩააქრეს და თავი მოსვენებას მისცეს.

ფალიკო ლოგინში ტრიალებდა, რომ ძილს არ წაეძლია; მეორე ოთახში მის დედ-მამას უკვე ჩასძინებოდა. გარეთ ნიავი ქროდა და ცაზე ღრუბლები დათფარებოდა. ამ დროს პაცანა დანიშნულ ალაგზე ელოდებოდა. მას გვერდით ელო ვეებერთელა სახამთრო, რომელიც ფალიკოს დასახვედრად ეყიდა. ცამ უცბად პირი შეიკრა და ჩამობნელდა. სინათლის რკალები ათამაშდა ღრუბლებზე. რამდენიმეჯერ დაიქექა, და წამოვიდა წვიმა.

პაცანამ ცოტა კიდევ მოუცადა ფალიკოს, მერე იფიქრა, ალბათ წვიმაში არ მოვაო და მოჭკურცხლა დასაძინებლად, ამ დროს კი საათმა ორი დაჰკრა. ფალიკო ფეხზე წამოდგა, ჩუმად მივიდა ოთახის კართან, სადაც მშობლებს ეძინათ, გაუხიდა, ჩუმად გამოაღო კარი და ქუჩაში გავარდა. წვიმდა. ის გარბოდა დანიშნული ადგილისაკენ, რაღაც ელოდა წინა დღით გაცნობილი მათხოვარი.

წვიმა კი რაც ძალი და ღონე ჰქონდა აშხაპუნებდა. აგერ კინო „ეთერიც“. უფრო მოუმატა სირბილს. ცოტაც — და ფალიკო უკვე იქ იყო, მაგრამ პაცანა არსად ჩანდა.

ფალიკომ ბევრი ათვალიერა, მაგრამ ვერ ნახა. ქუჩაზე მხოლოდ ეტლები იდგა. ფალიკოს ბევრი აღარ უფიქრია და თავისუფლების მოედნისკენ გასწია მიცემული მისამართით: მონახა ქვეშის ყუთი ნომერი ოთხი, და რამდენიმეჯერ დაუკაკუნა. იქიდან მოესმა ყრუ ლაპარაკი.

— პეტრო, პა, პეტრო, ვსტავაი, მილიცია.

ფალიკომ იკრძნო, თუ როგორ ემინიათ საწყალ ბავშვებს მილიციის და მისცა ხმა.

— პეტრო, გააღე, მე ვარ, ვერ მიცანი?

პეტრომ იცნო ფალიკოს ხმა და ახადა ყუთი. მალე ფალიკო სველი ტანისამოსით იჯდა მათთან და სიცივისაგან კანკალებდა.

— მე დიდი ხანია გელოდებოდი: წვიმა რომ დაუშვა, მეგონა არ მოხვიდოდი, ამიტომ წამოვედი, ახლა კი სანთელს ავანთებ.

სთქვა და იქვე ყუთის კუნჭულიდან გამოიღო ლიმონათის ბოთლი, რომელსაც თავზე კარტოფილის სანთელი ჰქონდა გაკეთებული, მერე ამოიღო ასანთი, რომელიც დასველებულიყო და დაუწყო გაკვრა, მაგრამ არცერთი არ აენთო. ბოლოს, როგორც იქნა, გაჰკრა და მოუკიდა სანთელს. ყუთი განათდა; მეორე მხარეს კუნჭულში პეტროს მეგობარი იწვა,

რომელსაც თვალები დაეჭყიტა და უსტერდა ფალიკოს.

— გაიცანი, ვანია, ეს ჩემი ახლად გაცნობილი მეგობარია.

ფალიკომ ხელი ჩამოართვა. პეტრომ ამოიღო პაპიროსის ნაწილები და ხარბად დაიწყო წევა. შემდეგ პეტრომ სტუმრის დასახვედრად გასწრა ნაყიდი სახამთრო. ამაზე ფალიკომ უარი არ უთხრა და აიღო ერთი ნაჭერი. სრული სიჩუმე იყო ჩამოვარდნილი. ბოლოს ფალიკომ დაარღვია სიჩუმე.

— პეტრო, ჩემი მოლაპარაკება შენთან შემდეგია: მე მინდა გავიგო, თუ რამ გაიძულა მათხოვრობა დაგეწყო.

პეტრომ გაიცინა და გათხუპნულ შავ სახეზე გამოაჩინა მძივებივით ჩასმული თეთრი კბილები.

— ეჰ, მეგობარო, როცა გვიან, ან მათხოვრობას დაიწყებ ან ქურდობას. ერთ დღეს მეც შენისთანა ვიყავი, მაგრამ ახლა ხომ ხედავ. აი, ყური მომიგდე. ჩემი ისტორია იწყება 1919 წლიდან. ოქტომბრის რევოლუციის შემდეგ, როდესაც წითლების გახდა მთელი რუსეთი, მე ხუთი წლის ვიყავი. ჩვენ ვცხოვრობდით ვორონეში; ჩემი დედ-მამა ხენა-თესვას მისდევდა; თურმე ამ დროს თეთრების ბანდები არ აძლევდენ მოსვენებას მთავრობას, ეცემოდენ და წითლებს ხოცავდენ. სწორედ მაშინ ჩვენი სოფელი წითლების ხელში იყო. ერთ დღეს ყველა ახალგაზრდობა მოჰკრიფეს; შორს სროლა ისმოდა. მამაჩემიც თურმე წითლების მომხრე იყო. ერთ დღეს მანაც აიღო თოფი, გამოგვემშვიდობა და წავიდა. სროლა თანდათანობით ყოველდღე ახლოვდებოდა. მთელი სოფელი გაიქცა: შეეტყობინებიათ, წითლები მარცხდებიანო. მე დედაჩემმა ამიყვანა, და სხვებთან ერთად ჩვენც გავიქეცი. გადავდიოდით სხვადასხვა სოფელში, ბოლოს ჩვედით ქალაქში, იქ დედაჩემმა ბევრი წვალების შემდეგ იშოვნა სამსახური საავადმყოფოში, სადაც ორი წელიწადი დაჰყო და ავადმყოფობის გამო გარდაიცვალა, დავრჩი მარტოკა. შიმშილი მაწუხებდა და დავიწყე მათხოვრობა, აქ ამხანაგები გავიჩინე, მთელი ჯგუფი; დავდიოდით ერთად, ნამათხოვრებს ერთად ვიყოფდით. ბოლოს ეს ჯგუფი მილიციამ დაგვიშალა და დავიფანტეთ. მე და ვანია ტფილისში წამოვედით.

პეტრომ ერთხელ კადევ მძიმედ ამოიოხრა და ხარბად უკანასკნელი პაპიროსის ნაწივი გააბოლა. გაჩუმდენ. მხოლოდ გაისმა ვანიას ხერხინვა, რომელსაც პეტროს მოთხოვრებაზე დასძინებოდა.

— დაა... ეჰ!

ამოიოხრა ფალიკომ და პეტროს მხარზე ხელი დაარტყა.

— ახლა კი გავიგე. არაფერია, ჩემო პეტრო. გიჟი უნდა და შენს ამხანაგსაც. აი, ჯერ ეს მიიღე ჩემგან — და გადასცა გაზეთი, ქალაქში გამოხვეული ძველი ტანისამოსი.

პეტრომ ჩამოართვა და მადლობა გადაუხადა, ღმობიერი თვალით შეხედა ფალიკოსს.

— გმადლობთ, ჩემო მეგობარო, გმადლობთ!

— ახლა ყური მივდე, პეტრო; შენ მუშაობაზე გული მივიფა?

პეტროს თვალი გაუბრწყინდა ამის გაგებაზე, რადგან რამდენჯერმე უნდოდა ქარხანაში მუშაობა, მაგრამ არ მიიღეს.

— როგორ არ მინდა, მინდა, მაშ. მომწყინდა ქუჩა-ქუჩა ხეტიალი და მათხოვრობა, ახლა პატიოსანი შრომით მინდა ლუკმაპურის შოვნა.

პეტრო ხაპასუპით ეუბნებოდა ფალიკოსს და მოზრდილ ადამიანივით მსჯელობდა.

— კარგია. მე მეგონა, შენ უარს მეტყუდი. მაშ კარგი. ხვალ ერთად წავალთ ერთ ქარხანაში, სადაც თუჯს ადნობენ. აი იქ მივადებინებ. იქ მამიჩემის მეგობარია დირექტორად და უსათუოდ მივიღებს.

ფალიკომ სთქვა და მედიდურად გადახედა პეტროს, შემდეგ ისევ წაილაპარაკა:

— პეტრო, ახლა ძალიან მცდინება. სჯობს დავიძინოთ ცოტა, ვათენებისას კი წავიდეთ ქარხანაში. ფალიკომ დაამთქნარა, პეტრომ ჩააქრო სანათი და მიწვა. ცოტა ხნის შემდეგ ჩვენი მეგობრები უკვე ხვრიწავდნენ.

თენდება. ქალაქმა ნელ-ნელა იწყო გავლიძება. დილა ნამიანი იყო, ამიტომ ტრამვაის ლიანდაგს ქვიშა სჭირდებოდა. ლიანდაგის გამწმენდი მუშა ვედრით ხელში მიუახლოვდა ყუთს ქვიშის ამოსაღებად. პაცანებს გამოეღვიძათ და წამოცვივდნენ. მუშას მოულოდნელი ხმაურისაგან შეეშინდა და ვედრო ხელიდან გაუვარდა, მერე სომხურად რაღაც შეიგინა და მათხოვრებს დაედევნა. ისინი შორს მირბოდნენ.

რვა საათი იქნებოდა, როდესაც ფალიკოსს ოთახში შევიდა მისი დედა და ელდა ეცა, როცა ფალიკო იქ არ დაუხვდა. ასტეხა წივილი და გულშემოყრილი დაეცა ლოგინზე. წივილზე შემოცვივდნენ მეზობლები. ბავშვის დაკარგვის ამბავი უკვე ყველამ იცოდა. ფალიკოსს მამას ელსმენით შეატყობინეს. უკვე ყველანაირი ზომა იყო მიღებული ბავშვის მოსაძებნად. ამ დროს კი ფალიკო და მისი მეგობარი ქარხნის დირექტორის კაბინეტის ფანჯარასთან იდგნენ და ელოდებოდნენ მის მოსვლას. ფანჯრიდან ნათლად ჩანდა ქარხნის მოძრაობა, ქარხნის ხმაურში ყრუდ მოისმოდა მუშების მხიარული სიმღერები.

ფალიკოსს მეგობრებს თავი ცეცხლის გრიგალში ეგონათ და გაფაციცებით ადევნებდნენ თვალყურს მანქანის მოძრაობას, ცქერით სტკებდნენ. გავიდა რამდენიმე ხანი, და შემოვიდა დირექტორი. ბავშვები მიესალმნენ. დირექტორმა თავის მხრივ უპასუხა.

— გაგიმარჯოთ, რით შემიძლია გემსახუროთ. მიუჯდა ფალიკოსს, ღიმილით გადახედა.

ფალიკო ამაყად მიუახლოვდა საწერ მაგიდას, პაცანებს კი თავი დაელუნათ, ერთიმეორეს ეტყურებოდნენ.

— მე მოვედი თქვენთან ფრიად მნიშვნელოვანი საქმისთვის და ამიტომ ყოველგვარი დახმარება უნდა გამიწიოთ.

დირექტორი ღიმილით უყურებდა ფალიკოსს, რომელსაც თვალეები გაფართოვებოდა და რაღაცას სთხოვდა.

— მითხარით, რითაც შემეძლება, დაგეხმარებით ფალიკოსს სიხარულის ელფერმა გადაჰკრა.

აი ეს ორი უპატრონო ბავშვა, მე ისინი მინდა მოვაშორო ქუჩა-ქუჩა წინწალს და დავაყენო სწორ გზაზე. ესენი უნდა მიიღოთ თქვენს ქარხანაში.

დირექტორმა შეხედა ჯერ ფალიკოსს, შემდეგ პაცანებს და უთხრა:

— ჩემო ფალიკო, ეგ ხომ პროტექცია გამოგვა: ჩვენ მუშებს ან მოწაფეებს ყველას შრომის ბირჟიდან ვიყვანთ. მაგრამ რადგან შენ პირადად მოხვედი ჩემთან, მე თქვენს თხოვნას ვასრულებ. შენ მართლაც სამაგალითო პიონერი ხარ.

ამ ლაპარაკში იყო, როდესაც ტელეფონის ხარმა დაიწვიალა. დირექტორმა მილი აიღო.

— გისმენთ. ჰო, მე ვარ. დიხ, აა, თქვენა ხართ, ამხანაგო კოტე? თქვენი ვაჟი დაიკარგა? თქვენი ვაჟი აქ არის, ნუ გეშინიათ, — სთქვა და მილი ჩამოკიდა. ფალიკო მიხვდა, თუ რა მდგომარეობაში არიან მისი მშობლები.

— ჩემო ფალიკო, მამათქვენმა გადმომცა, რომ თქვენ აქ უნდა დაუცადოთ მამას. თქვენ წუხელი გაპარულხართ შინიდან

ფალიკოსს სირცხვილისგან ლოყები აელეწა და ღიმილით დირექტორს გადახედა.

რამდენიმე წუთს შემდეგ მისი მამა უკვე დირექტორის კაბინეტში იყო და სიხარულით უსვამდა ფალიკოსს და მის მეგობრებს თავზე ხელს, დირექტორი კი ბლოკნოტზე სწერდა:

„გაატარეთ ბრძანების წიგნში, რომ ივანოვები ჩარიცხულნი არიან შტატში მოწაფეებად.“

მერე დარეკა და ხარის ხმაზე შემოსულ კაცს მიმართა:

— წაიყვანეთ, აბანავებინეთ, გამოუწერეთ სვეცტანისამოსი და გაგზავნეთ საზეინკლო ამქარში.


პაცანები მიხვდნენ, რომ მათზე იყო ლაპარაკი, მიუახლოვდნენ ფალიკოსს და სიხარულით ეხვეოდნენ. ფალიკომ სამაგიეროდ მადლობა გადაუხადა დირექტორს და გამოემშვიდობა.

მეორე დღეს მამას კალთაში უჯდა ფალიკო, კითხულობდა გაზეთ „კომუნისტში“ მოთავსებულ განცხადებას და ხარხარებდა:

„დაიკარგა ბავში, 14 წლის, მალალი, ლამაზი პირისახის. სახელი ფალიკო. მნახველს ვთხოვ შეგვატყობინოს: ტყავტრესტო ენუქიძეს.“

გ. ნარინიანიშვილი.

ფოლადის საგაულო



1. ამხ. ი. სტალინი.

საპრობილემო ვმოულობდით ჩვენ, არალეგალურად მომუშავენი, თავისუფალ დროს. აქ ანგარიშს ვუკეთებდით იმას, რაც განვიცადეთ, ვაწყობდით ახალ გეგმებს, ვსწავლობდით იმას, რაც გვაკლდა, ვიბრძმედებოდით და ერთმანეთს ვეცნობოდით. ამის გამო ცხოვრება საპრობილემოშიც არ იყო ერთ წერტილზე გაყინული. თავისუფალ ცხოვრებასთან კავშირი მას ამრავალფეროვანებდა. ბრძოლა ადმინისტრაციასთან მუდამ გამწვავებული იყო, მაგრამ უნებური დასვენება მაინც დიდად განასხვავებდა საპრობილემოს თავისუფალი ცხოვრებისაგან.

საჭიროა განვზოროდეთ მოვლენათა ტალღებს, რომ თუნდაც მოკლედ შევხვით ჩვენი დროის სამ უდიდეს რევოლუციონერს, ამიერკავკასიის არალეგალური ორგანიზაციების სამ დევ-გმირს. მე ვვულისხმობ ამხანაგებს—სოსო ჯულაშვილს, აბელ ენუქიძეს და ლადო კეცხოველს, რომელთა გმირულ მოღვაწეობას ამიერკავკასიის ბოლშევიკურ მოწინავე რიგებში ამ წიგნის¹⁾ არა ერთი და ორი გვერდი აქვს მიძღვნილი.

ჩემი არალეგალური მუშაობის პირველი ნაბიჯების გადადგმისათანავე შევხვდი იმ კაცს, რომელსაც შემდგომ წილად ხვდა უდიდესი როლის შესრულება ჯერ თვით საქართველოს რევოლუციონერ ცხოვრებაში, შემდეგ ამიერკავკასიის და ბოლოს კი ხალხთა იმ უზარმაზარ კოლექტივში, რომელსაც ამჟამად ს. ს. რ. კ. ეწოდება. მე ვლაპარაკობ ამხანაგ სტალინ-ჯულაშვილზე, რომელიც იყო ერთ-ერთი ენერგიული ორგანიზატორი ბოლშევიკური არალეგალური მუშაობისა და რომელიც დგას ახლა საქავშირო კ. პ. (ბ) ხელმძღვანელთა რიგებში.

ამხ. სტალინიში შეერთებულია ისეთი ღირსებანი, როგორსაც ძვირად თუ შეხედებით ერთ მოღვაწეში: ორგანიზატორისა და კონსპირატორის ნიჭი და დაძაბული ინტერესი სოციალური რევოლუციის თეორიული პრობლემების დამუშავებისა. რ. ს. დ. მ. პ. კავკასიის ორგანიზაციის ორ მიმართულებად გაყოფის მომენტიდან ამხ. სტალინი იმ მიმდინარეობას მიემხრო, რომელსაც ერთი წუთითაც არ დაუვიწყრია მუშათა მასების ინტერესების უპირატესობა ყოველგვარ სხვა მოსაზრებებზე, ე. ი. მიემხრო ბოლშევიზმს და მას შემდეგ არცერთი დღით, არცერთი საათით არ შეუწყვეტია სააგიტაციო და საპროპაგანდო ბრძოლა როგორც მენშევიზმთან, ისე სხვა პოლიტიკურ მიმდინარეობებთან, რომელნიც ესოდენ გაძლიერდნენ 1905 წელს. არალეგალურად მომუშავე, დაუღალავი პროპაგანდისტი, აგიტატორი, ჟურნალისტი ბასრი კალმით ხელში,—აი როგორი იყო მაშინ სტალინი.

თავისებურად განვლო ამხ. სტალინის მოწაფეობის წლებმა²⁾.

ამხ. სტალინი—ჯულაშვილი დაიბადა ქალაქ გორში, ხელოსნის ოჯახში, 1881 წელს.

მამამისი ხარაზი იყო, დედა—დღიურად მომუშავე. პარველ ხანებში იგი სწავლობდა გორის სასულიერო სასწავლებელში და შემდეგ ტფილისის სასულიერო სემინარიაში.

ეს იყო 90-იან წლებში, რომელსაც ქართული საზოგადოებრიობისათვის უდიდესი მნიშვნელობა ჰქონდა: ეს იყო ეპოქა გარდატეხისა და ახალი ეკონომიური ურთიერთობის წარმოშობისა. 80-იან წლებში რკინის გზა აერთებს ამიერკავკასიის ორ განაპირა პუნქტს—ბაქოსა და ბათუმს, და ამ ორი ქალაქის მნიშვნელობა ქვეყნის ეკონომიურ ცხოვრებაში ჩქარა იზრდება. ტფილისში ჩნდება რკინის გზის სახელოსნოები, ძლიერდება მუშაობა ქიათურის მარგანეცზე და ტყიბულის ქვანახშირზე. სოფლების ნახევრად პროლეტარი მცხოვრებნი სტოვებენ თავის ადგილებს და მიდიან იქ, სადაც სამუშაოს პოულობენ. იბადება ახალი კლასი—პროლეტარიატი. მართალია, ჯერ იგი მცირერიცხოვანია, მაგრამ მალე პოულობს ძალას გაერთიანებისათვის, იზრდება და ირახმება ძლიერ ძალად და მთელი კავკასიის რევოლუციონერი განმათავისუფლებელი მოძრაობის ავანგარდი ხდება.

90-იან წლებამდე ხელმძღვანელ როლს თამაშობს, როგორც ლიტერატურაში, ისე საზოგადოებრივ ცხოვრებაშიც, თავად-აზნაურობა და მისი წიაღიდან გამოსული ქართველი ინტელიგენცია. ახალი ეკონომიური ურთიერთობის გაჩენიდან თავად-აზნაურობის როლი თანდათან ეცემა. მას ავიწროებს, ერთის მხრივ, ბურჟუაზია და მეორეს მხრივ—პროლეტარიატი. მასთან ერთად ისტორიულ ავანსცენაზე გამოდის ახალი ინტელიგენცია, უმთავრესად—სხვადასხვა წოდების წარმომადგენელი. ისინი ხდებიან ახალი კლასის იდეოლოგები და მთელი თავისი ახალგაზრდული ენერგიით აწარმოებენ ბრძოლას თავად-აზნაურული ლიბერალიზმის წინააღმდეგ, რომელსაც ნაციონალისტური ელფერი აქვს. ეწყობა და თავის რიგებს ამაგრებს მუშათა პირველი უჯრედები, შემდეგ—ძლიერი და განშტოებული სოციალ-დემოკრატიული ორგანიზაცია. მაგრამ დახეთ ბედის სიმუხთლეს: სოციალისტური ინტელიგენციის უდიდესი ნაწილი უმთავრესად სემინარიიდან გამოდის. სემინარისტების რევოლუციონური გამოსვლები, პირველი შეხედვით სულ უბრალო შემთხვევებით გამოწვეული, აღვიძებს აპატიურ მოსახლეობას და წლითიწლობით უფრო და უფრო გაბედულ ნაბიჯებს ადგმევენებს მას. სემინარიები, როგორც სხვა სკოლები, რეაქციის კლანჭებში იტანჯებოდნენ; განსაკუთრებით აუტანელი და საზიზღარი იყო გარუშების უხეში პოლიტიკა, რომელსაც განსაკუთრებული ყინიანობით და ფარისევლობით ატარებდნენ მღვდლები და კარიერისტი ბერები. სემინარიაში მრავალ კონფლიქტს ჰქმნიდა დევნა ყოველგვარი ცოცხალი აზრის, აკრძალვა ქართული წიგნების და განსაკუთრებით კი გაზეთების. აი ამგვარ ატმოსფეროში მიმდინარეობდა ამხ. სტალინის სწავლა ტფილისის სემინარიაში.

იგი ცოცხალი, მხიარული და ნიჭიერი ყმაწვილია. სწავლობს კარგად. 1894 წელს ის პირველ კლასშია. სა-

1) „ფოლადის სამეული“ ამოდებულია ჩემი წიგნიდან: „მეთოდური საუკუნის მანძილზე“—გამომც. „შრომა“. ბ. ბ.
 2) იმ ნაწილში, რომელიც ეხება ამხ. სტალინის სემინარიაში ყოფნის დროს, მე ვსარგებლობ ამხ. გ. პარკაძის მასალებით და ამხ. ბაქრაძის მოგონებებით, რომელიც დაბეჭდილი იყო ჟურნ. „დროშა“-ში (№ 9, 1924 წ.) ბ. ბ.



ამხ. ი. სტალინი ახალგაზრდობაში

ერთო შაბლონის მიხედვით უნდა ვიფიქროთ, რომ ამხ. სოსო ჯულაშვილი, როგორც „კარგი მოსწავლე“, კარგად უნდა ჰყავდესთ მიღებული უფროსებს. მაგრამ ამ შემთხვევაში იგი ძირეულად განსხვავდება „კარგი მოსწავლეთა“ უმრავლესობისაგან, არ სთვლის თავის თავს მოსწავლეთა მასისაგან განსხვავებულად და იზრდება უფროსების გავლენის გარეშე. ამხ. სოსო დაინტერესებულია ლიტერატურით და მას კითხულობს, ხანდახან ლექსებსაც სწერს. მოსწავლეთა წრე ამხ. სოსოს ხელმძღვანელობით ჯერ სწავლობს ფიზიკასა და ბუნებისმეტყველებას, შემდეგ იწყებს სოციოლოგიის და ბოლოს მარქსიზმის შესწავლას. მაგრამ ყველაფერი ეს სრულიად არ უშლიდა ხელს ამ წრის წევრებს ზავშურათ ეცელქათ. ხშირად შეიძლება დაგენახათ დერეფანში, რომ ამხ. სოსო მიჰქრის მიშა დავითაშვილის ზურგზე შესკუპებული და გაიძახის: „მე ფოლადი ვარ, მე ფოლადი ვარ“. ის ფსევდონიმი, რომლითაც ახლა იცნობენ ამხ. სოსო ჯულაშვილს მთელ საბჭოთა კავშირში, იმ შორეულ წლებში გაჩნდა, ცელქობაში, რის შესახებაც ახლა მოვითხრობდით.

მეოთხე კლასში ამხ. სოსოში დიდი გარდატეხა ხდებოდა. როგორც უკვე ვთქვით, იგი პირველად ძალიან კარგად სწავლობდა, მაგრამ მეოთხე კლასში ხუთებიდან ერთებამდე „ეშვება“. მასწავლებელნი ვერ მიმხვდარიყვნენ, რა მოუვიდა მას, რა მოხდა; მას მეტად ევიწროვა სემინარიის კედლები, მას იზიდავდა რევოლიუციონერისა და მებრძოლის ცხოვრება.

1899 წ. იმას რიცხავენ სემინარიიდან.

სასწავლებლის გარეთ დარჩენილი ამხ. სტალინი სამსახურში შედის ტფილისის ობსერვატორიაში. ის ძალზე მონდომებით სწავლობდა მარქსიზმის თეორიას და ადგილობრივ სოც.-დემ. ორგანიზაციას დაუკავშირდა. ამასთანავე არ სწყვეტდა კავშირს სემინარიასთან; იგი ძველებურად ხელმძღვანელობას უწევდა მოსწავლეთა წრეს. იმ ხანებშივე დაუახლოვდა ის ამხ. კამოს, რომელიც შემდგომ უშიშარი და შეუდრეკელი რევოლიუციონერი იყო.

ჩვენ შეგვიძლია აღვნიშნოთ ერთი ფაქტი, რომელიც ახსიათებს ამხ. ჯულაშვილს მისი განვითარების მიზეზს. როდესაც ის შეეჯახა სეთ დევდარიანს (სანი, შემდგომ გამოჩენილი მენშევიკი). უთანხმოება ეხებოდა იმ საკითხს, თუ როგორ უნდა ეწარმოებინათ მეცადინეობა თვითგანვითარების წრეებში. დევდარიანი ურჩევდა ეკითხათ ყველაფერი განურჩევლად, ბელეტრისტიკაც კი, ამხ. სოსო მარტო მარქსისტული ლიტერატურის კითხვის მომხრე იყო, რომ ტყვილა არ დაეკარგათ ძვირფასი დრო, და მან გაიმარჯვა ამ დავაში.

1900 წ. ის უკვე პარტიის თვალსაჩინო წევრია, მუშაობს ტფილისის, ბათუმის, ქუთაისის, გურიის, კიათურის და სხვა ადგილების ს.-დ. ორგანიზაციაში. ტფილისში მისი ხელმძღვანელობით მოხდა მეთამბაქოეთა გაფიცვა, რომელიც მუშათა გამარჯვებით დასრულდა.

1901 წელს იგი თავს ანებებს ობსერვატორიაში სამსახურს და მთლად ებმება არალეგალურ მუშაობაში. ის უშუალო მონაწილეობას იღებს არალეგალური მუშაობის ტექნიკურ მოწყობაში: იმ ხანებში ტფილისის ორგანიზაციას არ ჰქონდა სტამბა და იმას მ. დავითაშვილსა და გ. პარკაძესთან ერთად უხდებოდა ფურცლების ბეჭდვა ჰექტოგრაფზე.

მაშინ უთანხმოებანი ს.-დ. ორგანიზაციაში არ იყო საეხებით გამოაშკარავებული, მაგრამ ამხ. სოსო ყოველთვის ემხრობოდა რევოლიუციონერ ფრთას ჩვენს საუკეთესო მარქსისტებთან ერთად, როგორც იყვნენ ალ. წულუკიძე, ლ. კეცხოველი (შემდგომ ორივე გამოჩენილი ბოლშევიკი) და სხვები.

1903 წ. ჟენევის ყრილობაზე ამხ. სოსო უკვე ბოლშევიკ-ლენინელთა რიგებშია. დაახლოებით ამ დროიდან ხდება იგი ამხ. შაუმთან ერთად მუშათა მოძრაობის ხელმძღვანელი არა მარტო საქართველოში, არამედ მთელ ამიერკავკასიაში.

ამხ. სტალინი, როგორც უკვე აღვნიშნე, მეტად გამობრძმედილი კონსპირატორი იყო. ამის გამო „ოხრანკა“ მას დიდხანს სდევდა, მაგრამ ვერავითარ შედეგს ვერ მიაღწია; იგი პირველად 1901 წ. მისცეს პასუხისგებაში, ე. ი. სამი წლის შემდეგ არალეგალური მუშაობის დაწყებიდან, ეს კი იმ ხანებისთვის დიდი დრო იყო.

ამ დროს „იოსებ ჯულაშვილს, გაურკვეველი ხელობის კაცს“ (მკითხველები შეაფხვებენ ამ ჟინდარმულ ცინიკურ ეტაკეტს „გაურკვეველი ხელობის კაცი“, რომლითაც აღინიშნებოდენ განსაკუთრებით საშაში, განსაკუთრებით მედგა იი რევოლიუციონერები) უკვე კარგად იცნობდენ ჟინდარმერიის შექმნის და იცნოდენ არა როგორც მორიგე მუშაკს, არამედ როგორც პარტიული ორგანიზაციების ხელმძღვანელს. ჩვენ აქ მოკიყვანთ საინტერესო მასალას ტფილისის ჟინდარმთა სამმართველოს „ჯუმლი“-დან, საიდანაც ჩანს, თუ როგორ უყურობდენ ამხ. სტალინის მოღვაწეობას მისი მტრები.

აი ერთი ნაწყვეტი ამ „ჯუმლი“-დან.

„29 ოქტომბერს, კვირას, დილის 9 საათზე სადგურის ქუჩაზე შესდგა მოწინავე რკინისგზელ მ შათა კოცბა ინტელიგენტ იოსებ ჯულაშვილის იონაწ ლეობით“.

იმ დროის ჟინდარმთა მოხსენებებში მრავლად მოიხსენება ამგვარი ცნობა.

ამხ. სტალინი პირველად ბათომში დაპატიმრეს. ის პასუხისგებაში მისცეს „რუსეთის სოც.-დემ. პარტიის ტფილისის წრის“ საქმეზე.



ამბ. ა. ენუქიძე



ამბ. ი. სტალინი



ამბ. ლ. კეცხოველი

საინტერესოა მოვიყვანოთ აქ ამბ. სტალინის აღწერილობა, რომელიც შედგენილია ჟანდარმთა პოდპოლკოვნიკის შაბელსკის მიერ 1902 წლის 17 ივნისს ქალ. ბათომში.

1. სიმაღლე 2. არწინი, 4 1/2 ვერს.
3. ტანის მოყვანილობა... საშუალო
3. ხნოვანება 23
 - ა) ხომ არ არის რაიმე განსაკუთრებულბანი ორგანიზმის სხვადასხვა ნაწილში?... მარცხენა ფეხის მე-2 და მე-3 თითები ერთიმეორეზეა შეზრდილი.
 - ბ) ხომ არა აქვს თავის დაჭერის განსაკუთრებული თვისება? არა.
4. რა შთაბეჭდილებას სტოვებს გარეგნობით?.. ჩვეულებრივს.
5. თმის ფერი თავზე მუქი წაბლისფერი, წვეროვლვაში წაბლისფერი.
 - თმის სახე პირდაპირ მდგომი.
 - თმის დავარცხნილობა დაუყოფელი.
 - იპარსავს თმას თუ არა? არ იპარსავს.
6. თვალების ფერი და სიდიდე მუქი თაფლისფერი, საშუალო, სათვალეებს არ ატარებს.
7. თავი ჩვეულებრივი აქვს.
8. ცხვირის მოხაზულობა და ზომა ცხვირი აქვს სწორი, გრძელი.
9. შუბლის მოხაზულობა, და ხომ არა აქვს რაიმე განსაკუთრებული ნიშანი? პირდაპირი, არამალალი.
10. სახის მოხაზულობა, კანის ფერი სახე გრძელი, შავგვრემანი, ნაყვავილარი.
11. პირის ღრუ, კბილები ხომ არ აკლია? ქვედა ყბაზე მარჯვენა მხარეზე აკლია წინა საძირის კბილი.
12. პირისა და ნიკაპის მოხაზულობა და მათი განსაკუთრებული თვისებანი? პირი საშუალო ზომისაა, ნიკაპი ვიწრო; განსაკუთრებული თვისება ლაპარაკის დროს არა აქვს.
13. ხმის თვისება, და ენა ხომ არ ებმება?... წყნარი. ენა არ ებმება.

14. ყურების მოხაზულობა საშუალო ზომის.
15. სიარული და მისი განსაკუთრებული თვისებანი? ჩვეულებრივი.
16. ხომ არა აქვს ავადმყოფობის ნიშანი? მარცხენა ყურზე ხალი აქვს, სახეზე ნაყვავილები“.

ჟანდარმერიამ, გამოიკვია რა ის გარემოება, რომ ამბ. სტალინი მეტად აქტიური მომუშავე და იმავე დროს მეტად ძნელი დასაჭერი იყო, მას განსაკუთრებული სიმკაცრით ღუწუო ღევნა. რევოლუციის წინა ხანებში, მიუხედავად ამბ. სტალინის დიდი თავდაჭერილობისა, არა ერთხელ ჩავარდნია ის ხელთ მეფის ჟანდარმერიას. იმას ამწყვედევდენ ან აგზავნიდენ „იმპერიის შორეულ ადგილებში“. მაგრამ ვერაფრით ვერ შესძლეს ამ დიდი რევოლუციონერის ნებისყოფის მოტეხა. ის განუწყვეტლივ მისწრაფოდა თავისუფლებისაკენ და ხელახლა ეწეოდა არალეგალურ მუშაობას. ქვემომოყვანილი „ცნობები“ გვიჩვენებს, თუ რა გაფაცვიცებით ადევნებდა თვალყურს ჟანდარმერია ამბ. სტალინს და რამდენად დიდი იყო მისი რევოლუციონური შრომის სია.

ც ნ მ ბ ე ბ ი

ადმინისტრაციულად გადასახლებულ იოსებ ბესარიონის ძე ჯულაშვილის შესახებ.

გვარი, სახელი, მამის ჯულაშვილი იოსებ ბესარიონის სახელი, წოდება, და-ძე, გლეხი სოფ. დიდი ლილობადების ან მიწერის და-დან, ტფილისის გუბერნიისა და ადგილი და ბრალ-მასჯრის, უცოლო.

დებულის ოჯახური მდგომარეობა.

წლოვანება 30 წლისა

ცნობები ბრალდების შესახებ და ბრალდებულის მიერ მიცემული განმარტებანი.

ბრალი ედება იმ საქმეში, რაც მოხსენებულია ჰაქოს გუბ. ჟანდარ. სამმართვე. უფროსის დადგენილებაში 1910 წ. 26/VI, № 3476, რაც არის ამა საქმესთან თანდართული, № 75/1910 წ. თავს დამნაშავედ არ სცნობს.

სად და რა დროიდან არას დაქვრილი დაცვის დებულების ძალით.

ბაქოს საპრობილეში 1910 წლის 26/III იმყოფებოდა და ითვლებოდა ბაქოს გუბ. ჟანდარმთა სამმართველოს უფროსის განკარგულებაში, და 1910 წლის 28/VI-დან — ბაქოს გრადონაჩაღნიკის განკარგულებაში.

პასუხისგებაში მიცემულია წინასწარი გამოძიებით თუ ფორმალური კვლევა-ძიებით. ბრალდების შინაარსი, როგორც აღკვეთის ზომები და რა მიმართულების მიცემა განზრახული სასამართლოს საქმისთვის.

1902 წ. მიცემული იყო პასუხისგებაში ქუთაისის გუბ. ჟანდარმთა სამმართველოს მიერ 121 მუხ. ძალით და ტფილისის ჟან. სამ. მიერ სისხლ. სამ. კოდ. 250 მუხლის ძალით. უკანასკნელი კვლევა-ძიება გადაჭრილ იქნა აღმინისტრაციული წესით და 1903 წ. 9/VII უზენაესი ბრძანებით გადასახლებული იყო პოლიციის აშკარა ზედამხედველობის ქვეშ აღმოსავლეთ ციმბირში 3 წლის ვადით, საიდანაც გაიპარა და ეძებდა პოლიციის დეპარტამენტი 1904 წლის 1 მაისის ცირკულიარით, № 5500. შემდეგ 1908 წლის 25 მარტს ბაქოს მადეპარმა პოლიციამ დააპატიმრა ვინმე უცნობი, რომელმაც თავის თავს უწოდა გაიოზ ნიჟარაძე, ქუთ. გუბ. და მაზრის სოფ. მალაკის მცხოვრები; მას გაჩხრეკის დროს აღმოაჩნდა პარტიული შინაარსის მიმოწერა. ამ საქმის გამო ბაქოს სამმართველომ გამართა მიწერ-მოწერა, საიდანაც გამოიჩვენა, რომ ნიჟარაძე ზემოაღნიშნული ჯულაშვილია. ამ საქმის თაობაზე დასრულებული მიწერ-მოწერა გადაჭრილია შინაგან საქმეთა მინისტრის განკარგულებით — დაადგინეს ნიჟარაძის (იგივე ჯულაშვილი) გადასახლება, პოლიციის აშკარა ზედამხედველობის ქვეშ, ორი წლით; გადასახლების ვადა ითვლებოდა 1908 წლის 29 სექტემბრიდან, მაგრამ მეორეჯერ გამოიქცა გადასახლების ადგილიდან და მეორეჯერ ეძებს მას პოლიციის დეპარტამენტი 1909 წლის 19 აგვისტოს ცირკულიარით, № 151385/53. სხვისი საბუთებით ცხოვრებისათვის ჯულაშვილის წინააღმდეგ აღძრულია სისხლის სამართლის საქმე სასჯელთა დებულების მე-997 მუხლის ძალით.

ადგილობრივი ხელისუფლების დასკვნა იმ აღმინისტრაციული ღონისძიების შესახებ, რომლის მიღება განზრახულია.

გადასახლებულ იქნეს პოლიციის აშკარა ზედამხედველობის ქვეშ ციმბირის შორეულ ადგილებში ხუთი წლის ვადით.

თვითმპყრობელობასთან ბრძოლაში გამობრძმედილი ამხ. სტალინი სიღინჯისა და შეუღრეკელობის მავალით წარმოადგენდა, ურომლისოდაც არცერთ დიდ კონსპირატორს არ შეუძლია თავისი საქმის კეთება. იგი ამასთანავე მტკიცედ იცავდა პარტიულ დისციპლინას და ე. წ. „ძველმა გვარდიამ“, რომელიც ხელიხელ ჩაკიდებული მუშაობდა მასთან, მისგან ბევრი რამ ისწავლა. აქ დამახასიათებელია ერთი წერილმანი: ამხ. სტალინი ბოროტ-მოქმედებად სთვლიდა ყოველგვარ დაგვიანებას, რაშიც დამნაშავე იყო თითქმის ყოველი ჩვენგანი.

მაგონდება ერთი შემთხვევა, როდესაც ერთმა ამხანაგმა დაიგვიანა კომიტეტის სხდომაზე. ამხ. სტალინმა ის ისე საშინლად გაკიცხა, რომ ჩვენ ყველა გავვაკვირვა ამ ამბავმა. „საკუთარი დედაც რომ გიკვდებოდეს, არავითარი უფლება არა გაქვს გვაცდევინო“ — ასე დაამთავრა მან თავისი სიტყვა. ეს თითქმის სიმკაცრედ გვეჩვენა, მაგრამ სხვაგვარად როგორ შეეძლო ებრძოლა რევოლიუციონერს, რომელსაც რევოლიუციის დაგვირგვინების პასუხისმგებლობა ჰქონდა აღებული თვითმპყრობელობის საშინელ პირობებში.

საშინელი სწორხაზოვანი და მკაცრი იყო ამხ. სტალინი იმ ამხანაგების მიმართ, რომელნიც ამა თუ იმ გარემოების გამო იძულებული იყვნენ სულ მცირეოდენ დათმობაზე წასულიყვნენ. მაგონდება ერთი შემთხვევა. სამეგრელო-გურიის ძველი პარტიული კომიტეტის წევრმა პარმენ ჭიჭინაძემ საპატრმროში ჯდომის დროს მთავრობას მიართვა რაღაც სულ უბრალო შინაარსის თხოვნა. ამხ. სტალინის მრისხანებას საზღვარი არ ჰქონდა. იგი საერთოდ სასტიკად ამთრახებდა ყველას, ვინც კი მისი აზრით რევოლიუციონერის პრესტიჟს სცემდა. ამგვარივე დაუღალავი და მომთხოვნი იყო ის ზემოხსენებული პარტიული კომიტეტის ხელახალი არჩევის დროსაც.

ამხ. სტალინს არა ერთხელ გაუკვირვებია ერთ თავისი სითამამით. სითამამე ხშირად გაჭირვებიდან იხსნის კონსპირატორს, მას ხშირად შესანიშნავ შედეგამდე მიეყვარათ. აი ერთი სურათი: ქუთაისში ვასაფლავებდით ყაზახების მიერ მოკლულ ხარაზებს; დამარხვამ ისეთი ფართო ხასიათი მიიღო, რომ ნეიტრალურ ხალხს უკვირდა და ყველა კითხულობდა ვის ასაფლავებთო. ამხ. სტალინმა, რომელიც პროცესიაში მიდიოდა, ხმამაღლა ყველას გასაგონრად დაიძახა: „ჩვენ ვასაფლავებთ ჯალათების მიერ მოკლულ მუშებს — პროლეტარებს. ქუდი მოიხადეთ!“

შეუბრალებელი იყო ამხ. სტალინი მოწინააღმდეგეთა მიმართ, განსაკუთრებით მენშევიკებთან მრავალ კამათსა და შეჯახებაში. იცოდნენ რა ეს, მენშევიკები გაუბრუნდნენ მასთან შეხვედრას. ჩვენი ამხანაგები გაჭირვების დროს იმის გამოსვლას მოითხოვდნენ და მის დახმარებას ეძებდნენ.

საქართველოში მრავალი წლის განმავლობაში მედგრად მუშაობისა და მენშევიკებთან მრავალი შეჯახების შემდეგ, 1907 წელს, რეაქციის დაწყებიდან ორი წლის გასვლის შემდეგ ამხ. სტალინი ბაქოში გადადის სამუშაოდ და შემდეგ კი რუსეთის სხვა საწარმოო ცენტრებში. შემდგომი მისი რევოლიუციონური მოღვაწეობა ჩემი მოგონებების ფარგლებს გარეთაა და მას აქ არ შევხებით.

ლიტერატურის გაგზავნას. შემდეგ იყო რევოლუციონური სალაროების ანგარიშები, ამხ. ენუქიძის მიერ შედგენილი, და სხვადასხვა თხზულება რევოლუციონურ თემებზე, დაუმთავრებელი ხელნაწერი, რომელიც ეკუთვნოდა ამხ. ენუქიძეს, შეიცავდა მოქმედების პროგრამას, რომლის მიზანია პოლიტიკური თავისუფლების მოპოება ძალა-უფლების მუშათა კლასის ხელში გადასვლით და მასების ორგანიზაციით. ამ დარაზმულ მასებს, რომელნიც მუშათა კლასისაგან შესდგებოდნენ, უნდა დაეწყოთ ბრძოლა მთავრობასა და კაპიტალთან, რომ მიეღწიათ თავისი კლასიური ეკონომიური მიზნებისათვის. ხელნაწერში განმარტებული იყო, თუ რა მნიშვნელობა ეძლეოდა აშკარა გამოსვლებს, იგი ურჩევდა რკინის გზის მუშათა ჩათრევას მოძრაობაში და განმარტავდა გაფიცვების როლს: „გაფიცვა არის ერთადერთი საშუალება ექსპლოატატორების წინააღმდეგ საბრძოლველად“; იქვე იყო რჩევა, თუ როგორ უნდა შეეკავშირებინათ არსებული წესებით უკმაყოფილო ელემენტები. ამას გარდა ბინაზე აღმოაჩინეს „რუსულ-ფრანგული შრიფტის ანბანი“.

„ახელ ენუქიძის კუთვნილი წერილებიდან ჩანს, რომ ბათომში ბაზად, სადაც ინახებოდა არალეგალური ლიტერატურა, იყო ჯეროიანციის აფთიაქის მღალაზია. კავშირს ამყარებდნენ: გვათუა, დელიცინი, შატილოვი და სხვ. ენუქიძეს, რომელიც ითვლებოდა ბაქოს წრის უმთავრეს ხელმძღვანელად, მუდმივი კავშირი ჰქონდა პოლიციის მეთვალყურეობის ქვეშ გადმოსახლებულ ნიკოლოზ მელენტიევთან, ბალუევთან, პროსტოსერდოვთან. ჟანდარმთა სამმართველოს მიერ მიღებული ცნობებიდან ჩანს, რომ მელენტიევს მოჰქონდა ვახეთ „Каспий“-ის რედაქციიდან შრიფტები ენუქიძისათვის ქარხანაში „Электро-Сила“, სადაც პროკლამაციები მართლაც იბეჭდებოდა 1902 წლის მაისში და მელენტიევს კი მიმოწერა ჰქონდა 1898 წლიდან ბევრ გადასახლებულთან ციმბირში, ცალკეულ რევოლუციონერებთან და წრებთან“.

„ის პროკლამაციები, რომელიც მიმართული იყო ჯარისადმი (რუსეთთან საქართველოს შეერთების 100 წლის თავზე უდიდებულესი პირების მიერ ჯარის დათვალეობის გამო), დაბეჭდილი იყო შრიფტით, რომელიც ენუქიძის ორგანიზაციას ეკუთვნოდა და სხვ... ეს პროკლამაციები ძალიან გავრცელდა ჯარში და მუშებში, მასთან ერთად ავრცელდებდნენ ქართულ ჟურნალს „ბრძოლა“. პროკლამაციებმა, რომელიც იწყებოდა „ძირს თვითმპყრობელობა“ და „ამხანაგო ჯარისკაცობა“, იწყო გავრცელება სამხედრო ნაწილებში 1901 წლის დეკემბრიდან. ისინი იბეჭდებოდა მზა შრიფტით, რომელიც ინახებოდა სადგ. აჯი-ქაბულში. იქვე დაიჭირეს აწყობილი პროკლამაციების ნაწილი (ქართული), ჟურნ. „ბრძოლა“-ს გამოცემა, პროკლამაციები, რომელიც გამოშვებული იყო 9 მარტს ბათომში მომხდარი არეულობის გამო, და რუსული ანაწყობი წარწერით „სოციალ-დემოკრატების სტამბა“.

3. ამხ. ლადო კეცხოველი

ლადო კეცხოველი 1878 წელს დაიბადა. 1893 წელს მონაწილეობას იღებდა ტფილისის სემინარიაში მომხდარ არეულობაში და 1896 წელს მის შესახებ უკვე პოლიტიკურ გამოძიებას აწარმოებდა კიევის ჟანდარმთა სამმართველო. 1900 წ. ამხ. ლადო ხელმძღვანელობს ტფილისის ტრამვაის გაფიცვას. ის არის გაფიცვის უმთავრესი მომწყობი. ამხ. ლადოს ეძებდა ტფილისის ჟანდარმერია,

მაგრამ მან დროზე მოასწრო დამალვა, და პოლიციის დეპარტამენტმა „სამძებრო ცირკულიარში“ შეიტანა 1901 წლის 12 მარტს. 1902 წლის 3 სექტემბერს ლადო კეცხოველი დაპატიმრეს, როგორც უმთავრესი ორგანიზატორი რევოლუციონერთა თანასაზოგადოების და საიდუმლო სტამბის, რომელმაც გამოუშვა, როგორც ეს გამოჩვენებულია ჟანდარმერიის მიერ, 50 — 60 სხვადასხვაგვარი პროკლამაცია და სხვა რევოლუციონური ნაწარმოები, რომელიც მოუწოდებდა ხალხს თვითმპყრობელობის ჩამოგდებისაკენ. კეცხოველის ხელმძღვანელობით გამოშვებული იყო რამდენიმე პროკლამაცია ჯარისადმი, რომელიც მოუწოდებდა აჯანყებისაკენ და აშკარა დაუმორჩილებლობისაკენ. ეს პროკლამაციები ჯარში, როგორც გამოჩვენებული იყო, ფართოდ გავრცელდა და ამის გამო შემდგომ რამდენიმე ცალკეული კვლევა-ძიება მოხდა ამ საქმის გამო და მრავალი პირი იყო პასუხისმგებლად მიცემული“.

საპურობილეში ყოფნის დროს ლ. კეცხოველი ისე იქცეოდა, როგორც ნამდვილ რევოლუციონერ გმირს შეჰფეროდა, რომლისთვისაც უცნობია ეჭვები და სულმოკლეობა.

მისი დაუმორჩილებლობის საუკეთესო ნიმუშს წარმოადგენს ტფილისის ჟანდარმთა სამმართველოს უფროსის სახელზე დაწერილი შემდეგი თხოვნა:

„ვთხოვ ბ-ნ ჟანდარმთა სამმართველოს უფროსს მაცნობოს: ვიქნები თუ არა მე დაკითხული, ან როდის? თუ ბ-ნი უფროსი დაინახავს საჭიროდ ჩემს დაკითხვას, შესაძლებელი გაუგებრობის თავიდან აცილების მიზნით, გთხოვთ დაკითხვის დროს ხელთ იქონიოთ ყველა ის საბუთი, რომელიც დაკავებული იყო ენუქიძის ბინაზე, როგორც ჩემი დაპატიმრების დროს, აგრეთვე ბაქრძისა და ენუქიძის დაპატიმრების დროს, აგრეთვე ის საბუთებიც, რომლებიც ნახულ იქნა ჩემთან, აგრეთვე აჯი-ქაბულში დაჭერილი შრიფტის ნატყვიფრი.“

ამასთანავე ვთხოვ ბ-ნ ჟანდარმთა სამმართველოს უფროსს მაცნობოს, აკრძალული მაქვს თუ არა ნათესაეების ნახვა; თუ აკრძალული მაქვს, რით იყო გამოწვეული ამგვარი განკარგულება? რათ არ გამოუშვეს, ან რათ არ ჩამაბარეს ღვემდე შექსპირის თხზულებები ქართულ ენაზე, რომელიც ჩემმა ძმამ დასტოვა ჩემზე გადმოსაცემად, ნახვის დროს, როტმისტრ რუნიჩის (სიტყვიერი) თანხმობით? ბ-ნი ჟანდარმთა სამმართველოს უფროსი ხომ არ სცნობს საჭიროდ დააკმაყოფილოს ჩემი თხოვნა: რა უფლებით არ უშვებენ შემდეგ წიგნებს: „კაპიტალს“ — კ. მარქსის თხზულებას, „სოციალიზმის პრობლემებს“ — ე. ბერნშტეინის თხზულებას, „საფრანგეთის რევოლუციის ისტორიას“ — რამბოსი და ლავისის (ყველა რუსულ ენაზე) და დაინახავს თუ არა ბ-ნი უფროსი შესაძლებლად, რომ მომეცეს ამ წიგნებით სარგებლობის უფლება?“

3. კეცხოველი.

1903 წლის 1 იანვარი.

საპურობილეს რეჟიმმა არა თუ დაიმორჩილა იგი, მას არ შეუწყვეტია კავშირი თავისუფალ ცხოვრებასთან, ვინაიდან მუდამ არალეგალური მიმოწერა ჰქონდა ამხანაგებთან, რომლებიც საპურობილეს გარეთ იყვნენ. როგორც ტფილისის ჟანდარმთა სამმართველოს უფროსის სახელზე წარდგენილი მოხსენებიდან ჩანს, დაპატიმრებული კეცხოველის საკანის გაჩხრეკის დროს ნახეს „მაგიდაზე წიგნებ-

ში: 1) რუსული რევოლუციონური ლექსი „ახალი მარსელიეზა“, რომელშიც ყურადღებას იპყრობდა განსაკუთრებით შემდეგი ადგილი:

„В стране подавленной бесправьем,
Вам слышно-ль — близок ураган.
То в смертный бой с самодержавием
Вступает русский великан“.

2) ქალაქის ნახევი ქართული ნაწერით, საიდუმლო შინაარსის, რომელიც იწყება მიმართვით: „ძმაო მიკიჩა“, აქვე წარმოდგენილი ასლის თარგმანით და 3) ბლანკი ღია წერილისა უკან რუსული წერწერით „სახსოვრად ბიქტორ ბაქრაძისაგან“ (ბაქრაძე ცოტა ხნის წინათ გამოუშვეს საპყრობილედან, ისიც იმავე საქმეზე იყო დაჭერილი, რაზეც კეცხოველი). ზემოაღნიშნულის გამო დაკითხულ იქნა კეცხოველი, რომელმაც განაცხადა, რომ ლექსი „მარსელიეზა“ დაწერილია მის მიერ ჯერ კიდევ თავისუფლად ყოფნის დროს და შემთხვევით შემოტანილია საპყრობილეში მის მიერვე, რომ რუსული წარწერა ღია ბარათზე ეკუთვნის თვითონ კეცხოველს და არა ბიქტორ ბაქრაძეს, რომ ქართულ წერილს, რომელიც ზემოთ იყო ნახსენები, კეცხოველი სრულიად ვერ იცნობს და აგრეთვე არ იცის, ვის მიერ ან რა შემთხვევის გამო დაწერილია“.

ამის გამო უნდარმერიამ გასცა განკარგულება:

„აეკრძალოს ბრალდებულ ვლადიმერ კეცხოველს ისარგებლოს საწერი საშუალებებით სულ უკანასკნელი ერთი თვით მაინც, რადგანაც ამ ნიადაგზე ბოროტმოქმედებანი აღმოჩნდა“.

1903 წლის 15 ივლისს მეტეხის ციხეში პოლიტიკურმა პატიმრებმა „არეულობა“ მოახდინეს, რასაც ხელმძღვანელობდნენ ლადო კეცხოველი და ზაქრო ჩოდრიშვილი. კეცხოველი „თავისი საკანიდან ყვირილით მოითხოვდა პატიმრების მიმართ შემოღებული შემავიწროებელი ზომების მოხსნას, წინააღმდეგ შემთხვევაში იმუქრობდა არეულობას მოვახდენო, 15 ივლისის ნაშუადღევის 2 საათზე კი კეცხოველი ცდილობდა თავისი საკანის კარების ჩამოტყრევას, პირველად — ჩამოღებული ფანჯრის ნახევარი ჩარჩოს საშუალებით (ფანჯარა გუშაგისაკენ გადიოდა), შემდეგ, როდესაც ეს ჩარჩო კარს მიაღწეა, ხის ტაბურეტით, რომელიც აგრეთვე ნაკუწ-ნაკუწად აქცია. ფანჯრის ჩარჩოს მეორე ნახევარში, რომელიც ანჯამაზე ეკიდა, ყველა მინა იყო ჩამტვრეული“.

არეულობის მონაწილენი შემდეგნაირად დასაჯეს: ზაქარია ჩოდრიშვილი და ვლადიმერ კეცხოველი ბნელ დილეგში ჩააგდეს შვიდ-შვიდი დღით, საქმლის შემცირებით. არჩილ დოლიძეს და ვიტალი ბლოკს ქვეშევრდები არ მისცეს, მოუსპეს ცხელი საქმელი, სეირნობა და წიგნების კითხვა სამ-სამი დღით თითოეულს, კლავდია ფრანჩესკის წაართვის მიწერ-მოწერის, ნახვის, სეირნობის და წიგნების კითხვის უფლება ერთი კვირის ვადით. ამასთანავე საერთო საკანიდან № 31 ცალკე საკნებში გადაიყვანეს: ფრანჩესკი, კალისტრატე გოგუა და კურნატოვსკი, როგორც ცუდად მოქმედნი დანარჩენ პატიმრებზე. „როდესაც ზემოხსენებულ განკარგულებას ვასრულებდით, ჩოდრიშვილი ჭირვეულობდა და ყვიროდა, რომ არავის არა აქვს უფლება ის ასე დასაჯოს, ბლოკმა, როდესაც მას წაართვეს ქვეშევრდები და წიგნები, ითხოვა, რომ მის საკანში ჩამოეხსნათ ფანჯრის ჩარჩოებიც, ვინაიდან წინააღმდეგ შემთხვევაში იგი მათ

ჩამტვრევს, დოლიძეს არავითარ შემთხვევაში არ უნდოდა ქვეშევრდების დანებება. როდესაც დოლიძემ ხელი აგდება ქვეშევრდებს, დაიწყო ყვირილი: ეს ხელისუფლება კი არაა, ბარბაროსები, ავაზაკები, გათახსირებული არიანო და სხვა. კლავდია ფრანჩესკიმ, რომელსაც გამოუტყხადეს, თუ როგორი დისციპლინარული სასჯელი დაედო მას და საერთო კორპუსიდან გადაიყვანეს საავადმყოფოს ცალკე საკანში, განაცხადა, რომ ამვირიდან იგი სავსებით ყველაფერში თანაუგრძნობს თავის მოძმეებს“.

ამხ. ლადო გუშაგის ტყვიამ იმსხვერპლა 1903 წლის 17 აგვისტოს. მოკვდა ერთ-ერთი საუკეთესო მებრძოლი მუშათა კლასისა. ჩვენი პარტიის ტფილისისა და ბაქოს კომიტეტებმა გამოსცეს პროკლამაციები, სადაც ამხ. ლადოს მოღვაწეობა იყო დახასიათებული. ტფილისის კომიტეტის პროკლამაციაში ნათქვამი იყო:

„ამხანაგებო“

კვირას, დილის 10 1/2 საათზე, მეტეხის ციხის დახურულ საკანში ტყვიით მოჰკლეს თავისუფლებისა და სოციალიზმისათვის დაუღალავი მებრძოლი ლადო კეცხოველი. ახალგაზრდობიდან უკანასკნელ ამოსუნთქვამდე იგი იბრძოდა ადამიანის უწმინდესი უფლებებისათვის და პროტესტს უცხადებდა ყოველგვარ თვითნებობას და ძალადობას; ვერც საპყრობილის კედლებმა და ვერც დილეგმა ვერ დაასუსტა მისი ენერჯია, ყოველდღე გაისმოდა მისი ხმა — „ძირს თვითმპყრობელობა, გაუმარჯოს რესპუბლიკას და სოციალიზმს“.

კონსპირაციულ მოსაზრებათა გამო ჩვენ იძულებული ვართ ვაგწმედეთ უდიდესი რევოლუციონური საქმეების შესახებ, რომელთა სული და გული ის იყო. ჯერ კიდევ ახალგაზრდობისას მიიღო მან მონაწილეობა სემინარიის აჯანყებაში 1893 წელს, რისთვისაც იგი გამოირიცხეს. შემდეგ ის მიდის კიევის სემინარიაში, მაგრამ მალე იქტრენ. 1897 წელს მხურვალე მონაწილეობა მიიღო კავკასიის მუშათა მოძრაობაში. ტფილისში მოაწყო ტრამვაის მუშათა პირველი გაფიცვა, მაგრამ იგი გასცა ერთმა კონდუქტორმა და მას შემდეგ არალეგალურ მუშაობაზე გადავიდა. ის მიდის ბაქოში და სხვებთან ერთად აარსებს ბაქოს ორგანიზაციას. იგი შემთხვევით დაიჭირეს ბაქოში წარსული წლის შემოდგომაზე.

მარადი იყოს შენი ხსოვნა, ხალხის თავისუფლებისათვის სახელოვანო მებრძოლო!

ამხანაგებო, ნუ დავტოვებთ ამ აღმაშფოთებელ ბოროტმოქმედებას უპროტესტოდ!

ძირს თვითმპყრობელობა!

გაუმარჯოს დემოკრატიულ რესპუბლიკას!

ძირს კაპიტალისტები!

გაუმარჯოს სოციალიზმს!

ტფილისის კომიტეტი“.

ამხ. კეცხოველის კიდევ უფრო დაწვრილებითი დახასიათება ეკუთვნის ბაქოს კომიტეტს, რომელმაც ეპიგრაფად აიღო:

„О, смелый сокол, в борьбе
С врагом истек ты кровью“

(„შენ, გულადო შევარდენო, მტერთან ბრძოლაში სისხლისაგან დაიცალე“)

შემდეგ მის პროკლამაციაში ნათქვამია: „ტფილისის საპყრობილეში ტყვიით მოჰკლეს ვლადიმერ კეცხოველი (ლადო). დაწვრილებითი ცნობები ამ საზიზღარი მკვლე-

ლობის შესახებ ჯერ კიდევ არა გვაქვს. მოკლულის სახით ჩვენმა პარტიამ დაკარგა ერთ-ერთი ყველაზე უფრო გამორჩენილი და მხურვალე მებრძოლი მუშათა კლასის საქმისათვის“.



კვდლის გაზეთს ამზადებენ.

„ვლადიმერი მებრძოლთა რიგებში მეტად მძიმე დროს შევიდა, როდესაც მთელ მუშათა კლასს ისე ეძინა, თითქოს არც გაიღვიძებო, და მთავრობასთან ბრძოლას აწარმოებდნენ თითო-ოროლა მუშები და ინტელიგენტები. ეს იყო ათი წლის წინათ. ვლადიმერი გამოირიცხეს ტფილისის სემინარიიდან არეულობაში მონაწილეობის გამო. ის წავიდა რუსეთში, სადაც დაჰყო ორ წლამდე. ამ ხანებში მტკიცედ ჩამოყალიბდა ვლადიმერის გონებრივი მიმართება: ბრძოლა, დაუზოგავი ბრძოლა საზიზღარი თვითმპყრობელობის თვითნებობის წინააღმდეგ. მუშათა პირველმა შეტაკებებმა მთავრობასა და კაპიტალისტებთან სიხარულით ააძვერა იმისი გული. მასში მას ესმოდა გრგვინვა მოახლოვებული ქარიშხლისა, რომელიც წალეკავს ადამიანთა უუფლებობასა და ძალადობას“

„და ის მიისწრაფოდა სამშობლოში, სადაც ესოდენ საჭირო იყვნენ მებრძოლნი, სადაც საჭირო იყო რწმენის გაღვიძება, რომ მალე დაიმსხვრევა ჩაგვრა და მონობის ბორკილები“.

„ტფილისმა იგი გაახარა. ერთი მუჟა მომუშავე ინტელიგენტების მაგიერ, რომელიც მან დასტოვა, გაჩენილიყო ასი და ათასი შეუდრეკელი მებრძოლი მუშათა კლასიდან. მცირერიცხოვანი მშისარა ჯგუფების მაგიერ, რომელნიც იკრიბებოდნენ შუალამისას ტფილისის ბნელ ქუჩებში, მან დაინახა მუშათა დიდი რაზმები, რომლებიც თამამად და დროშებით ხელში ფართო ქუჩებზე და მოედნებზე მოითხოვდნენ ადამიანურ ცხოვრებას. თავისი კეთილშობილური და მებრძოლი ბუნების მთელი აღგზნებით შეუდგა ვლადიმერი წმინდა და დიდი ბრძოლის საქმეს. მაგრამ იგი მალე შეამჩნიეს, და იძულებული გახდა არაღივალურად, სხვის გვარზე ეცხოვრა. ხუთი წელი გაატარა მან ამგვარად კავკასიაში, სხვადასხვა გვარით ცხოვრობდა ხან ტფილისში, ხან ბათომში და ხან რომელიმე მივარდნილ სოფელში. ამ ხნის განმავლობაში მან

არ იცოდა რა იყო პირადი ცხოვრება, არ იცოდა ვინაა და დასვენება. ეს დრო ვლადიმერმა (ანუ ვლადიმერ როგორც ეძახდნენ) საშინელ შრომაში და მუშათა ინტერესებისათვის დაუღალავ ბრძოლაში გაატარა. ის ხან მუშათა წრეში მუშაობს, ხან აწყობს ტფილისში მუშათა დიდ გაფიცვას, ხან სადმე ოზურგეთის მაზრის სოფლებში მოუწოდებს გლეხებს მოიცილონ ბატონების დესპოტიზმის უფელი და შეუერთდნენ მებრძოლ პროლეტარიატს, ხან დღე და ღამე განუწყვეტლივ მუშაობს აუტანელ პირობებში, სტამბის დაზვაზე, და ბეჭდავს წიგნებს მუშებისა და გლეხებისათვის“.

„ამხანაგებო, ჩვენ შეგვეძლო ბევრი რამ გვეთქვა ამ კეთილშობილი მებრძოლის გასაოცარი მოღვაწეობის შესახებ, მაგრამ უკეთეს პირობებამდე უნდა გადავდეთ ეს. ძალიან ბევრი პირი და ინტერესია გადახლართული მიპიროვნებასთან და დაწვრილებითი ამბავი მისი ცხოვრების შესახებ ხელს შეუშლიდა იმ საქმეს, რომელსაც შეწყვირა ლადომ თავისი სიცოცხლე“.

„მაგრამ ერთი მაინც უნდა ვითხრათ: ჩვენს რიგებს გამოაკლდა ერთი გამბედავი და ძლიერი მუშაკი, ადამიანი, რომელმაც ძვირფას საქმეს შესწირა ყველაფერი, რის შესწირავაც კი შეუძლია ადამიანს — თავისი ბედნიერება, თავისი ძალ-ღონე, თავისი სიცოცხლე“.

„და საუკეთესო ჯილდო და ძეგლი ასეთ მებრძოლთათვის იქნება სასტიკი ბრძოლა თვითმპყრობელობასთან, რომელმაც ისინი მოჰკლა, იმ ველურ ძალადობასთან, რომელიც საუკეთესო მეგობრებს გვართმევს“.



პიონერების ბანაკი. წყაროსთან.

„ჩვენ იმედი გვაქვს, ამხანაგებო, რომ მოკლული მეგობრის ხსოვნა მტკიცე და ხანგრძლივი იქნება ჩვენს მეხსიერებაში. და ეს უფრო გააძლიერებს ჩვენს რწმენას, რომ მოახლოვებულია ჩვენი საქმის გამარჯვება, ჩვენს რწმენას, რომ ყოველი დიდი მებრძოლის სიკვდილით თანდათან ვუახლოვდებით სასურველ მიზანს.“

ძირს ჯალათები და ინკვიზიტორები!
ძირს თვითმპყრობელობა!

კავკასიის სოც.-დემ. მუშათა კავშირის ბაქოს კომიტეტი.

პარტიულმა ორგანიზაციებმა დიდხანს ვერ გამოარკვიეს ამხ. კეცხოველის მოკვლის ნამდვილი სურათი. პირველ ხანებში ეს უბედურ შემთხვევად მიაჩნდათ. ამ მკვლელობის ცალკეული მომენტების თანმიმდევრობა, როგორც ჩანს, ასეთია: კეცხოველი მივიდა საკანის ფანჯარასთან და არ მოშორდა მას, მიუხედავად გუშაგის გაფრთხილებისა; გუშაგმა თოფი ესროლა და კეცხოველი წაიქცა.

ამგვარად ჰქონდათ წარმოდგენილი ეს საქმე მკვლელობის ხანებში. მაგრამ, როგორც ეს ქვემოყვანილი საბუთებიდან ჩანს, სულ სხვაგვარად ყოფილა ამ ბოროტმოქმედების საქმე; ეს საბუთი მთლად ერთიან არღვევს წინანდელ მარტივ შეხედულებას ამ საქმეზე. საბუთს ხელს აწერს ბევრისათვის კარგად ცნობილი ჟანდარმერიის როტმისტრი რუნჩი (შემდგომ მოჰკლეს იგი) და ამხ. კეცხოველს ახასიათებს, როგორც, ჟანდარმერიის თვალსაზრისით, ყველაზე უფრო საშიშ რევოლუციონერს. რუნჩის ეშინია: თუ კეცხოველის წინააღმდეგ არ იქნა მიღებული განსაკუთრებული გამაფრთხილებელი ზომები, შესაძლებელია მისი გადასახლება ვერ მოვახერხოთო: ის გაიქცევა საზღვარგარეთ და მომავალში თავისი უკიდურესი შეხედულებებით ბევრ ზიანს მოგვიტანსო. ჟანდარმერიის აზრით, კეცხოველმა სწორედ ამ მიზნით აღძრა შუამდგომლობა განთავისუფლების და იმ ადგილზე წინასწარ გადაგზავნის შესახებ, რომელიც განაჩენით იყო დანიშნული“.

ამ საბუთის შედგენიდან ერთი კვირის ვასვლის შემდეგ მოჰკლეს ამხ. კეცხოველი. საზიზღარი მკვლელობა, ცხადია, წინასწარ იყო მოფიქრებული ჟანდარმთა მიერ და ხელოვნურად იყო მოწყობილი.

აი ამ საბუთის შინაარსი:

საიდუმლოდ
ს. ფ. 510

ამ მიმოწერის წარდგენასთან ერთად ვაცნობებ მის მაღალკეთილშობილებას, ბ-ნ ტფილისის გუბერნიის ჟანდარმთა სამმართველოს უფროსს, რომ ბრალდებული ვლადიმერ კეცხოველის შესახებ, გარდა პოლიციის დეპარტამენტისათვის 1903 წლის 31 მაისს № 3105-ით წარდგენილ მოხსენებაში აღნიშნული ქმედობის ჩადენისა, ჩვენ მიერ მოხდენილი კვლევა-ძიებით გამოაშკარავებულია აგრეთვე, რომ იგი იყო მთავარი ორგანიზატორა საიდუმლო სტამბისა, სადაც იბეჭდებოდა თითქმის ყველა პროკლამაცია და სხვა რევოლუციონური გამოცემები, რომელიც ვრცელდებოდა კეცხოველის დაპატიმრებამდე, ე. ი. 1902 წლის სექტემბრამდე, სხვადასხვა დროს ტფილისის, ქუთაისის და ბაქოს გუბერნიის რაიონებში; იმავე კვლევა-ძიებით გამოაშკარავებულია, რომ კეცხოველი სხვა ბრალდებულებთან ერთად თავის საიდუმლო სტამბაში ბეჭდავდა ჯარებისადმი პროკლამაციებს, რომელთაც მიზნად ჰქონდათ ჯარები მოეწოდებინათ დაუმორჩილებლობისა და აშკარა აჯანყებისაკენ. ეს პროკლამაციები, როგორც გამორკვეულია, ფართოდ ვრცელდებოდა ტფილისთან მდგომ ჯარში, რომელიც თითქმის ასი ათას კაცს უდრიდა და რომელიც მეფის ოჯახის წევრებს უნდა დაეთვალაირებინათ 1901 წ. სექტემბრის დამლევს საქართველოს რუსეთთან შეერთების 100 წ. იუბილის გამო; ჯარში პროკლამაციების ვაგრცელებამ გამოიწვია რამდენიმე კვლევა-ძიება ამ საქმის შესახებ.

ამას გარდა, ამავე კვლევა-ძიებიდან ჩანს, რომ ვლადიმერ კეცხოველს ორ წელზე მეტ ხანს ეძებდნენ, როგორც სამხედრო ბეგარისაგან დამალულს, და აგრეთვე ეძებდა პოლიციის დეპარტამენტი, როგორც სხვა პოლიტიკურ საქმეზე დასაპატიმრებელს; მაგრამ კეცხოველმა ისარგებლა თავისი ფართო რევოლუციონური კავშირი-

თა და ნაცნობობით და შესძლო სხვისი გეგმებით და ყალბი პასპორტებით მისი ძებნის დროს რამდენიმე გადასულიყო სრულიად დაუსჯელად რუსეთის საზღვარზე და აღნიშნული დროის განსაზღვრებაში ფარულად ეცხოვრა ისეთ შედარებით დიდ ცენტრებში, როგორიცაა ტფილისი და ბაქო. აქ მან მოაწყო ისეთი რთული და სახიფათო საქმე, როგორიც არის საიდუმლო სტამბა, რომელიც თითქმის ორ წელიწადს არსებობდა; ნაწილი ამ სტამბისა დღემდეც არ არის აღმოჩენილი; მისი გაკეთება, როგორც გამორკვეულია, დიდი თანხა დაჯდა, რომელიც სხვადასხვა პირისაგან შეჰკრიბეს.

ვაცნობებთ რა ყველაფერ ამას, მაქვს პატივი მოგახსენოთ, რომ თუმცა კეცხოველის წინასწარი გადასახლება ერთ-ერთ შორეულ ადგილას კვლევა-ძიების საბოლოოდ გამორკვევამდე სასურველია, სასარგებლო იქნებოდა, კეცხოველის პიროვნების უზრუნველსაყოფად, რადგან კვლევა-ძიებით გამოკვეულია კეცხოველის მნიშვნელობა რევოლუციონური მოძრაობისათვის, რომ გადასახლების დროს კეცხოველის წინააღმდეგ მიღებული ყოფილიყო რაიმე განსაკუთრებული ზომები, რადგანაც კეცხოველი, როგორც კი განთავისუფლდება, პირველ შესაძლებლობისთანავე გაიქცევა საზღვარგარეთ და მომავალში თავისი უკიდურესი შეხედულებებით ბევრ ზიანს მოიტანს რა მიზნითაც, როგორც ჩანს, კეცხოველმა აღძრა შუამდგომლობა პატიმრობისაგან განთავისუფლებისა და იმ ადგილზე წინასწარი გადასახლების შესახებ, რომელიც დანიშნულია განაჩენით.

ამას უნდა დაემატოს, რომ მე არ ვიცი, თუ რა სასჯელი განზრახული კეცხოველისათვის ჩემ მიერ წარმოებულ კვლევა-ძიების საქმეზე და სად აპირებენ მის გადასახლებას, რადგანაც „კეცხოველისა და სხვების“ კვლევა-ძიების საქმე განსახილველად აქვს ტფილისის სასამართლო პალატის ბ-ნ ბრალდებულს.

რუნჩი

1903 წლის 10 აგვისტო ტფილისი.

ასლი
ს. ფ. 498.

პეტერბურგი

პოლიციის დეპარტამენტს.

დღეს პოლიტიკურმა პატიმარმა ვლადიმერ კეცხოველმა, რომელიც უწყესობას ახდენდა მეტეხის ციხეში და სხვებსაც მოუწოდებდა ამისაკენ, გამოამტკვრია კედელში აგურები და დაუწყო იმის სროლა გუშაგს, რომელიც იდგა ვიწრო მოედანზე მეტეხის ნაპირას, კლდის პირზე. გუშაგმა ესროლა და მოჰკლა. გამოძიება წარმოებს.

დედანს ხელს აწერს და სწორია


პოლიციის დეპარტამენტს
1903 წლის 8 აგვისტო.
№ 5013

კეცხოველის მკვლელობის შესახებ.

თანახმად პოლიციის დეპარტამენტის ამა წლის 21 ივლისის მოწერილობისა, № 2775, რომელიც ბაქოს საგუბერნიო სამმართველოს უფროსის მიერ ჩემდამი იყო გადმოგზავნილი და 17 აგვისტოს ჩემ მიერ გადმოგზავნილი დეპეშის დამატებად მაქვს პატივი ვაცნობოთ, რომ ვლადიმერ კეცხოველი, რომელიც ბრალდებულის სახით იყო დაპატიმრებული „ანდრია ბალუევისა და სხვების“ საქმეებზე, 17 აგვისტოს დილის 11 საათზე მოჰკლა ტყვეთა გუშაგმა თავის საკანში, რადგანაც კედლიდან გამოღებულ აგურებს ესროდა გუშაგს.

პოლიციის დეპარტამენტს (ხელის მოწერა)

ბ. ბიბინიშვილი.



✓ ასათი იყო ჩვენი პირველი შეკრება

— მერე, მერე, ვანო? — ეკითხებოდენ აქეთ-იქიდან შემოხვეული პიონერები, რა მათი არჩეულნი დაბრუნდენ საკავშირო შეკრებიდან. ბანაკი გამხიარებულია. პიონერები ისმენენ გულდასმით, თუ რა ნახეს მათ მოსკოვში, და ვანოც უყვება მოკლედ და დალაგებით...

სალამო...

ნელი სიო სისინებს საამოდ და ფოთლების შარიშურით ემშვიდობება მთის იქით ჩამავალ მზეს...

მდინარე ქვეზე ხტუნვით მოშხუის და გრილ შეფფებს ესვრის ნაპირს, სადაც სიცოცხლით აღსავსე პიონერები ჩამომხდარან და ამხანაგების საუბარს ყურს უგდებენ...

— ჰო და, როგორც ვითხარით... — განაგრძობდა ყველას საყვარელი ამხანაგი ვანო, — ესაა უდიდესი პოლიტიკური მნიშვნელობის ფაქტი ჩვენი მოძრაობის ისტორიაში... მან რადიკალურად დააყენა პარტიისა და მთელი საბჭოთა ორგანიზაციების წინაშე საკითხი მოზარდი თაობისადმი ყურადღების გაძლიერების შესახებ, მისი კომუნისტურად აღზრდის უზრუნველსაყოფად...

ის ფაქტი, რომ საბჭოთა კავშირში პიონერშეკრების პარალელურად ბურჟუაზიულ ქვეყნებშიაც ეწყობა ბავშვთა ბურჟუაზიული ორგანიზაციების შეკრებები, ნათლად მოწმობს იმას, თუ რა დიდი მნიშვნელობა აქვს ახალი თაობის დაპყრობის საკითხს და როგორ იბრძვიან მისთვის ბურჟუაზია და მისი პარტიები... — აი რა სიტყვები გვესმოდა შეკრებაზე ჩვენი უფროსი ამხანაგებისაგან... თუ ბურჟუაზიულ ქვეყნებში მოწყობილი შეკრებები გააღწეოდა რელიგიური სულით, თუ მას ხელმძღვანელობენ ლორდები, გრაფები, სამღვდლოება, მენშევიკები და სხვანი, ჩვენს შეკრებას უბრალო პროლეტარული ხასიათი ჰქონდა; პიონერები ერთობიან არა მარტო თამაშობებით, არამედ ჩვენ უშუალოდ უნდა ჩაგვებათ ქალაქის და სოფლის მეურნეობის სოციალისტურად გარდაქმნაში...

საბჭოთა კავშირში ბავშვთა მოსახლეობის საერთო რიცხვი — 6—16 წლამდე — 30 მილიონს აღწევს; ამაში შედიან როგორც მოსწავლე, ისე არამოსწავლე, შეუკავშირებელი ბავშვები, რომლებიც ყოველგვარი აღზრდისა და დახმარების გარეშე არიან, ძველი ოჯახის გავლენის ქვეშ იმყოფებიან, ან სრულიად უმწეოდ, უპატრონოდ დაეხეტებიან ქუჩებში; იმათზე ჩვენ უნდა ვზრუნავდეთ და ვაკავშირებდეთ პიონერორგანიზაციაში...

ამას დიდი ყურადღება მიაქცია შეკრებამ.

პიონერშეკრება, დაწყებული თემებიდან და მახრებიდან, გათავებული მოსკოვით, ისეთ მძლავრ იარაღად იქცა, რომლითაც შესაძლებელი შეიქნა გადასინჯვა ყველა წარმოებულ მუშაობის და გარკვეული მოთხოვნების წაყენების ხელმძღვანელ ორგანიზაციებისადმი, ერთის მხრით, საბჭოთა სკოლებში კომუნისტური აღზრდის და შრომის პრინციპების განმტკიცების და, მეორე მხრით, შეუკავშირებელ ბავშვთა შორის მუშაობის გაძლიერების, მათთვის სათანადო საბავშვო დაწესებულებების გახსნის შესახებ.

შეკრებისათვის მზადება ჯერ კიდევ მაისში დაიწყო...

ბევრგან თუ მომზადებით შეხვდენ ამ შეკრებას, ბევრგან სუსტობდენ; ამ მხრივ მოსკოვში ბევრი გაკეთ-

და, მუშაობა ცოცხლად ჩატარდა, ყველა ორგანიზაცია მომზადებული შეხვდა შეკრებას, მესამე თაობის აღზრდის საქმეს.

იქ დიდი ყურადღება ექცეოდა პიონერკოლექტივების ორგანიზაციულად მომზადებას, შეკრების დროს შეჯიბრებს, კონკურსებს კოლექტივებს შორის, პიონერთა ნამუშევრების გამოფენებს, კონფერენციის მუშაობას, სხვადასხვა საკითხის დამუშავებას და მასში კონფერენციის დელეგატების აქტიურად ჩაბმას...

— ეგ ვიცით, რომ ეგრე იქნებოდა, მაგრამ შენ ის სთქვი, როგორ იმგზავრეთ, რა ნახეთ კიდევ, როგორია შენი შთაბეჭდილება... — შეაწყვეტინა ლილიმ.

— ჰო, კარგი, ნუ უშლი. — შეაჩერა მიტომ.

— განაგრძე, ვანო, ამით რა ყურს უგდებ... — წარმოსთქვა სიცილით შუშანიკამ.

ბ.

— კარგი, რახან არ გსურთ, მეც ავიღებ და ინფორმაციის ხასიათს მივცემ ჩემ საუბარს... — წარმოსთქვა ცოტახნის შეჩერების შემდეგ ვანომ და განაგრძო — მოკლეთ გადმოვცემთ, სად როგორ შეხვდენ პიონერშეკრებას...

— 11 ავგისტოს ვაგემგზავრეთ მოსკოვში საგანგებო მატარებლით. მიქროდა მატარებელი და მასზე უმაღ ჩემი ფიქრები...

ჩემ სიხარულს საზღვარი არა ჰქონდა, რომ ვნახავდი ძველი მსოფლიოს ამფეთქებელ არსენალს — მოსკოვს, ძია ლენინის მავზოლით...

აუწერელია ამ დიდი ქალაქის საუკეთესო დახვედრა ბიელი კავშირის პიონერთა შეკრების დღეს...

მოსკოვი... პიონერები... ზეიმი...

დაუფიწყარია ჩემთვის ის სანახაობა...

მორთულ-მოკაზმული მოსკოვი გვესალმება შორეული რესპუბლიკებიდან ჩამოსულ პიონერებს, მოსკოველი პიონერები გვხვდებიან სადგურზევე. მერე: ჩვენი მისალმებანი, გაცნობა, დაახლოვება, გაცილება ჩვენთვის დანიშნულ ბინაზე...

აქვე არიან მსოფლიოს მრავალი კუთხიდან ჩამოსული პიონერები; ერთმანეთს ვუზიარებთ აზრს, ვაცნობთ ჩვენს ცხოვრებას; უცხოელნი გვაცნობენ თავის მდგომარეობას, რომელიც არავისთვის სახარბიელო არაა, რადგან მათ ისევე სტანჯავენ ბურჟუაზიულ ქვეყნებში, როგორც მათ მშობლებს — მუშებს და გლეხებს, მაგრამ პიონერული მოძრაობა მაინც ფებს იკიდებს ყველგან და ბურჟუაზიულ ბავშვთა საზოგადოებებს — „პიონიკაუტებს“ უპირისპირებს მშომელთა შეილებიდან შემდგარ პიონერთა ურჩ რიგებს...

— პიონერთა შეკრება საბჭოთა კავშირის თავდაცვის საქმეს ემსახურება. — აი რა სიტყვები გვესმოდა იქ საკავშირო რეგსამხსაბჭოს თავმჯდომარის ამხანაგის, ამხ. უნშლიხტისაგან. — საკავშირო შეკრებას უდიდესი მნიშვნელობა აქვს მოზარდი ახალგაზრდობის წრეების ჩასაბმელად ჩვენი ქვეყნის თავდაცვის საქმეში.

პიონერთა ორგანიზაციებში, რომლებსაც ჰყავთ თავიანთი სამხედრო, მსროლელი და ფიზკულტურის რაზმები და რომლებიც შეკრების დროს მოაწყობენ ამ რაზმების შეჯიბრებას, — იწვრთნებიან მუშურ-გლეხური წითელი არმიის მომავალ მებრძოლებად.

ნორჩმა პიონერმა იცის, რომ ჩვენ გარს გვარტყია აუარებელი მოსისხლე მტერი, რომლებიც ამზადებენ ომს საბჭოთა კავშირის წინააღმდეგ. ნორჩი პიონერი ემზადება იმისთვის, რომ აქტიური მონაწილეობა მიიღოს კაპიტალისტური ბრწყალებისაგან მშრომელთა განთავისუფლებისათვის წარმოებულ უდიდეს ბრძოლებში. ნორჩი პიონერი სწავლობს მარჯვედ სროლას, ამგრებს თავის ჯან-ღონეს, ეჩვევა გაჭირვების გადატანას, აწვითარებს თავის ძალას, ამტანობას, სისწრაფეს, სწავლობს სამხედრო წყობას და იძენს სამხედრო ცოდნას. ნორჩი პიონერი მზადაა შესწიროს სოციალიზმის საქმეს მთელი თავისი ძალ-ღონე, მთელი თავისი სიცოცხლე; იგი ისევე შეუპოვრად და მედგრად შეებრძოლება რევოლუციის მტრებს, როგორც იბრძოდა და იბრძვის სოციალიზმის



ამხ. ბუდიონი და მომავალი წითელფლოტელები

გამარჯვებისათვის ძველი გვარდია. შეკრების დღეებში პიონერთა რიგები უფრო მჭიდროდ დაირაზმებიან კომუნისტური პარტიის სახელოვანი დროშის ირგვლივ, ჩვენი ქვეყნისა და სოციალიზმის დაცვის საქმის გარშემო. ამ მნიშვნელოვანი ამოცანის შესრულებაში პიონერთა მოძრაობას უნდა დაეხმაროს თავდაცვა-ავიაციო, მოზარდი ახალგაზრდობის გასამხედროების საქმე უზრუნველყოფილი უნდა იქნეს მკოდნე ხელმძღვანელთა კადრებით. ჩვენი გამარჯვება კლასიურ მტრებთან ბრძოლაში დიდად არის დამოკიდებული იმაზე, თუ რამდენად იქნება მომზადებული ჩვენი ახალგაზრდობა იმ უდიდესი და მძიმე ამოცანების შესრულებისთვის, რომლის წინაშე ჩვენ ომი დავგაყენებ...

აი რას გვეუბნებოდა, ამხანაგებო, ჩვენი უფროსი ამხანაგი...

19 აგვისტოს მოსკოვის „დინამოს“ სტადიონზე გაიხსნა პიონერთა სრულიად საკავშირო შეკრება, რომელსაც დაესწრო 12000 პიონერი და 30000 არა-პიონერი. შეკრებულ პიონერებს მიესალმა პიონერთა შეკრების შტაბის თავმჯდომარე ამხ. სიგერიახოვა, საბჭოთა მთავრობის სახელით — ამხ. რუძუტაკი. — უფროსი თაობა მოითხოვს ახალგაზრდა ლენინელებისაგან — სთქვა მან — რომ მათ მედგრად და უშიშრად იბრძოლონ იმ საქმისათვის, რომელიც დაიწყეს საუკეთესო პროლეტარებმა დიდი ბელადის ილიჩის ხელმძღვანელობით. თქვენ უნდა ისწავლოთ და მიეჩვიოთ ფაბრიკაში, ქარხანაში და მიწაზე მუშაობას, უნდა ისწავლოთ ფაბრიკებისა და ქარხნების მართვის, მთელი სახელმწიფოს მართვა-გამგეობის საქმე, უნდა გახდეთ მედგარი მებრძოლი ბოლშევიკები.

საკავშირო კომპარტიის (ბ) ცეკას სახელით სიტყვა წარმოსთქვა ამხ. კაგანოვიჩმა: — თქვენ გყავთ ერთი მძლეობრი ტოლი და მოკავშირე, — სთქვა მან. — ეს მოკავშირეა საბჭოთა კავშირი, რომელიც ცოტა ხნის შემდეგ უკვე ილღესასწულებს თავისი არსებობის მეთორმეტე წელს. ამ მოკავშირესთან ერთად თქვენ მალე განახორციელებთ ლენინის სანუკვარ ოცნებას — მსოფლიო პროლეტარულ რევოლუციას. იმ პიონერისათვის, რომლის სახელიც საბჭოთა კავშირია, მზად იყავით იბრძოლოთ, იომოთ და, თუ საჭირო გახდება, სიცოცხლეც გასწიროთ!

— მუდამ მზად ვართ! — გრიალებს მრავალი ათასი პიონერი.

საკავშირო კომპარტიის (ბ) მოსკოვის კომიტეტის და მოსკოვის საბჭოს სახელით შეკრებას მიესალმა ამხ. ბაუმანი, წითელი არმიის სახელით — ამხ. უნშლიხტი.

შემდეგ საბჭოთა კავშირის სხვადასხვა კუთხის პიონერთა ორგანიზაციების წარმომადგენლებმა წაიკითხეს პატაკები.

ბოლოს ტრიბუნაზე გამოჩნდა პატარა პიონერი ქალი, რომელმაც შეკრებას მოახსენა:

— ჩვენ, საბჭოთა კავშირის პიონერებო, ფიცს ვდებთ გავაძლიეროთ ბრძოლა კომუნისტური აღზრდისათვის სკოლაში, 5 წლის განმავლობაში სავსებით მოვსპოთ ბავშთა შრომის გამოყენება 14 წლამდე, ყოველ წელიწადს წერა-კითხვა შევასწავლოთ 50000 კაცს, მოვაწყოთ სკოლებში ბოსტნები და აქტიური მონაწილეობა მივიღოთ კოლმეურნეობათა მშენებლობაში. ჩვენ ვკისრულობთ ვალდებულებას ყოველ წელიწადს მოვსპოთ 500 000 მინდვრის თავგი, რაც მოგვცემს 50 000 ვაგონი პურის ეკონომიას; 5 წლის განმავლობაში ყვილა ბავშს უკლებლივ ჩავაბამთ პიონერთა ორგანიზაციაში.

მიტინგის შემდეგ პიონერები გაემართენ მოსკოვის საბჭოს შენობის უკან, რომ დემონსტრაციით გამოეხატათ თავიანთი მზად ყოფნა იმისათვის, რომ იბრძოლონ მსოფლიო ოქტომბრისათვის.

დ.

— საკავშირო ახალგაზრდათა ლენინური კავშირის ცეკას წარმომადგენელი მიესალმა შეკრებას შემდეგი სიტყვებით:

— ნორჩო ლენინელებო! შეკრების დღეებში პირველი სიტყვით თქვენ უნდა მიმართოთ მთელი მსოფლიოს მშრომელებს, თქვენს მამებს და დედებს, პროლეტარულ ბავშებს, ჩვენს ამხანაგებს და ძმებს მუშათა საქმისათვის ბრძოლაში. ნორჩო ლენინელებო! ჩვენთან, კომკავშირელებთან ერთად, ყველა მშრომელთან ერთად, თქვენ შეუდექით კულტურულ ლაშქრობას წერა-კითხვის უცოდინარობის, სიბინძურის და ლოთობის წინააღმდეგ, შეუდექით ლაშქრობას მოსავლისათვის, კოლექტივიზაციისათვის. ჩვენთან ერთად იყავით შაბათობების ჩატარების დროს, აგროვებლით რკინის ნამტვრევებს, აშენებლით საქარხნო-საფაბრიკო შვიდწლივებს, აწყობდით შეჯიბრებას; ჩვენთან ერთად იბრძვით შრომის სკოლისათვის, საყოველთაო სწავლებისათვის, მცირეწლოვანთ დქირავებული შრომის აღმოფხვრისათვის, სკოლის გარეშე მუშაობის გაშლისათვის, კომუნისტურ აღზრდაში მთელი საბჭოთა ბავშების ჩაბმისათვის. შეკრების დღეებში თქვენ უნდა დასდოთ ფიცი, რომ განამტკიცებთ ჩვენი ქვეყნის თავდაცვის საქმეს, მილიონობით ჩააბამთ ბავშებს სოცია-

ლიზმის მშენებლობისა და ხუთწლიანი გეგმით გათვალისწინებულ სამუშაოთა განხორციელების საქმეში, ვააორკეცებთ მახლობელი წლების განმავლობაში პიონერორგანიზაციების რიგებს, მილიონობით ჩააბამთ ბავშვებს კულტურულ მუშაობაში.

ნორჩო ლენინელებო! თქვენ ლენინის სახელი დაირქვით და ამით იკისრეთ ვალდებულება—ააშენოთ ახალი კომუნისტური საზოგადოება და დაამთავროთ კიდეც მისი აგება. შეკრების დღეებში ახალგაზრდა პიონერებმა უფრო მაღლა უნდა ასწიონ ლენინის დროშა, დროშა კოლექტივიზმისა, დროშა პროლეტარული პასუხისმგებლობისა საერთო საქმისათვის, დროშა ბრძოლისა ახალი კულტურისათვის, სოციალისტური ადამიანის კულტურისათვის. შეკრების დღეებში ჩვენ არა მარტო თქვენგან მოვითხოვთ ფიცსა და ვალდებულებებს, არამედ ჩვენც, კომკავშირლებიც, მთელი ქვეყნის წინაშე ვკისრულობთ: განვამტკიცოთ ხელმძღვანელობა პიონერთა მოძრაობის მიმართ, გამოვყოთ მახლობელი თვეების განმავლობაში ბავშვებთან სამუშაოდ მრავალი ათასი კომკავშირელი, ხელი შევიწყოთ სახელოსნოებისა, სკოლებისა და საბავშვო მოედნების მოწყობაში, დავეხმაროთ იმაში, რომ კომუნისტური გავლენა გავრცელდეს უპარტიო ბავშვთა მილიონებზე. ყველა ასაკის ბოლშევიკების მიზანთა მთლიანობა და სამი თაობის განუწყვეტელი კავშირი იმის საწინდარია, რომ ნორჩი პიონერები, კომკავშირელები და მთელი საბჭოთა საზოგადოებრივობა განახორციელებენ იმ ვალდებულებებს, რომლებიც მათ შეკრების დღეებში იკისრეს. კომკავშირი დარწმუნებულია, რომ ნორჩი ლენინელები, რევოლუციის მესამე თაობა, არ შებღალავენ კომუნისმის დროშას, რომელიც ააფრიალა ბოლშევიკების პარტიამ 1917 წლის ოქტომბერში, ისინი უფრო მაღლა ასწივენ მას.

ორი მილიონი თქვენი ამხანაგისა და ძმის სახელით მხურვალედ მოვესალმებათ საკავშირო ახალგაზრდათა ლენინური კომკავშირის ცენტრალური კომიტეტი...

2.

20 აგვისტოს დაიწყო პიონერთა სპარტაკიადა. მოსკოვის პროფსაბჭოს სტადიონზე გაიმართა შეჯიბრება რბენაში, ხტომაში და ხოკეის ბურთის სროლაში. ხოკეის ბურთის სროლაში გაიმარჯვეს ავაქიანმა (სამ. კავკასია). ლეპოვმა (ციმბირი) და გარშინმა (უკრაინა).

პიონერთა სპარტაკიადა წყალზე გაიხსნა მოსკოვის პროფსაბჭოს პიონერთა გუნდის ფიგურალური ცურვით „დინამოს“ აუზში.

ესტაფეტაში 4 : 25 პირველი ადგილი დაიკავა ამიერკავკასიის გუნდმა, მეორე — ყირიმმა.

21 აგვისტოს გაიმართა განათლების სახალხო კომისარიატის კოლეგიის სხდომა სრულიად საკავშირო პიონერთა შეკრების დელეგატების მონაწილეობით; სხდომა გახსნა განსახკომის მოადგილემ — ამხ. იაკოვლევაძე. მას შემდეგ ილაპარაკა ამხ. კრუპსკაიამ.

სხდომის შემდეგ ბავშვები განაწილდნ იქვე სექციებად. ერთ სექციას — „პიონერები — საზოგადოებრივობის ორგანიზატორები სკოლაში“ — ხელმძღვანელობს ამხ. კრუპსკაია.

საბჭოთა კავშირის შრომის სახალხო კომისარიატის კონფერენცია პიონერთა შეკრების დელეგატების მონაწილეობით გაიხსნა საბჭოთა კავშირის შრომის სახალხო კომისარიატის კოლეგიის წევრის და რუსეთის საბჭოთა რესპუბლიკის შრომის სახალხო კომისარის ამხ. ბახუტოვის მოხსენებით.

მისი მოხსენების შემდეგ შეკრების მონაწილე 500 პიონერი დაიყო სექციებად. „ცენტროსოიუზში“ გაიმართა შეკრების მონაწილე პიონერების კრება „ცენტროსოიუზის“ პრეზიდიუმის მონაწილეობით. „ცენტროსოიუზის“ თავმჯდომარემ ამხ. ლიუბიმოვმა ილაპარაკა იმ მიზნების შესახებ, რომლებიც დგას კოპერაციის წინაშე ბავშვთა კულტურულ-საყოფაცხოვრებო მოთხოვნილებათა დაკმაყოფილების საქმეში. ქალთა სრულიად საკავ-

მახსოვს მოაზი

საქართველო
ნიპოლოთისა

მახსოვს იმ მთებზე მეცხვარე დილით სალამურის კერით ფარას აშლიდა, და ჩვენ სიმინდის თოხნის დროს ტუბილი მეცხვარის ხმები გვესმოდა ხშირად!..

ვინ იფიქრებდა, ამ მთებში ოდეს რამე მადანი აღმოჩნდებოდა, დღეს ეს მთებიც ხომ მადნეულს მოდენს, მკერდი ჩაუქრა მაღალ ბეჭობსაც.

დრომ განვლო, და ჩვენ დავლარეთ ეს მთაც, ცემენტის მადანს ვუპოვეთ ფესვი, — გუგუნებს შრომის სიმღერის დღეს ხმა და ინდუსტრიის ხმაური გვესმის!..

დილით საყვირი დაღრღნილ მთებიდან კვამლს როცა ისვრის ცაში გუნდებად, — მუშები მედგრად აიშლებიან, და წარმოების ჩარხი ბრუნდება!..

ცეცხლი დავანთეთ ცემენტის მთებში, ცემენტის მთებში ცეცხლი ანთია, ვგრძნობთ ალტაცებას მუშათა ხმებში, შეეხარით გულთი ახალ განთიადს!..

და თუკი წინთ ცემენტის მთებზე ბლაოდა მწყემსის აშლილი ფარა, დღეს ახალგაზრდულ ცეცხლოვან მკერდებს ქარხნის შენებით მთა დაუფარავს.

შალვა შაველაშვილი.

შირო კოოპერატიული კომისიის თავმჯდომარემ, ამხ. ბუტუხოვამ, განაცხადა, რომ ამიერიდან კოოპერაცია სამსახურს გაუწევს არა მარტო ძუძუმწოვარ ბავშვებს, არამედ სკოლაში მყოფ პიონერებსაც.

კამათის დროს პიონერებმა აღინიშნეს, რომ საჭიროა მეტი ენერგიული ბრძოლა ლენინის ყიდვა-გაყიდვის წინააღმდეგ.

ჯანმრთელობის სახალხო კომისარიატში გაიმართა პიონერთა საკავშირო შეკრების დელეგატთა თათბირი ჯანმრთელობის სახალხო კომისარიატის კოლეგიის წევრებთან და ჯანმრთელობის სახალხო კომისარ ამხ. სემაშკოსთან ერთად.


ამხ. სემაშკომ გააკეთა მოხსენება პიონერთა ჯანმრთელობის დაცვის შესახებ.

მოხსენების დამთავრების შემდეგ შეკრების დელეგატებმა იგი საპატიო პიონერად აირჩიეს.

თათბირმა დასდო ხელშეკრულება ჯანმრთელობის სახალხო კომისარიატსა და პიონერებს შორის.

ჯანმრთელობის სახალხო კომისარიატი კისრულობს ვალდებულებას: მახლობელი ხუთი წლის განმავლობაში სამსახური გაუწიოს პიონერთა ორგანიზაციებს ექიმებით, სანატორიული ბანაკებით, გაჯანსაღებული მოედნებით და საბავშვო დაწესებულებათა ჰიგიენის წესიერი ორგანიზაციით. თავის მხრივ პიონერები პირდებიან ჯანმრთელობის სახალხო კომისარიატს ხელი შეუწყონ ჯანმრთელობის სახალხო კომისარიატის ხუთწლიანი გეგმის განხორციელებას და პირადი მაგალითით გავლენა მოახდინონ ბავშვთა მასასა და მშობლებზე ყოფა-ცხოვრების გაჯანსაღების საქმეში.

საკავშირო პროფსაბჭოს პრეზიდიუმმა პირველი საკავშირო შეკრების მონაწილეობით ერთად განიხილა ბავშვთა კომუნისტურ აღზრდაში პროფკავშირთა მონაწილეობის საკითხი. კონფერენციამ დიდის ყურადღებით მოისმინა საკავშირო პროფსაბჭოს მდივნის, ამხ. აკულოვის, მოხსენება. პატარა ორატორები — სოფლის მოჯანჯირეთა შვილები, საქარხნო-საფაბრიკო სკოლების მოსწავლეთა და სხვა წარმომადგენლები — ხაზგასმით აღნიშნავენ პროფკავშირთა მოვალეობას ბავშვების წინაშე,



აღნიშნავდნენ, რომ საკავშირო პროფსაბჭო და პროფკავშირები ცენტრსა და ადგილებზე სათანადო დახმარებას არ უწყევნენ პიონერმოდრობას. ხანგრძლივი ტაშის ცემათ მიეგებებ ინგლისისა და ამერიკის პიონერების წარმომადგენლებს, რომელთაც მოაგონეს კონფერენციას მათი ძმების ძძიმე ხვედრი კაპიტალისტურ ქვეყნებში.

ამხ. აკულოვის საბოლოო სიტყვის შემდეგ კონფერენცია დაიხურა.

3.

21 აგვისტოს კრემლის სასახლეში გაიხსნა პიონერთა პირველი სრულიად საკავშირო კონფერენცია. პატარა ორატორების საქმიან სიტყვებს სიმღერა და თამაში სცვლიდა. ამხ. სევერიანოვას მოხსენება ბავშვთა კომუნისტური მოძრაობის მიზნების შესახებ დასრულდა პიონერთა მობილიზაციის, ლაშქრობაში პიონერთა მონაწილეობის წარმოდგენით. კონფერენცია გახსნა საკავშირო ლენინური კომკავშირის ცეკას ძდივანმა, ამხ. რახმანოვმა. პრეზიდენტში არჩეულ იქნა 50 კაცი, მათ შორის — ამხ. კავანოვიჩი, კრუპსკაია, მაქსიმ გორკი და სხვ. საპატიო პრეზიდენტში არჩიეს: ამხ. სტალინი, მოლოტოვი, კალინინი, ვოროშილოვი, რუძუტაკი, რიკოვი, კუბიშევი, კავანოვიჩი, ორჯონიკიძე, კრუპსკაია, ეხუქიძე, იაროსლავსკი, ბაუმანი და ლანცუტკი.

ნორჩ პიონერთა საკავშირო ბიუროს თავმჯდომარემ, ამხ. სევერიანოვამ, მოხსენებაში — ბავშვთა კომუნისტური მოძრაობის შედეგებისა და მორიგი ამოცანების შესახებ — პირველი რიგის ამოცანად წამოაყენა ბოძოლა ბავშვთა მისებისათვის და ხელის შეწყობა პარტიისა და კომკავშირისათვის მოზარდი თაობის კომუნისტური აღზრდის საქმეში.

მოხსენების შემდეგ ყველა ადგა და დარბაზში გაიხსნა: — მხადა ვართ!!!

კამათში მონაწილეობა მიიღეს მთელმა რიგმა პიონერებმა ურალიდან, ლენინგრადიდან და ამიერკავკასიიდან. კონფერენციაზე გამოვიდა აგოეთვე მოხუცი, ჩრდ. კავკასიის საპატიო პიონერი ამხ. სამოფალოვი, რომელმაც შეიტანა წინადადება, რომ მთავრობამ გამოუშვას 100 მილიონიანი საბავშვო სესხი.

4.

23 აგვისტოს პიონერთა სრულიად საკავშირო კონფერენციას მიესალმა პროლეტარული პოეტი დემიან ბენდი, ამის შემდეგ ამხ. კრუიფანოვსკიმ გააკეთა მოხსენება სახალხო ძეგურნობის ხუთწლიანი გეგმის შესახებ. შემდეგ წარმოსთქვა სიტყვა ამხ. იაროსლავსკიმ, რომელიც შეეხო ბრძოლას იმ ეროვნული შუღლის წინააღმდეგ, რომელსაც ვხედავთ მოზარდი ბავშვებს შორის.

— დავფასოთ ადამიანი არა ცხვირის, თვლების ან თმის მიხედვით, არამედ იმ კლასის მიხედვით, რომელსაც ის ეკუთვნის. ამ მხრივ ბავშვთა საერთაშორისო კონგრესს უდიდესი მნიშვნელობა აქვს. ამ კონგრესზე საფუძველს ჩავუყრით ლენინელ ბავშვთა ინტერნაციონალს, — სთქვა მან.

სხდომის დასასრულს ამხ. კავანოვიჩმა წარმოსთქვა სიტყვა ადამიანთა იმ მასალის შესახებ, რომელიც საქიროა ახალი სოციალისტური საზოგადოების ასაშენებლად.

კონფერენციამ ამხ. დემიან ბენდი, კრუიფანოვსკი, იაროსლავსკი და კავანოვიჩი საპატიო პიონერებად აირჩია.

კონფერენციას მოხსენებების გამო რეზოლუციები არ მიუღია. მან დაადგინა პლენუმზე და სექციებში წამოყენებული ყველა წინადადება შეიტანოს ვანწყისში, რომელიც გამოქვეყნდება პიონერთა სრულიად საკავშირო ყრილობაზე წარმოდგენილ ყველა ერის ენაზე.

შეკრების აღსანიშნავად გადაწყდა ყოველი წლის 18 — 25 აგვისტოს მოეწყოს ხოლმე ბავშვთა საერთაშორისო კვირეული.

კონფერენციამ დაადგინა — 1930 წლის გაზაფხულზე მოაწყოს პიონერთა სრულიად საკავშირო სამხედრო მანევრები.

5.

22 აგვისტოს მოხდა პიონერთა გამოსვლა კრემლისა და დასვენების სახლში (პარკში).

უდიდესი საბავშვო სეირნობის დროს, რომელიც ბავშვთა საერთაშორისო კონკრესის გახსნის გამო მოეწყო, გამოვიდნენ ამხ. ბელაქუნი, ინგლისელი პიონერი სიდნეი გრუტცი, გერმანელი პიონერი ქალი გილდა ჰელცმახი და ჩიხეთის, ამერიკის და სხვა ქვეყნების პიონერთა დელეგაციების წარმომადგენლები.

აქ მოხსენებით გამოვიდა ამხ. იაროსლავსკი, რომლის შემდეგ უკანასკნელად გამოვიდა საბჭოთა კავშირში ჩამოსული გერმანელი რევოლუციონერი, ამხ. მაქს ჰელცი. მან პიონერებს გადასცა სალამი რემედასის აღმასკონისაგან.

აი ის ჟურნალიც მაშინ მომხვდა ხელთ, რომლის შესახებ გუშინ გელაპარაკებოდით...

— რომელი?
— აი, სკაუტების საწინააღმდეგო მანიფესტაციები რომ ხდება ყველა ბურჟუაზიულ სახელმწიფოში პიონერული მოძრაობის სასარგებლოდ...

— აბა წაიკითხე.
— სკაუტები — ესაა ორგანიზაცია, რომელიც აერთიანებს ბურჟუაზიულ ბავშვებს, რომლებიც იზრდებიან ბურჟუაზიულ ყაიდაზე. ეს ორგანიზაცია დიდად მტრობს პიონერებს და კომკავშირელებს, ესენი, მოკლედ რომ ვთქვათ, პატარა ფაშისტები არიან. ოვგორც გაზეთი იტყობინება, ქ. მანჩესტერში (ინგლისშია) შემდგარა სკაუტების საწინააღმდეგო კომიტეტი. ასეთი კომიტეტები დაარსებულია ლონდონში და სხვა ქალაქებში. მათ მიხედ დაუსაბავთ კამპანიის ორგანიზაციულად მოწყობა მუშებსა და მუშა-ქალთა შორის, სკაუტური მოძრაობის ნამდვილი მიზნების შესახებ.

ანტიკაუტური მანიფესტაციები ჩატარებულ იქნა კომკავშიროელთა ორგანიზაციის მიერ ნიუ-იოკში; იმ დროს, როცა სკაუტების შეკრება ეწყობოდა. მანიფესტანტები მოდიოდნენ დროებით და ლაზხვებით: „მიოს სკაუტები! შეუერთდით ახალგაზრდათა საიჭიებს!“

— ვაშა ჩვენ საზღვარგარეშ ძმებს! — შეჰყვირეს ერთხმად პიონერებმა, რა ვანომ ჟურნალის ეს ადგილი წაუკითხა.

6.

25 აგვისტოს „დინამოს“ სტადიონზე დასრულდა სრულიად საკავშირო პიონერთა შეკრება. ძრავალმა ათიათასეულმა ნორჩმა ლენინელმა მოიყარა თავი სტადიონზე შეკრების დახურვის სახეიმოდ.

ფიზკულტურის უმაღლესი საბჭოს სახელით ამხ. ენუქიძემ გადასცა უკრაინელებს, რომლებმაც პირველია აიღეს ბავშვთა საარტაკიადზე უმაღლესი ჯილდო — ს. ს. რ. კ. ცაკის დროშა.

ამხ. უნშლიხტმა ს. ს. რ. კ. რეგსამსაბჭოს სახელით გადასცა მოსკოვის სამრეწველო ოლქის ნორჩ ლენინელებს ჯილდო პირველობაზე, რომელიც მათ აიღეს ბავშვთა სპარტაკიადზე სროლაში შეჯიბრებაში.

— ნორჩო ლენინელებო! წითელი არმიის სახელით მოგიწოდებთ, მუდამ მხად იყოთ მუშათა საქმის დაცვად! — მოუწოდა ამხ. უნშლიხტმა.


— გაუმარჯოს წითელ არმიას! — იგრილა ძრავალათასეულმა ხმამ მუსიკისა და ტაშის გუგუნში.

შემდეგ გამოვიდა ამხ. იაროსლავსკი, რომელმაც გარკვევით წარმოსთქვა სიტყვა სახეიმო ფიცისა, რომელსაც იმეორებდა ძრავალი ათიათასეული ნორჩი პიონერი.

ასე დასრულდა ჩვენი პირველი საკავშირო შეკრება. დაასრულა ვანომ.

ბინდი ჩამოწვა. ბანაკში გაიხსნა ბუკი. კმაყოფილი პიონერები კარვებში გროვდებოდნენ...

მარგანეის მოპოვება.



ქალაქი ჭიათურის გარემო მთებში მრავლად მოპოვება ქვის ისეთი ფენები, რომელსაც მარგანეცი ეწოდება და ამავე დროს ადამიანთათვის მეტად საჭირო და ძვირფას მადანს წარმოადგენს.

მარგანეცი ანუ „შავი ქვა“ კაცობრიობას სჭირდება ლითონის მოპოვებისა და დაძუშავებისათვის, რის გამოც ევროპისა და ამერიკის კაპიტალისტები მგლური თვალებით იცქირობიან ჭიათურისაკენ, რადგან ის იძენდა კარგი ლირსებისაა, რომ მთელ მსოფლიოში მეტოქე არა ჰყავს.

1879 წელს პოეტ აკაკი წერეთლის მიერ აღმოჩენილ იქნა ეს მადანი და მის შეძღვომ წლებში კი უკვე ამუშავებდნენ მას და გასაყიდად გაჭქონდათ საზღვარგარეთ. ევროპაში ამ აღმოჩენის შესახებ ხმა გავარდა თუ არა, მაშინვე გამოეშურენ ვაჭრები აქეთ, რომ ჯიბეები გაესქვლებინათ. მართლაც, სრულიად კერძო და უცხო პირებმა ჩალის ფასად შეისყიდეს მადნიანი მიწები და ამუშავებდნენ მას.

ძალაროს მუშები დღეში 16—18 საათს მუშაობდნენ, რომ თავისი ბატონები—ვაჭრები—გაემდიდრებინათ, თვითონ კი მხოლოდ ლუკმაპური ემოვხათ.

ძაშინ მარგანეცის დამუშავება მეტად უკუღმართო იყო, რის გამოც ძუძები ძლიერ იტანჯებოდნენ, ხარჯავდნენ დიდ ძალა-ენერგიას, შრომას და მცირე ნაყოფს იღებდნენ; მას შეძღვე დიდი წინსვლაა და ძალზე განსხვავდება დღევანდელი დამუშავება ძველისაგან.

საბჭოთა ხელისუფლების დამყარების შემდეგ კერძო მწარმოებლები ჩამოიცილა თავიდან მუშათა მთავრობამ და სახელმწიფომ თავის თავზე აიღო მისი დამუშავება.

მაღალი და მწვანით დაფარული მთები, რომელზეც სოფლებიც კი არის გაშენებული, ამ 50 წლის განმავლობაში დათხრილია გვირაბებად — მალარობებად, და დღისა და ღამის განმავლობაში შეუწყვეტელი მუშაობის წყალობით უღვევლად გამოაქვთ შიგნიდან მარგანეცი.

ეს მალარობები ზოგი იძენდა დიდი, რომ ოთხი-ხუთი საათის გახმაველობაშიც კი ვერ დაივლის ადამიანი, სიგრძე-სიგანეზე დასერილია გვირაბებით და თითოეულ მათგანს საძი-ოთხი კილომეტრი სივრცე აქვს. გვირაბების დასასრულში დგანან მუშები წერაქვებით და გაძულდებით არტყავი შავი ქვის ფენას, მარგანეცს, სთხრიან მიწის გულს. იქვე გვერდში უდგანან მათ ნიჩბის მუშები, რომელთაც მოთხოილ მარგანეცს ჰყრიან რონოდებში, და რონოდებს კი ეხიდებიან ცხენები, ვიწრო, წვრილ ლიანდაგებზე მოაგორებენ, გააქვთ მალაროდან გარეთ.

ეს გვირაბებით დაქსელილი მალარო განათებულია ელექტრობით, მაგრამ ის ძლიერ სუსტად ანათებს, ისე რომ თვითეულ შიგ შემავალ მუშას მაინც სჭირდება ცალკე ხელის ფანარი გზის გასანათლებლად, რადგან გაძოჟონილი წყლისაგან გზა ატალახებულია და უსწორ-მასწორო.

ამ მალარობებში მუშები 7 საათს მუშაობენ. ოცი საათის განმავლობაში მუშაობს სამი ცვლა, 4 საათის განმავლობაში კი მუშაობა შეჩერებულია.

შიგ ყოფნის დროს თუ დაუჭრდები, გაიგონებ სხვადასხვა მხრიდან წერაქვის დარტყმის ყრუ ხმას და რონოდების შორ აჩხრიალებას.

ბევრს აქვს ისეთი წარმოდგენა, თითქოს მალარობებში მუშაობა რაღაც მომაკვდინებელი და უსიცოცხლოა, მაგრამ ეს ასე არ არის.

მასში არის თავისებური სიხალისე, გატაცება, მეტადრე დღეს, როდესაც მუშა 7 საათს მუშაობს და არა 16—17 საათს. წერაქვის ხშირი დარტყმა, ნიჩბის ჩხრიალი დაფშვნილი მარგანეცის რონოდებზე ჩაყრის დროს, რონოდების გამგზავრება გუგუნის მავგარი ხმაურით და რონოდების ახალი წყების შოგრიანება, — ყველაფერი ეს ჰქმნის ერთგვარ თავისებურ, წამხალისებელ სიმფონიას.

რამდენადაც ღრმად იჭრებიან მუშები გვირაბში, იმდენად უფრო ემატებათ სიცხოველე, რადგან ხშირად მოწინააღმდეგე მხრიდანაც მიწის თხრით მოჰყვებიან გვირაბს, რომ ერთმანეთს შეხვდნენ — ორი გვირაბი გააერთიანონ.

წერაქვისა და ნიჩბის მუშებს უკან მიჰყვებიან ბოძების დამდგმელი მუშები, რომელნიც გვირაბში დგამენ ბოძებს ჭერსა და ძირს მიწის შორის, რომ მალარო არ ჩამოინგრეს, ამაგრებენ კედლებს, გვირაბის ზედა ნაწილს, თორემ მიწის ჩამოინგრევას ძლიერ ხშირად უძსხვერპლია მუშები, — შიგ მოჰყოლილან და დაღუპულან.

გამოტახილი მარგანეცი მოთხოის დროს მიწანარევი, რის გამოც ის მოითხოვს გარეცხვას, დაწმენდა-გასუფთავებას.

რონოდებით გამოტანილი მარგანეცი მალდიდან პირდაპირ ფერდობზე იყრება (ყოველი მალარო მთის წვეროებზეა გაყვანილი), თოლო მთის ძირში აგებულია მარგანეცის მრეცხავი ძანქანა. ხელოვნური მილებით ამოყვანილი წყალი ძიშვებულია ამ დაყრილ შვე ქვაზე, და წყალსაც ჩააქვს ის ღარების საშუალებით ქარხანაში.

ქარხანა ამუშავებულია დიდი მანქანით — დიზელით, რომლის საშუალებითაც მუშაობს სხვადასხვა ზომის საცრები. ეს საცრები რეცხავენ მარგანეცს. მიწას აცილებენ მას, გვერდზე ჰყრიან და მარგანეცს კი ანაწილებენ მისი ლიოსების მიხედვით. საუკეთესო ხარისხის მარგანეცი წვრილია, უფრო მდარე ხარისხის — უფრო მსხვილი.

ასეთი ქარხნებიდან მარგანეცი გადააქვთ უკვე რკინის გზის რონოდებისაკენ ან ურმებით ან კიდევ საჰაერო გზებით.

უკანასკნელ წლებში აგებულ იქნა საჰაერო გზები ბევრ ადგილას, რაც ძლიერ აადვილებს გადატან-გადამოხიდვას და ამავე დროს იაფიც ღირს.


საჰაერო გზა ასეთია:

ქარხანასა და რონოდების დასატვირთავ ადგილებს შორის გაყვანილია მსხვილი მავთულები ორ ხაზად, მასზე რგოლებით დაკიდებულია რონოდები. განსაკუთრებული მანქანის საშუალებით ეს მავთული მოძრაობს და მიაგორებს დატვირთულ რონოდებს; როდესაც ეს რონოდა მივა შავი ქვის სატვირთავ ადგილთან, იქ მოწყობილი კაუჭი მოედება რონოდის ერთ-ერთ კაუჭს და რონოდას გადმოატრიალებს, მხოლოდ ისე, რომ რონოდა ისევ ზედ ჰკიდია და ასვლასაც განაგრძობს. მას მიყვება მეორე, მესამე, მეოთხე, პირველები კი მიდიან ისევ ქარხნისაკენ, სადაც ხელახლა ავსებენ მათ მარგანეცით.

შავი ქვა რკინის გზით ფოთში მიაქვთ, იქ კიდევ ტვირთავენ გეიზებს და ევროპაში გააქვთ, სადაც პირველობა აქვს მიკუთნებული.

(გაგრძელება იქნება)

ელ. პოლუმორდინოვი



კოოპერატივი

ს. ჯ.

(შურა ფომიჩევის წერილები იმის შესახებ, როგორ მოეწყო სკოლაში კოოპერატივი, როგორ მუშაობდა ის და რა სარგებლობა მოუტანა ბავშებს, მშობლებს და სკოლას).

დღეიდან დაგვეწყო მეცადინეობა, და მე გადავწყვიტე შემოვიღო დღიური. მხოლოდ არ ვიცი, როგორ დავიწყო. უპირველეს ყოვლისა — რის შესახებ ვწერო. აი უკვე მეორე წელია, რაც ივანოვი დღიურს ავსებს, მაგრამ მე ის არ მონწივნი: წაეჩხუბება ვინმე ვიხმეს ან რომელიმემ გაკვეთილი არ იცის, — ყველაფერს ნიშნავს დღიურში, და სისულელე გამოდის. რა საჭიროა ყოველივე ამის ჩაწერა? უკეთესია საკუთარი აზრების ჩაწერა, მაგრამ ძნელა ეს: ფიქრით ფიქრობ, მაგრამ წერა შეუძლებელია — არ გამოდის ისე, როგორც ფიქრობ. მიუხედავად ყოველივე ამისა, ჩემს დღიურს მაინც შემოვიღებ. შემდეგ გამოჩნდება.

* * *

ახლა ვიცი, თუ რა იქნება ჩემს დღიურში. მე ვიამბობთ ყველაფერს რიგზე. დღეს გაკვეთილების შემდეგ დავრჩით კლასში და ვლაპარაკობდით მოწაფეთა კომიტეტის არჩევანზე. მოგვიახლოვდა საზოგადოებათმეცნიერების ახალი მასწავლებელი, პავლე ივანეს ძე კოროსტელოვი. მე ის ძალიან მომწონს და ბავშვებიც პატივსაცემენ. ჯერ მხოლოდ ერთი კვირაა, რაც ჩვენ გვამეცადინებს, და ყველა ჩვენგანს იცნობს, იცის სახელი და გვარი, იცის, ვინ რამდენი წლისაა და ვინ რით გამოირჩევა. პავლე ივანეს ძე მოგვიახლოვდა და ამბობს: „შეიძლება მონაწილეობა მივიღო თქვენს თათბირში?“ ჩვენ გავვეცინა: „რატომაც არა“. უნდა ითქვას, რომ ძალზე ვხმაურობდით აქამდე, ყველა თავისას ყვიროდა, მეორის მოსმენა აო სურთ, ნამდვილი უწყსრიობაა. პავლე ივანეს ძემ ჩუმად დააყუჩა ჩვენი ვნებები, და საქმიანი ლაპარაკი დაიწყო.

დაიწყო ცხელი საუბრიდან. გასულ წელს ამ საქმეს ხელი მოჰკიდა მოწკომმა, მაგრამ თავი ვერ გაართვა. პავლე ივანეს ძე ამბობს: „საუბნებს უკეთესია ხელი მოჰკიდოს სასკოლო კოოპერაციამ“. ჩვენ თითქმის დავიბენით კიდეც. რ არის ეს სასკოლო კოოპერატივი? ჩვენ ამის შესახებ არაფერი არ გავიგია. პავლე ივანეს ძემ გვიამბო, თუ რა ორგანიზაციაა ეს და რა სარგებლობის მოტანა შეუძლია მოწაფეთათვის. ბავშვები ამბობენ: „ძალზე კარგი საქმეა, მაგრამ შევძლებთ კი ამას?“ პავლე ივანეს ძე იცინის: „სხვა სკოლებმა შესძლეს და რითა ხართ თქვენ მათზე ნაკლები? მე გავიწვევთ პირველ ხანებში დახმარებას, შემდეგ შეეჩვევით და საქმეს კარგად წაიყვანთ“.

მე ამან ძალზე დამაინტერესა. „ვცადოთ, ბიჭებო, ჰა?“ — ვამბობ. ზოგიერთები ამას გულგრილად მოეკიდენ,

ხოლო ანტონ პერეუხინმა, კატია პეტროვამ, კოსტია რიბაკოვმა და სხვა ბალებმა მხარი დამიჭირეს. მაშინ პავლე ივანეს ძემ სთქვა, რომ ჩვენ ვიქნებით საინიციატივო ჯგუფი და ხვალ შევიკრიბებით საქმის დაწვილებით გამოსარკვევად.

* * *

ვფიქრობდი დღიურში მეწერა კვირაში ერთხელ, მაგრამ თითქმის ყოველდღე ვწერ. ასე, მე მგონია, რვეულებიც არ მეყოფა. მე დამასახელეს გუშინ ჩვენი სასკოლო კოოპერატივის გამგეობის თავმჯდომარედ. ახლა მტკიცედ გადავწყვიტე ჩემი დღიური ვუძღვნა ამ საქმეს. ყოველივე ეს ძალზე საინტერესოა და ახალი და საერთოდ სხვა რამეზე წერა არც კი მსურს. გუშინ გვეკონდა საინიციატივო ჯგუფის კრება. ავიხსნით, თუ რა არის ეს. სიტყვა ინიციატივა ნიშნავს დაწყებას, თაოსნობას. მაშ ეს ნიშნავს ამხანაგების ისეთ ჯგუფს, რომელმაც აიღო თავის თავზე თაოსნობა, ე. ი. საქმის დაწყება. პავლე ივანეს ძის გარდა შეგროვდა ცხრა ბავში: მე, ანტონ პერეუხინი, ენია ივანოვი, ვასია ვოსტოკოვი, პაშა, პეტია, ანა ივანეჩინა და კატია პეტროვა, ხოლო სასკოლო საბჭოსაგან დაესწრო კიდეც ორი მასწავლებელი უმცროსი ჯგუფებიდან. თათბირზე გადავწყვიტეთ, რომ ვიდრე შეგქმნიდით რომელიმე ორგანიზაციას, უნდა გამოარკვეულ იქნეს, თუ როგორია მისი მიზნები და ამოცანები, ხოლო ამისათვის საჭიროა ვიზოვით წესდება სასკოლო კოოპერატივისა, რომელშიაც ყველაფერი დაწვრილებითაა გაშუქებული. მაგრამ ეს კიდეც ცოტაა: არ კმარა მარტო ჩვენ გავერკვეთ ჩვენს ამოცანებში, საჭიროა ბალების დაინტერესებაც, თორემ უამისოდ კოოპერაცია წინ ვერ წავა. კოოპერაცია ხომ საზოგადოებრივ თვითმოქმედებაზეა დაყრდნობილი, მაშასადამე, აუცილებელია მისდამი ინტერესის გაცხოველება. ამიტომ გადავწყვიტეთ წავიდეთ სახალხო განათლების განყოფილებაში ინსტრუქტორისათვის — დეე, მან ილაპარაკოს ბავშვების საერთო კრებაზე სასკოლო კოოპერაციის მნიშვნელობაზე და იმაზე, თუ როგორ მოვაწყოთ ის.

გადავწყვიტეთ მეცადინეობის დროს ჩატარებულ იქნეს რამდენიმე ლექცია, რომელსაც წაიკითხავენ მასწავლებლები. მასწავლებლებმა ამაზე თანხმობა გამოაცხადეს და დაგვიპირდნ ორი ამხანაგის გამოყოფას. ამის გარდა დავადგინეთ აგიტაცია ვაწარმოოთ ბავშვებს შორის კოოპერატივისათვის: შესვენების დროს ვებასოთ კოოპერატივზე ან გაკვეთილების შემდეგ.

იქნება ვიზოვით ბიბლიოთეკაში საინტერესო წიგნები კოოპერაციაზე — დეე, ბავშვებმა წაიკითხონ, ან მოვთხოვთ ლიტერატურას სახალხო განათლების განყოფილებას.

საჭიროა ვიზრუნოთ იმაზეც, რომ დავაჯეროთ მშობლები; უნდა ავუხსნათ მათ, რომ კოოპერაცია მათ სარგებლობას მოუტანს—ნაკლები იქნება ხარჯი სახელმძღვანელოებზე, რვეულებზე, შემოვიღებთ ცხელ საუზმეს და, ვინ იცის, კიდევ რას!..

* * *

ძალზე ვიყავი საქმით გართული და სამი დღე არაფერი არ ჩამიწერია დღიურში. ჩვენი საქმე წინ წავიდა. უპირველეს ყოვლისა წავედით სახალხო განათლების განყოფილებაში, მხოლოდ ინსტრუქტორი იქ არ იყო. რა ვუყოთ, გადავწყვიტეთ ჩვენი ძალებით დამკაყოფილება. პავლე ივანეს ძემ გვიმოგონა წესდება. შემდეგ ლოზუნგების და პლაკატების ხატვა დავიწყეთ:

„მოგვეცი თუ სასკოლო კოოპერატივი“

„სკოლის მოწაფეების აქტიური საქმიანობა სასკოლო კოოპერაციის განვითარების საწინდარია“

„სასკოლო კოოპერაციის გზით ახალი ყოფა-ცხოვრების მშენებლობისაკენ, სკოლასთან ოჯახის თანამშრომლობისაკენ“.

„მოწაფეთა კოოპერატიული აღზრდა — გულმოდგინე კოლექტიური მუშაობის და სწავლის საწინდარია“.

„სასკოლო კოოპერატივი, რომელიც იძლევა ცხელ საუზმეს, მოზარდი თაობის ჯანმრთელობას ამაგრებს“.

ყველა ეს ლოზუნგი ჩვენ გავაფერადეთ და გამოვიდეთ თვალსაჩინო ადგილზე. ბევრმა ბავშვმა ჯერ კიდევ არაფერი არ იცის, მაგრამ ყველას გაგებულნი აქვს, რომ ჩვენ ვაარსებთ რალაც ორგანიზაციას; ამიტომ ყოველ ფეხის გადადგმაზე გვეკითხებიან: „რა ამბავია?“

მაგრამ დიდი ხანი არაა დარჩენილი საერთო კრებამდე; ლექციასაც წაიკითხავს პავლე ივანეს ძე და მალე ყველა გაიგებს. ჯერჯერობით მხოლოდ წიგნებს ვფრიგებთ მსურველებს კოოპერაციის შესახებ, ბიბლიოთეკიდან.

მოწაფეთა კომიტეტთან, სკოლის საბჭოსთან და კომკავშირის უჯრედთან უკვე შევთანხმდით, ისინი დახმარებას დაგვიპირდნენ. რაც შეეხება პიონერულ ფორპოსტს, ის პირველი დღეებიდანვე ჩვენს დიდ მომხრედ გადაიქცა.

* * *

დღეს არ მოვიდა არითმეტიკის მასწავლებელი ქალი, და პავლე ივანეს ძემ წავგვიკითხა ჩვენს ჯგუფში გაცდენილ გაკვეთილზე ლექცია კოოპერაციის შესახებ. მე არც კი ვიცოდი, რომ ეს ისე დიდი საქმეა. თურმე მთელ მსოფლიოში პირველი კოოპერატივი მოწყობილ იქნა მუშების, ფეიქრების, მიერ, თითქმის ასი წლის წინადა. ეს ფეიქრები ცხოვრობდნენ ინგლისის ქალაქ როჩდელში და გადასწყვიტეს ნებაყოფლობითი თანხებით მოეწყოთ თავისი დუქანი, რომ ზედმეტი არ ეძლიათ ვაჭრებისათვის. მთელი წელი აგროვებდნენ ისინი ფულს და მოაგროვეს სულ მხოლოდ და მხოლოდ 280 მანეთი (მე მგონია, ჩვენს სკოლაში ამაზე მეტს მოვაგროვებთ) და ამ ფულით სხვადასხვა საკვები პროდუქტის დუქანი გახსნეს.

ეს მოხდა 1844 წელს.

პავლე ივანეს ძემ შემდეგ გვიამბო იმის შესახებ, თუ როგორ ვითარდებოდა მუშათა კოოპერაცია საზღვარგარეთ. ის გვიამბობდა მუშათა კოოპერაციის საერთაშორისო გაერთიანების სამარცხვინო როლზე ინგლი-

სის მალაროელთა დიდი გაფიცვის დროს, რომელთაც დახმარებაზე უარი უთხრეს.

შემდეგ ჩვენ გავიგეთ საბჭოთა კოოპერაციის როლის შესახებ სოციალისტურ აღმშენებლობაში. ბოლოს ის შეეხო სასკოლო კოოპერაციას და სთქვა, რომ კოოპერაცია საბჭოთა სკოლაში შეუძლებელია ჩაკეტილი იყოს, გამოცალკეებული სხვა ორგანიზაციებისაგან. მას არ შეუძლია დამკაყოფილდეს მარტო ვაჭრობით და უნდა იღებდეს მონაწილეობას სკოლის მთელს ცხოვრებაში ისე, როგორც საბჭოთა კოოპერაცია იღებს მონაწილეობას საბჭოთა ქვეყნის ცხოვრებაში. სასკოლო კოოპერატივი უნდა აწყობდეს საწარმოო წრეებს, რომ ხელი შეუწყოთ შრომითი ჩვევების განვითარებას და აგრეთვე უნდა ეწეოდეს კულტურულ-განმანათლებელ მუშაობას სკოლაში.

პავლე ივანეს ძემ გვიამბო სხვა სასკოლო კოოპერატივების მიღწევებზე. მოსკოვში 1927 წლის ბოლოს აღრიცხვაზე აყვანილ იყო 410 კოოპერატივი, რომელშიაც შედის 170 000 წევრი. ზოგიერთ კოოპერატივში შედიოდა ყველა მოწაფე, ზოგში—ნახევარი. მარტო 1925 წელს კოოპერატივებმა შეიძინეს სხვადასხვა საქონელი, 70 000 მანეთად ღირებული. აი ეს სამაგალითოა! ხოლო ზოგიერთ კოოპერატივში სასწავლო წლის განმავლობაში ბრუნვა 3 000 მანეთამდე აღწევდა.

საინტერესოდ გვიამბო მან ერთ სოფლის სკოლაზე, რომელიც მდებარეობს შჩელკოვსკის რაიონში (მოსკოვიდან შორს არაა). იქ გლახელებმა გაიგეს კოოპერაციის შესახებ ბავშვებისაგან და დაიწყეს სიარული სკოლაში. გლახელები გვთხოვდნენ: მოაწყვეთ ჩვენთვის ჭრაკერვის წრეო. ბავშვები დაფიქრდნენ და მოიწყვიეს სპეციალური ინსტრუქტორი, რომელმაც ჩამოაყალიბა სოფლის გოგონებისათვის ჭრაკერვის წრე, გოგონები კი წრეში მორბოდნენ. გლახელები სწავლობენ კერვას, ხოლო ამავე დროს მათ უფროსი მოწაფენი ან ერთი რომელიმე მასწავლებელი უკითხავს სხვადასხვა საინტერესო წიგნს; კოოპერატივის თანხებით გამოუწერეს მათ გაზეთიც. მეზობელ სოფლებში გლახეებმა გაიგეს თუ არა ამის შესახებ, მათაც დაიწყეს სიარული სკოლის კოოპერატივში.

კოოპერატივს არ შეუძლია შემოიფარგლოს მარტო სკოლის საქმეებით, ის უნდა ზრუნავდეს მოსახლეობის საჭიროებაზე, ხოლო ამისათვის ის უკავშირდება მოზრდილების კოოპერატივს. ასე მოიქცნენ ბავშვები ვლადიმირის გუბერნიისში, ქალაქ კირკაჩში. მათ გაიგეს, რომ ქალაქის კოოპერატივში მოძრავი კინოა, მაგრამ ის უქმანდა, ვინაიდან არავის არ სცალია მისთვის. ისინი მოელაპარაკენ მოზრდილების კოოპერატივს, რომ მას მიეცა მათთვის მთელი ზაფხულის განმავლობაში მოძრავი კინო, ხოლო ისინი გამოყოფენ გათვითცნობიერებულ ბავშვებს, რომელნიც წავლენ მოძრავი კინოთი, დაუწყებენ კინოს ჩვენებას და მისცემენ გლახეებს სხვადასხვა განმარტებას. ამით ისარგებლებდნენ კოოპერატივი, გლახეები და სკოლის მოწაფეები. ბავშვები იძულებული შეიქნენ სერიოზულად მომზადებულიყვნენ განმარტებისათვის, რომელსაც ისინი აძლევდნენ გლახეებს სურათების საშუალებით და ამ მოძრავ კინოში მუშაობამ სარგებლობა მოუტანა მათ: მათი საერთო განვითარების და განათლების დონე ამაღლდა.



პიონერების ბანაკი სოფ. ზვარეში.

ზოგჯერ ყოფილა ასეთი შემთხვევა, რომ მოზრდილთა კოოპერატივები ყურადღებას არ აქცევდნენ სასკოლო კოოპერაციას. იყო შემთხვევა, როდესაც დასცინოდნენ კიდეც, ამბობდნენ, რომ ეს საბავშვო თამაშობაა და სხვა არაფერი. ასე ექცეოდა ბავშვებს საღვთურ უსტომსკის, რომელიც მოსკოვის ახლოა, მოზრდილთა კოოპერატივი, მაგრამ ერთი წლის შემდეგ ბავშვებმა გადასწყვიტეს გაეკეთებინათ სკოლის საერთო კრებაზე მუშაობის ანგარიში და მოიწვიეს მოზრდილთა კოოპერატივის გამგეობის წევრები. ისინი პირდაპირ გაკვირდნენ ბავშვების მუშაობით და მაშინვე დაადგინა გამგეობამ, აუცილებლად დაეხმარონ სასკოლო კოოპერაცივს და გასცა 50 მან. სკოლის მოედნისათვის და 50 მან. ბავშვებისათვის თევზის ქონისათვის. უფრო ხშირად კი მოზრდილთა კოოპერატივები ეხმარებიან ბავშვებს ცხელი საუზმის მოწყობაში — აძლევენ მათ პროდუქტებს შეღავათიან ფასებში ან ნისიად.

პოდოლსკის მაზრაში ბელეტოვის სასკოლო კოოპერატივმა ექსპურსია მოაწყო მოსკოვში. როდესაც მშობლებმა ამის შესახებ გაიგეს, ბევრმა მოითხოვა ისინიც წაეყვანათ თან; ბავშვებმა წაიყვანეს თავისი თანხებით რამდენიმე მშობელი და სოფლის საბჭოს წევრები. ბევრ სკოლაში კოოპერატივებმა მოაწყვეს კედლის გაზეთება,

წინად რომ არ არსებობდა ქალაქის უქონლობის გამო. კოოპერატივი შოულობდა ქალაქს, საღებავებს, ფანქრებს, და სკოლა უშვებდა კედლის გაზეთს. სხვა სკოლებში კი ისინი თავისი ხარჯით იწერენ ყველა ბავშვისათვის „პიონერსკია პრავდას“, „პიონერს“, „სმენას“, „კომსომოლსკია პრავდას“, ჟურნალ „ვოჟატი“, ყიდულობენ წიგნებს სკოლის ბიბლიოთეკისათვის, აწყობენ კუთხეებს: ლენინის, კოოპერატივის, აწყობენ კოოპერატიულ წრეს. არის ისეთი კოოპერატივები, რომელთაც მოაწყვეს სკოლაში კლუბი ან ატარებენ სხვადასხვა ლექციას და საუბრებს კოოპერატიულ საკითხებზე. ყველა ამისათვის კოოპერატივის მოგებისაგან ფულის ნაწილი სპეციალურად კულტურულ-განმანათლებლობის მუშაობას ხმარდება.

სასკოლო კოოპერატივებს მოაქვთ სარგებლობა ბავშვებისათვის კიდეც იმით, რომ ამით შეიძლება კოოპერატიული საქმის შესწავლა. მოსკოვში ერთმა მოზრდილმა კოოპერატივმა პირდაპირ მიიღო სამსახურში სასკოლო კოოპერატივის მთელი გამგეობა, როდესაც მათ სკოლა გაათავეს. მან იცოდა, რომ ამ ბავშვებს კარგად შეუძლიათ მუშაობა. მათ დაუნიშნეს სამოც-სამოცი მანეთი ჯამაგირი და ერთი პროდუქტების შემსყიდველ აგენტად დანიშნეს, მეორეს კულტმუშაობა მიანდევს. ბავშვებმა ეს საქმე კარგად დააყენეს, რადგანაც მათ გამოცდილება ჰქონდათ მიღებული თავის სასკოლო კოოპერატივში.

სასკოლო კოოპერატივების მთავარი ამოცანაა — გამართონ თავისი კოოპერატიული წარმოება. ყველა კოოპერატივი ამისაკენ უნდა მიილტვოდეს. ჩვენი სკოლა ხომ შრომისა, ამიტომ უნდა განვაფიქროთ ბავშვებში შრომის ჩვევები და ამის გაკეთება ყველაზე ადვილია მაშინ, როდესაც ბავშვები დაიწყებენ რაიმე ხელობის შესწავლას. საწარმოო კოოპერაცია დაეხმარება ბავშვებს ნივთიერად: საკუთარი ძალებით გავაკეთებთ თვალსაჩინო ხელსაწყოებს და სკოლის მოწყობილობას.

ქალაქის სკოლებში უნდა მოეწყოს სხვადასხვა სახელოსნო — საღვთოლო, სახარატო, ფეხსაცმლის კერვის, ჭრა-კერვის, სათამაშოების, კალათების, ყდების და სხვა, ხოლო სოფლის სკოლებში ბავშვებს შეუძლიათ ამით გარდა მოაწყონ საცდელი ბოსტნები, მინდვრის ნაკვეთები, განავითარონ მეფორინველეობა, მეფუტკრეობა ან მეაბრეშუმეობა, შეაგროვონ გასაყიდლად ნელი მასალა სხვადასხვა ნივთისათვის, მაგალითად, წნელი კალათებისათვის. იმისათვის, რომ დაეხმარონ სკოლებს ამ საქმეში, სახალხო განათლების მოსკოვის განყოფილებასთან მოწყობილია „გაცვლის ბიურო“, რომელიც მიიღებს მოწაფეთა კოოპერატივებისაგან მათ ნამუშევარს და გაზავანის იმ სკოლებში, სადაც ამას საჭიროებენ. გარდა ამისა, ეს ბიურო კოოპერატივებს მიაწოდებს სხვადასხვა სამუშაო იარაღს.

მ. ბოგომაზოვა.

(გაგრძელება შემდეგ №-ში)



რკინის ფასკუნჯი.

„ფასკუნჯმა შეისვა ყმაწვილი ფრთებზე და ამოიყვანა ქვესკნელიდან“ — ამბობს ერთი ზღაპარი. დღეს რკინის ფასკუნჯს უკვე შეუძლია 100 კაცი წაიყვანოს და იფრინოს მთელი კვირის განმავლობაში. მაგრამ ეს „ფასკუნჯი“ ჯერ მეტად ახალგაზრდაა, ის ამ ოციოდე წლის წინ სულ უსუსური იყო. გავეცნოთ მის ისტორიას.

23 წლის წინათ ევროპაში მეტად დიდი ამბავი მოხდა: 1906 წლის 13 სექტემბერს ფრანგი სანტოს-დიუმანი ჰაერობლანით აფრინდა, ჰაერში დაჰყო 21 წუთი და პარიზიკ მიიღო—50 000 ფრანკი.

ორი წლის შემდეგ ჰერნი ფარმანმა უკვე 3 წამი და 30 წუთი დაჰყო ჰაერში. ვილბურ რაიტი უკვე ერთ საათს ფრინავდა; 1908 წელს მან იფრინა 2 საათი, 20 წამი და 22 წუთი—ეს იყო სარეკორდო ხანგრძლივობა.

1912 წელს საფრანგეთში ფურნეი ჰაერში იყო 13 ს. 17 წამსა და 23 წუთს.

ფრანგმა ავიატორებმა ბოსუტრუმ და ბერნარმა ჰაერობლანზე დაჰყვეს ჰაერში 24 ს., 19 წამი და 23 წუთი (1920 წელს).

1921 წელს ამერიკელებმა სტინსონმა და ბერტმა ახალი რეკორდი დაამყარეს—26 ს. 18 წამი და 35 წუთი. 1923 წელს ამერიკელებმა სმისმა და რიხტერმა შემდეგ ხერხს მიმართეს, რომ ხანგრძლივად ეფრინათ: ხანგამოშვებით აფრინდებოდა მეორე ჰაერობლანი, რომელიც აწვდიდა 16 მეტრის სიგრძე შლანგით მათ საწვავ ნივთიერებას, მეორე შლანგით კი საკმელს. ამის გამო იმათ შესძლეს ჰაერში 37 ს. 12 წ. და 22 წუთს ყოფნა.

მაგრამ ეს ხერხი მალე მიივიწყეს.

1924 წელს კუბემ და დრუენმა (საფრანგეთში) 37 ს. 59 წ. და 10 წუთი იფრინეს ისე, რომ საწვავი მასალის შევსება არ დასჭირვებიათ, იმავე წელს კი დრუენმა და ლანდრიმ 45 ს. 11 წ. და 59 წუთი დაჰყვეს ჰაერში.

1927 წელს 51 ს. 11 წ. და 25 წუთს ფრინავდენ ამერიკელი აკოსტი და ჩემბერლენი, მაგრამ იმავე წელს აჯობეს მათ გერმანელებმა — რისტიცმა და ედზარმა, რომლებმაც 52 ს. 22 წ. და 31 წუთს იფრინეს შეუსვენებლივ.

უკანასკნელი რეკორდი დაამყარეს 1928 წელს ამერიკელებმა ჰოლდმანმა და სტინსონმა — 53 ს. 31 წ. და 41 წუთი.

ამის შემდეგ ისევ ამერიკელებმა მიმართეს მიწვეულ ხერხს: ჰაერობლანის ფრენის დროს მეორე ჰაერობლანის მიერ საწვავი მასალის და ზეთის მიწოდებას. მართლაც, მიმდინარე წლის 1 იანვარს კალიფორნიაში ლოს-ანჯელოსის ჰაეროდრომიდან აფრინდა 7 ს. და 26 წამზე სამმოტორიანი ჰაერობლანი „ფოკერი“, რომელშიც 5 მგზავრი იჯდა. ჰაერობლანი სან-დიეგოსკენ გაემართა; 5 საათის შემდეგ მასთან მიფრინდა მეორე ჰაერობლანი და მიაწოდა საწვავი მასალა. ეს ჰაერობლანი „ფოკერზე“ 10 მეტრით მაღლა მიფრინავდა იმავე სისწრაფით, როგორც „ფოკერი“. მან გადმოუშვა ორი შლანგი, რომელიც „ფოკერზე“ მყოფებმა შეუერთეს ბენზინის და ზეთის ქურჭლებს. ასე მეორდებოდა დღეღამეში ხუთჯერ. ჰაერობლანის კაბინაში სამი საწოლი იყო და ყოველი 6 საათის შემდეგ ისვენებდა თითოეული პილოტი. ასე იფრინეს 5 დღეღამეს, მეორე მოტორი დაზიანებული აღმოჩნდა და 6 დღეღამისა და 7 საათის ფრენის შემდეგ (150 ს. 46 წამი) დაეშვენ ჰაეროდრომზე.

იმავე წლის 19 მაისს აფრინდენ ამერიკელი რეჯინალდ რობინსი და ჯემს კელი (ტეხასში) და დღეში ორჯერ იღებდენ მეორე ჰაერობლანიდან საწვავ ნივთიერებას და საკმელს, წერილებს, დეპეშებს. 7½ დღის (172 ს. 32 წ. და 1 წუთი) შემდეგ ისინი დაეშვენ ჰაეროდრომზე, და მათ მიესალმა აუარებელი ხალხი. ეს პილოტები კიდევ დიდხანს იფრინდენ, მაგრამ ერთმა შემთხვევამ შეუშალა მათ ხე-

ლი: ჯემს კელი ერთხელ ზეთავდა მოტორს და უეცრად ქამრის ფოლადის „პრიაშკას“ მოხვდა პროპელერი, რომელსაც პატარა ნაპირი ჩამოტყდა; ვინაიდან მთელი დღეების განმავლობაში განუწყვეტლივ წვიმდა, დაზიანებულ ადგილში ვიწრო ხვრელი გაჩნდა და სწორედ ამ ხვრელის ადგილას გასკდა პროპელერი, რის გამოც იძულებული გახდნენ შეეწყვიტათ ფრენა.

ექიმმა მაშინვე გასინჯა ავიატორები, როგორც კი დაეშვენ ისინი, და გამოირკვა, რომ გული და მაჯა ნორმალური ჰქონდათ, მაგრამ ცუდად ესმოდათ ყურში მოტორების და პროპელერების საშინელი განიადაგებული ხმაურის გამო. საშუალოდ ჰაეროპლანი 120 კმ. აკეთებდა საათში, ასე რომ 7 1/2 დღეში მან გაიარა დაახლოებით 20 000 კმ., ე. ი. ეკვატორის ნახევარი.

2 ივლისს ლოს-ანჯელოსის მახლობლად აფრინდენ ლორენ მენდელი და როლან რეინარტი, რომლების აპარატს უკვე 27 000 კმ. ჰქონდა გავლილი, მოტორი კი 450 საათის განმავლობაში მუშაობდა მანამდე (ხანგამოშვებით). ისინი 10 დღეს იყვნენ ჰაერში და 37-ჯერ შეავსეს საწვავი მასალა. მათი ფრენის საშუალო სისწრაფე 128 კმ. უდრიდა საათში, გავლილი გზის სიგრძე—32 000 კმ. 12 ივლისს დაეშვენ ისინი მიწაზე. მათი სიტყვით, მეტად ნელა გადიოდა საათები ფრენის დროს, წყურვილით იხრჩობოდნენ და აუარებელ წყალს სვამდნენ. მუდამ ჯდომისაგან ფეხები საშინლად სტკიოდათ, როდესაც ერთი პილოტი საკმაოდ დაიღლებოდა, მას მეორე სცვლიდა. ბოლო დროს ისე მიეჩვიენ, რომ თავს უკეთ გრძნობდნენ, ვიდრე პირველ დღეებში.

10 დღის განმავლობაში განუწყვეტლივ ფრენა უკვე მოწმობს თანამედროვე ჰაეროპლანის გამძლეობას; თითქოს ახლა მაინც უნდა შეჩერებულიყო ადამიანი და დაკმაყოფილებულიყო 1 1/2 კვირის განმავლობაში ჰაერში ფრენით, მაგრამ ვერც კი მოასწრეს მენდელმა და რეინარტმა დაშვება, რომ მოვიდა დეპეშა: „ამერიკელი ჯეკსონი და ობრიენი უკვე 246 საათი, 43 წ. და 32 წუთი ფრინავენ და განაგრძობენ ფრენას“, შემდეგ დეპეშაში კი ეწერა: „ამერიკელმა პილოტებმა ჯეკსონმა და ობრიენმა დაამყარეს ფრენის ხანგრძლივობის მსოფლიო რეკორდი— ისინი 420 საათი იყვნენ ჰაერში მიწაზე დაუშვებლად, ე. ი. 18 1/2 დღეზე მეტი“.

სულ 23 წელმა განვლო მას შემდეგ, რაც სანტოს-დიუმანმა 21 წუთი დაჰყო ჰაერში და ამისათვის პრიზი მიიღო, ახლა კი შესაძლოა, როგორც ვხედავთ, დედამიწას მიწაზე დაუშვებლად შემოუფრინოს ჰაეროპლანმა. 23 წელი მეტად პატარა დროა, მაგრამ ავიაციის დარგში ყოველი წელი ზღაპრულ მიღწევებს იძლევა და მალე, სულ მალე შესაძლებელი გახდება ის, რაც დღესაც კი მიუწვდომელი იქნებოდა მიგვაჩნია. ტექნიკის ზრდა-განვითარებას ვერაფერი აჩერებს, ადამიანი ჰაერს დღითი-დღე უფრო და უფრო მედგრად და მტკიცედ იპყრობს. ზღაპრული ფასკუნჯი, რომელმაც ყმაწვილი ფრთებზე შეისვა და ქვესკნელიდან ამოიყვანა, დღეს რკინის ჩიტად ქცეული გუგუნებს ჰაერში და უკვე დაჰყავს მგზავრები დედამიწის ყოველ კუთხეში.

ისარი.



შაპრაშვილის სიმღერა



ჩვე გვეძახიან მთებს და ზღვებს იქით, მღვდელნი და სწავლნი სმენენ ხმას მათს და მის ყოლას

ვიწახიან მთებს და ზღვებს იქით, მღვდელნი და სწავლნი სმენენ ხმას მათს და მის ყოლას

მე - კი გვაქვს თვალთა და გონებისა და სმენისა და სწავლისა და მის ყოლას

ხმის ხმისა და მღვდელნი და სწავლნი სმენენ ხმას მათს და მის ყოლას

ჩვენ გვეძახიან მთებს და ზღვებს იქით, საყვირის ხმები ყველგან გაისმის. ნიუ-იორკ-ლონდონში, კალკუტა—ვენაში ელავს მოსკოვის მზე და აისი.

შეუდრეკი გვაქვს თვალები, გადამწყვეტ ბრძოლით ვინთებით, და პიონერთა რაზმები რბიან მებრძოლი რიგებით. } 2-ჯერ.

უკანასკნელი ბრძოლისთვის მზად ვართ, ჩვენ გავიმარჯვებთ, მედგრად, ისწრაფეთ! საყვირი ყვირის, და გვეძახიან ჩვენც საკავშირო შეკრებისაკენ.

სცემს ბარაბანი და სიმღერითვე მივდივართ რიგში თანაბრად. მრისხანე სასტიკ ბრძოლისთვის პიონერები მზადა ვართ. } 2-ჯერ.

დღე ნათელია, და მარტო არ ვართ, უთვალავია ჩვენი რიგები, შარა შორია, და მარად მზად ვართ მაგარი მუხლით და ნაბიჯებით.

მოვდივართ ერთად ხალისით, ქუჩა გუგუნში ინთქმება. აფრიალებულ დროებზე ლენინის სიტყვა ინთება. } 2-ჯერ.

რედაქტორი — სარედაქციო კოლეგია: მარიამ ორახელაშვილი, აკ. მახათაძე, ვ. ლუარსაბიძე, აღ. მაშაშვილი და გ. აბესაძე.



გამოდის

1929 წ.

გამოდის

ს ა უ მ ა წ ვ ი ლ ო დ ა ს უ რ ა თ ე ბ უ ლ ი

— ■ ყ უ რ ნ ა ლ ე ბ ი ■ —

მ ო ჯ რ ღ ი ლ თ ა თ ვ ი ს

პ ი ო ნ ე რ ი

ორკვი-
რეული

IV წ.



მიიღება ხელმოწერა 1929 წლისათვის. ჟურნალი ღირს გადაგზავნით:

წელიწადში—5 მან.

ექვსი თვით—3 მან.

სამი თვით—1 მან. 50 კაპ.

ცალკე ნომერი—25 კ.

მ ც ი რ ა ფ ლ ო ვ ა ნ თ ა თ ვ ი ს

„ოქტომბრელი“

ყოველ-
თვიური

II წ.

ხელმოწერა მიიღება წლით და ნახევარი წლით.

გ ა დ ა გ ზ ა ვ ნ ი თ { „ოქტომბრელი“ — ერთი წლით — 3 მ. 50 კ.
ნახევარი წლით — 2 მ.

ცალკე ნომერი — 35 კაპ.

მისამართი: ტფილისი, რუსთაველის გამზირი, № 22, სახელგამი. ახალგაზრდათა სექტორი (მეორე სართული). „პიონერი“-ს და „ოქტომბრელი“-ს რედაქცია.